

DIVERS TRAVAVLX

ET ENFANTEMENS

des femmes.

Et par quel moyen lon doibt suruenir
aux accidens qui peuuent eschoir
deuât & apres iceux trauaulx,
deuisé en deux petitz liures.

PREMIEREMENT

Composez en Latin , par maistre Euchaire
Rodion, Docteur en Medecine. & depuis tour-
nez en nostre langue Françoisse, & augmentez
de Annotations, par M. Paul Bienassis
de Poictiers , à l'vtilité de
pluseurs personnes.

*Avec Indice des choses memorables cōtenues
en ce present liure, mises par chapitres en
la fin d'icellay.*


7 1 5 4 4

A PARIS,

Par Iean Foucher, libraire juré, à
l'escu de Florence, rue
sainct Iacques.

1 5 6 3.

AVEC PRIVILEGE

MM
CM

1

2

3

4

5

6



I A Q V E S G A L
loys maistre Barbier, &
chirurgien, Paul Bienassis
desire salut, avec accroisse-
ment de tout bonheur.



CE n'est chose à
 vous incogneüe
 (Sire laques) com-
 bié la cognoissan-
 ce de nostre com-
 mencement, ou natiuité, rappor-
 te aux humains d'vtilité, & re-
 creation. Et combien l'ignorance
 d'iceluy, les detient en grâdes
 tenebres, & obscuritez: ce qu'ay-
 ant cōsideré, me suis mis en mō
 deuoir de traduire, selon ma pe-
 tite capacité, ce present liure,
 traictā: de l'enfantemēt de l'hō-

me: non pour ceulx qui sont instruietz en la langue Latine, lesquels ne pourroient auoir grandement affaire, de ceste traduction (sinon que pour estre releuez de labeur, ilz y trouuerot diuerses appellatiōs, d'aucunes maladies, extraictes des ceuures de Galiē) mais pour ceulx, qui n'ont eu l'opportunité, de vacquer en icelle langue. I'açoit que fois assez persuadé, qu'il est impossible de satisfaire aux affections de tous, iouxte la sentence d'Horace: lequel quelquefois auoit inuité trois personnes seulement à vn banquet: neantmoins chacun d'eux auoit diuers goust, & appetit: tellement que ce que l'vn appetoit, l'autre auoit en horreur. Semblablemēt auourd'huy l'vn ha en bonne reputa-

tion les labours d'autrui, les autres au contraire, n'en peuuent bien dire, ny estimer. Les autres, par vne certaine malice, & affection de contredire, en parlent en mauuaise partie, combié que leur iugement interieur soit autre. Et à ce propos me souuient d'un passage de Galien, au liure de la raison, & maniere de guerir, par Phlebotomie, disant ainsi: Certes l'astuce & cautelle des Sophistes est bien digne d'estre hayë: lesquelz iaçoit qu'ilz sachent bien, qu'ilz sont mensongers, nonobstant par vne certaine malice, ilz afferment tout au contraire: ce qu'ilz font, ou pour vne curiosité d'inuenter choses nouvelles, ou pour acquerir vne vaine sapience, ou plustost vaine gloire. Toutesfois nonobstant

telles personnes, lesquelles semblent auoir deuotion, que les sciences demeurēt enucloppées entre les nations, ie n'ay voulu me refroidir de poursuiure mon entreprinse, estimāt (à la verité) que si quelqu'un mesdit de nostre labeur, il se declarera deuant tous hommes, de bon, & sain iugement, estre farcy d'enuie, & d'autre telle affectiō, qui ne sçauroit prouenir, sinon de pure ambition, & auarice. Certainement si ie ne craignois, d'estre trop p-lix, ie monstrerois, que toutes sciences, & matieres peuuent en toutes langues estre traduićtes, avec grande vtilité du public. Et si quelqu'un repliquoit, qu'en nostre version, nous auons laissé plusieurs termes Grecz, & Latins, leur donnant seulement la

terminaison française, non pourtant intelligibles à vn pur François : La responce est, que ayant esgard à la dignité des sciences, nous n'auons pas voulu legierement nous departir des propres termes. Or apres auoir longuement prepensé, à qui principalement ie deuois dedier ce mien petit labeur, nul ne s'est offert à qui plus iustemét il fut deu, qu'à vous. Et ce pour l'efficace des vertuz, en vous si abondantes, & la dilection, & bonne volonté, que tousiours il vous à pleu auoir enuers moy. Dauantage pource que, outre les autres honestes estudes, ausquelles iournellement vostre esprit s'adonne, ie cognois que singulieremét, vous estes affecté enuers la medecine, tellement que ie ne fais aucun doub-

te, que ce petit liure qui traiçte de ceste sciēce, en laquelle vous vous delectez le plus, ne vo^r soit agreable. Et aussi que la singuliere amitié, que vous portez à tous estudians, meritoit bien, qu'il fut mis en lumiere soubz vostre nō: Car qui est celuy, qui ne sache de quelle amitié vous embrassez les gens sçauans, qui vous viennent voir? De quelle humanité, vous les receuez? De quelle douceur, vous les traiçtez? Et en quel honneur vous les laissez aller, les inuitāt par douces parolles, à vous venir voir souuent? Tellement que vostre maison, auourd'huy doit à bon droict estre nōmée, la maison de L. Luculle, laquelle à esté le port, des gēs de sçauoir. I'ay biē voulu, oultre les propos, que souuēt auons eu ensemble,

en vostre maison (y estant retenu, pour l'affaire q̃ sçauuez) maintenant aussi publiquement tesmoigner la faueur, & amitié dōt auez de tout temps vsé en mon endroit, & iaçoit q̃ par ce moyē, ie ne puisse totalement vous satisfaire, si est-ce toutesfois, qu'il suffira pour le present, vous auoir tellement quellemēt déclaré, le bon vouloir, qu'ay de le recognoistre. Plaise vous dōc (maistre laques) receuoir, de cœur gay, & ioyeux, ce petit present.

Et pour les nobles vertuz, qui reluisent en vous, ie prie
le Createur, vous donner, en santé, bonne, & longue
vie.

De Paris, ce premier iour
du mois de Mars. 1562.

P R E F A C E

aux Lecteurs.



APRES que Dieu créateur de toutes choses, selõ sa diuine prouidẽce, crea l'homme à sa semblâce, luy dõnant vie heureuse, & eternelle, & non contât de luy dõner le corps parfait, avec le sentiment : luy adiousta aussi des dons, à celle fin de pouuoir trouuer, & iuger, ce qui estoit propre pour se nourrir, & conseruer en vie. En apres par sa grande misericorde, il luy donna l'esprit, & raison, pour pouuoir cognoistre, les choses celestes, & estre comme participant de sa diuinite. Et quant à ce qui concerne nostre corps humain, il crea toutes choses, pour le pouuoir entretenir, en ceste vie : Dont c'est ensuiuy, que tant

de bons espritz non seulement se sont amusez es choses basses, & terrestres, comme à cognoistre les vertuz, & proprietex des plantes, & semences: Mais aussi ont môté, iusques aux cieulx, par esprit, & cogitation, met-tans toutes leurs estudes, & labours, à entendre les choses celestes, & permanentes: comme les causes, & mou-vements des Astres, & admirans l'ef-fect, & mutuel accord de tout l'vni-uers, ont aprins, par grande diligence, & long traual, ce qui estoit propre, à l'entretienement de nostre vie: & au contraire, ce qui nous estoit domma-geable. Entre lesquels, nous voyons, c'est ancien, & tresexcellent Hippo-crates, & ceux qui sont venuz apres luy, comme Galien, Auicenne, Rhasis, & plusieurs autres, dont pour le pre-sent, n'est besoing de faire mention, lesquels par la voluntè de Dieu, sont

P R E F A C E.

venux iusques là, qu'ilz ont appris les choses nécessaires, pour garder en santé ceste vie presente, & les ayants comprinses, ilz les ont données à entendre à vn chascun. A l'exemple desquels, ayant du tout mis noz estudes, à retenir ce qu'ils nous en ont laissé, i'estime que ce seroit chose trop ingrate, si nous aussi pareillement (selon nostre petit pouuoir) n'apportions en quelque endroit, proffit à la vie humaine, & santé d'icelle: veu mesme-ment, qu'il n'est pas loysible à vn chascun de fucilleter tant de liures, & si grâds volumes d'iceux: Et aussi que la malice de nostre tēps, ne nous baille pas tousiours, & en tous lieux abondance de doctes medecins. D'auantage veu que il y a plusieurs choses, desquelles la cognoissance, ainsi qu'elle est rare, est pourtant grandement necessaire: Toutesfois nous a-

nous mieulx aimé, donner en quelque endroit, enseignement de nostre estude, & diligence, qu'en toute nostre œuvre, nous bazarder. Et à cause qu'en ces pau. esquels iusques à present, auons fait demeurence, il suruient plusieurs & diuers dangiers aux femmes grosses, & à leur fruit: à cause de l'ignorance des sages femmes, qui ne cognoissent pas entiere-ment, de qui est prouffitable à celles qui sont en travail a'enfant, n'y aux accouchées: ny pareillement ce qui leur est dommiageable, nous auons escrit sur ceste matiere, comme petitx commentaires, par lesquels (selon mon aduis) il sera aysé, preuenir aux choses qui peuuent nuire, & icelles ia aduenues, les guarir, & remettre en leur premier estat. Et pense, que ce mien petit labeur, ne sera seulement vtile & prouffita-

P R E F A C E.

ble à celles , à qui cecy doit appartenir : mais aussi à ceux qui mettent toutes leurs études pour apprendre ces sciences. Et aussi en general, à tous estudians : veu mesmement , qu'il n'y à riẽ plus difforme en tous lieux, que de voir vn homme lettré, ne sachant la facon, & maniere de son commencement ,
ou nati-
uë.

Rien deuant le temps.

LE PREMIER

LIVRE DES DIVERS

trauaulx & enfentemens
qui aduient autour
d'iceulx.

*De la diuerſe appellation du fruit
de la femme. Chapitre, 1.*



Euant que traicter
de l'enfantement de
l'hōme, & des cho
ses qui aduient à
l'entour d'iceluy, il
conuient premierement parler, Ce qui
de la diuerſe appellation de ce *est* gardé
qui est gardé dedans la matrice en la ma
de la mere, ce que Hippocrates à *trice* est
diuisé en quatre temps, comme *diuisé* en
escriit Galien, au premier liure quatre
de la semence. Car le premier temps.

γυνή c'est temps, est nommé *γυνή*, c'est à
dire ge dire geniture, lors que la semen-
niture. ce de l'homme, & de la femme
 est reduite en masse, semblable
 à vn œuf enuclopé d'une peti-
 te peau desliée. Mais alors qu'i-
 celle peau est remplie de sang, &
 qu'il y-a quelque ressemblance
 aux parties nobles, ce temps la se
χῆμα nomme *χῆμα*, c'est à dire con-
c'est à di ception, qui est, selon Galien, a-
re conce presque deux mois sont ia pas-
ption. sez. Le troisieme temps se nom-
Au livre me des Grecs *ἐμβρυον*, & des La-
des cau- tins Fœtus, quand toutes les par-
ties sym- ties nobles sont du tout formées
ptomes. Le dernier temps, auquel nature
ἐμβρυον ha acheué la liaison de toutes les
Fœtus. parties, & de tout le corps, alors
Enfant. s'appelle Enfant: lequel commen-
 ce à se mouuoir doucement de-
Le masle dans la matrice. Le masle, au

troisiesme moys, & la femelle, au se mou-
quatriesme. Combien que quel- uededās
ques vns disent, qu'il se faiēt vn la matri
autre mouuement, deuāt ce tēps ce au 3.
icy: mais iceluy n'est pas faiēt moys, et
par le fruiēt de la femme: ains la femel-
par nature, laquelle diuise ceste le au 4.
masse de semence, qui est sans Le mou-
forme. Au reste si ce qui à esté cō uement
ceu au premier temps, tombe de qui se
la mattice, deuant le septiesme faiēt par
iour, pour quelque iniure exter- nature.
ne ou interne, est par Aristote
nommé fluxion. Mais aux autres Fluxion
temps legitimes, cela s'appelle
abuortement.

Abuorte
ment.

*En quelle facon & maniere gist de-
dans la matrice, le fruiēt de la
femme, & en combien de
peaux il est enuironné.*

Capitre 2.


B

L'enfant
est dedās



la matris, & les mains sur les genoulx
ce en for & sur les mains ha la teste, ainsi
me rōde. appuyée, que les poulces respon-
dent aux yeulx, & le nez est en-
tre les genoulx & le visage baif-
sé, & tellement tourné, que les
yeux sont comme imprimez &
collez sur lesdicts genoux & le
nez entred eux ainsi que levoyez
en ceste figure. Estant doncques

La situa- le fruct ainsi, il est en forme ron-
tiō disse- de : comme vn globe, mais il y a
rête en- ceste difference entre le masle,
tre le mas & la femelle, que la femelle a les
le & la parties de deuant virées contre
femelle. le dos de la mere, & les parties
L'Epiga- de derriere, contre l'Epigastre,



ce qui aduient au contraire au *stre* c'est
 masse. Car il regarde le deuant le dessus
 de sa mere. Dauantage le fruiet du vêtre
 est enuironé de trois mébranes, Le fruiet
 que les Grecs apellent *ὀμνυες*, est enui-
 semblables à toylles d'araignes. *ronné de*

3. *membra* Lesquelles non seulement se touchent: mais aussi sont coalescentes. *Gal. au 1. liu.* & vnies ensemble en plusieurs lieux, & en beaucoup de lieux elles sont séparées l'une d'autre, par subtils filaments, lesquels paruiennent de l'une à l'autre. Nature (autant que luy a esté possible) les a voulu vnir: à celle fin, que s'il y auoit faulte de propre vertu & l'une d'icelles, que toutes les autres luy en communiquassent. La premiere, & extérieure membrane, est subtile, & forte neantmoins: laquelle *nom* $\chi\omicron$ enuironne les deux autres, & *piov. se-* aussi l'enfant par dehors, & *ci de ou* dedans elle ioint toute la matrice. Et par le moyen d'icelle, l'enfant, qu'on fant est lié avec la matrice. Les Grecs appellent ceste membrane l'arrière *ne* $\chi\omicron\pi\omicron\upsilon$, & les Latins Secundæ,

& communément *Secundina*. *fays*, ou
 Les obstettrices, ou sages femmes la *deli-*
 l'appellent l'arriere *fays*. Les au-*urance.*
 tres l'appellent la *deliurance*.
 Pource que (ainsi cōme ie pense)
 quād ceste mēbrane est dehors,
 lors la femme est deliurée de l'é-
 fantement. L'autre qui s'ensuyt *Lasecōde*
 est fort subtile, laquelle est nom-*est dictē*
 mée en Grec *ἀλλαντοειδής* à la *ἀλλαν-*
 similitude d'un farcy, que les *τοειδής*.
 Grecs appellent *ἀλλας*. Ceste *ἀλλας*
 membrane est faicte, deuant celle c'est vn
 qu'ō appelle *ἀμνιος*, ou *ἀμνιον*: *farcy*.
 & prend son commencement du
 conduict, appellé *ἔραχος* en *ἔραχος*
 Grec, c'est à dire vrinal. Et cou-*c'est le*
 ure seulement les parties eminē-*cōduict*
 tes, comme la teste, les fesses, & *vrinal*.
 les pieds de l'enfant. Elle est de-
 bille, & estroite, pource qu'elle
 est faicte du sperme feminin tāt

seulement elle est longue : car elle s'estend iusques aux deux cornes de la matrice, & paruient iusques au fond de la vescie de l'enfant, par vn conduict large, droit & insigne: tellement qu'el-

La secon le est conioincte, par le conduit
de mem- appellé ὕφαλος, lequel est situé
brane re au milieū des deux. L'vtilité de
tient l'v- ceste membrane est de recueil-
rine de lir l'vrine de l'enfant, iusques au
l'enfant. téps de l'enfantement. La trois-
La trois- iefme, & derniere membrane,
iesme mē est subtile enuironnant l'enfant
brane est de toute part, comme receuant
nommée la sueur dudit enfant Elle est ap-
ἀμνιος pellée en Grec ἀμνιος ou, ἀμνιον,
ou ἀμ- qui vault autant à dire, comme
νιον elle membrane d'un agneau, à cause
retiēt la de sa molesse. Les obstetrices
sueur. (comme dit Albert) l'appellent
L'armu- l'armure de l'enfant. Et selon

Auicenne Abgas.

re de l'en-
fant.
Abgas.

En quel temps les femmes enfan-
tent, & quelz signes prece-
dent l'enfantement.

Chap. 3



ES quatre temps de
nostre conformation,
dont nous auons cy
dessus parlé, ne se fi-

nissent pas tousiours en vn mes-
me temps. Mais aucunesfois l'a-
cheuent au septiesme, huicties-
me, neufiesme, dixiesme mois,
lequel terme si la femme grosse
outrepasse, par la seule authori-
té d'Hippocrates son fruiet est
estimé bastard selon les loys.
Iaçoit qu'il se trouue des fem-
mes honestes, & pudiques, qui
portent bien aucunesfois leur
fruiet iusques à l'vnziesme mois
& (ce qui n'aduient pas souuent)

Les fem-
mes n'en
santent
pas tous-
iours en
vn mes-
me tēps
Bastard.
Les fem-
mes au-
cunesfois
peuuent

porter iusques au douziésme, Dõt la cau
leur fru- se de ceste longanimité de tēps,
ict iusq̃s qui est dōnée de nature à la fem
à 11. & me, pour enfanter, est demon-
12. mois strée par Hippocrates, en ces li-
Hipp de ures intitulez de Octimestri, &
Octime- Septimestri partu. Et aussi par
Stripartu Aristote, au quatriésme liure, cha-
Arist 4. pitre dernier de l'Histoire des
lib. de. 11 animaux. Quand donc iceluy
sto. aīal. temps est venu, & que les fem-
cap. vlti. mes ont enuie d'enfanter, ce qui
Les fem- se faict le plus souuent, apres le
mes enfā neuviésme mois, ou enuiron qua-
tēt le pl^r rante sepmaines apres auoir con-
souuent ceu, ces signes leur aduiennent
40. septm souuent, par lesquelz elles co-
apres la gnoissent, que le trauail d'enfan-
cōceptiō ter approche. Au commencemēt
les signes il leur suruient des douleurs à
pour co- l'entour des flācz, & au dessoubz
gnoistre du nombril, & au dos. Puis apres

les cuisses, & les parties, qui sont *que le*
 autour des genitoires sont tor- *téps d'en*
 mentées de mesmes douleurs. *fanter*
 Incōtinent la femme grosse cō- *appro-*
 mence à estre enflambée, & fina *che.*
 lement est enflée & les humeurs
 fluent en abundance : tellement
 qu'il est aysé à cognoistre qu'āps
 que ces signes sont aduenuz à la
 femme grosse, que le temps de
 l'enfantement est prochain.

*Quelx sont les naturelz enfante-
 mens, & quelx sont ceux
 qui viennent contre
 nature.*

Chapitre II II.

DE S enfantemens
 les vns sont natu-
 rels: les autres sont
 cōtrenature. Ceux *Les natu*
 qui sont naturelz *relz en-*
 sortent au temps legitime, & en *fantemēs*

bône sorte & maniere. Quel est le temps ordonné, ou legitime, nous l'auons dit cy dessus. Com-

Ceux qui naissent au viij^{me} mois ne viuent point. bien que ceux qui naissent au huiëtiesme mois (comme nous voyons aucunesfois) ne viuent nullement, ou bien peu: comme Auicenne tesmoigne. Or la maniere propre, & naturelle, doibt estre telle, comme recite Albert le Grand, c'est que l'enfant sorte de la matrice, en ceste sorte.

La sortie naturelle de l'enfant. Premièrement la teste, & puis le col, & les espaulles, & les mains, estans aux costez droictement estandues, iusques aux cuisses, & les pieds, les derniers. Et ainsi l'enfant doibt naistre, comme couché sur le dos, ayant la face, & les yeulx, regardés le ciel: comme vous voyez par exemple, en ceste figure.



Car comme nous auons dit cy dessus, le fruiët est dedans la matrice en forme ronde, enucloppé de trois membranes : mais quand il deuient grand, & que le terme auquel il doit sortir,

approche, desirant plus grande
 abundance d'aliment, desirant
 aussi rafraichir sa chaleur natu-
 relle: se mouuant en diuerse ma-
 niere, & rumpant les tuniques,
 desquelles il est enucloppé, in-
 clinant sa teste en bas, & mettât
 ses bras aux costez, la matrice
 estant par la prouidence de natu-
 re ouuerte, & les os du penil vn
 peu relachez, il vient au monde,
 avec vn merueilleux torment,
 pour la mere. L'autre maniere
 de l'enfentement naturel, est,
 quand l'enfant sort incontinent,
 & comme en vn coup, sans lon-
 gue demeure. Mais les enfante-
 ments contre nature, sont ceulx
 qui viennent deuant le terme le-
 gitime, ou qui sortent en vne au-
 tre maniere, que celle, que nous
 auons dicté. Toutesfois Auicen-

*Les en-
 fantemēs
 non na-
 turellez.*

ne dit, que ceulx qui sortent les
pieds deuant le reste du corps,
ayans les mains estandues droi-
ttement aux costez, cōme vous
voyez en la figure subsequente,



Les en- ne sont pas naturelz: mais appro-
fante- chent fort de nature: pour autāt
mēs ap- qu'ilz ne sont pas si dāgereux, q
prochās les autres, qui se fōt cōtre nature.
de natu-
re.

De l'enfantement aysé & facile, &
de ccluy qui est difficile, & par quel
moyen on doit cognoistre icelle faci-
lité, ou difficulté d'enfanter. Chap. v.

Les cau-
ses des
dangers



qui sur- giers, dont les causes s'ensuiuent.
uiennent Premièrement toutesfois & quā-
aux fem- tes que la matrice est estroicte,
mesgros- & que la femme à conceu deuant
ses. douze ans: ce qui aduient aucu-
i. la ma- nesfois: mais peu souuent.

trice e- Secondement quand l'orifice de
stant e- la matrice, est cōprimé, par quel-
stroicte. que raison naturelle, ou par quel
à l'orifi- que maladie, comme apostumes

ulceres, & matifques (qui sont *ce de la*
froncles, ou petites tumeurs rō- *matrice*
des, dures, & rouges, qui sont grā *compri-*
de douleur, & autres telles cho- *mé.*

ses. Car cela empesche quelques *Que*
fois, q̄ la matrice ne se peult ou- *c'est que*
rir, qu'avec grāde douleur: ainsi *maris-*
le fruit, ne peult aysemēt sortir. *ques.*

III. Quand il suruient des apo- 3. Apo-
stumes en la vescie, & des vlce- *stumes*
res aux intestins, & autres sem- *en la ve-*
blables maladies: dont la matri- *-scie.*
ce en endure, & ne peult donner
sortie à l'enfant.

IIII. Quand il aduient des vlce- 4. Vlce-
res, fistures, & tumeurs, ou he- *res & tu*
morroides, aux parties de der- *meurs*
riere, ou quand la femme ha du- *aux par*
reté, & adstriction du ventre, *ties de*
dont s'ensuit, qu'elle ne peult ay- *derriere,*
sement s'efforcer, & ainsi la ma-
trice, est destituée de son deuoir.

*5. Imbe-
cillité &
foible cõ-
plexion
&c.*

V. Si la femme est imbecille, & de foible complexion, si elle est de nature froide, ieune, grosse, grasse, ou trop maigre, si elle n'a iamais enfanté, si elle est timide ou trop fascheuse. Car ces choses icy font, que la femme ne se faylant que tormenter, & mouuoir deça, & dela, ne peut estre secourue: la quelle chose red l'enfantement aspre, & malaysé.

*6. Les
maïles
plus ay-
sez à en-
fanter q̃
les femel-
les.*


VI. En general, il fault sçauoir, que les maïles sõt tousiours plus ayses à enfâter, que les femelles.

*7. Le fru-
ict estât
fort gros
ou trop
menu.*

VII. Cela rend aussi l'enfantement difficile, & mal aysé, quand le fruit (ce qui aduient aucunes fois) est si plain, & si gros, qu'il ne peut facilement passer par la bouche de la matrice: ou au contraire, s'il est si menu, & si foible, qu'il ne se remue que bien peu,

encore

encore que la femme s'efforce.



8. Deux V. III. Si la femme accouche de *gemeaux* deux enfans gemeaux, ou que *ou vn en* son fruiet soit monstreux, com-
fant mō- me quād il aduient qu'vn corps
streux. ha deux testes, tel que celuy qui
 naquit, en vne des contrées de
Monstre Vuerdemberg, en Allemagne:
qui nas comme il est figuré cy dessus.
quit en Ou au contraire, si le fruiet est
Allema- gresse, & coulât: tellement qu'en
gne. s'efforçant, il vienne à tomber,
 deuant qu'il soit besoing.

9. Quād I X. Quand l'enfant ne sort pas
l'enfant de bonne sorte, n'y au temps or-
naist les donné, comme quand il naist, les
pieds es- pieds escartez: ou les genoux
cartez. ensemble, avec les pieds, ou
 quand il sort les pieds premiers,
 ayāt les mains esleuées en hault:
 ce qui est le plus dangereux, ou
 toutesfois & quantes qu'il mon-
 stre au bord de la matrice, ou vn

costé, ou le dos, ou le cul, le reste (qui premierement deuroit sortir) demeurant au dedans. Et aussi quand deux gemeaux, ayans leurs pieds ensemble, ou quand l'un ayant les pieds avec la teste de l'autre, veulent sortir ensemble. Côme souuentefois il peut aduenir, desquels nous parlerons cy apres.

X. La femme endure fort grand *10. quand* travail en enfantant, toutesfois *le fruit* & quantes, que son fruit *abuor-* *aborte* te le quatriesme, ou cinquiesme *le 4. ou* mois, apres la conception. Car *5. mois* en ce temps la, la bouche de la *apres la* matrice, qui est encore ferme, & *cōceptiō* robuste, se reserre cōme dit Galien. Ou aussi, quand la femme differe d'accoucher, iusques à l'vnziesme mois, à cause de quel que maladie, qui suruient à l'en-

fant, ou à la mere mesme.

II. *Quād* XI. Celle enfante avec grand le fruit d'agier, qui à son fruit mort de- est mort dans la matrice, à cause qu'il ne dedās la se peult tourner, ny mouuoit matrice. pour sortir. Ou quand le fruit, n'est pas mort en la matrice:

Les si- mais est fort debile, & malade, gnes pour tellement qu'il ne peult s'auan- congnoi- cer, ou ayder à sortir. Ce qui se stre que congnoist aysément, si la femme le fruit grosse à esté longuement mala- est debi- de, si apres auoir conceu, elle à le & ma eu vn flux de ventre, ou vn long lade.

flux, & inaccoustumé des men- strues, ou males sepmaines, com- me elles appellent. Et si vn moys apres la conception, il sort du laiēt des māmelles, estans esprain- tes. Dauantage si le fruit ne se remue point, au temps ordonné: car c'est signe qu'il est mort, cō-

me nous declarerons cy apres.

XII. On enfante à peine, quand la secondine (ou l'arriere fais, *12. quād la secon- dine est trop fer-* qu'on appelle) est trop ferme, & ne se rompt pas aysément, dont l'enfant ne peut sortir. Ou au contraire, quand icelle membrane, est trop molle, & tendre, & se vient à rōpre deuant que l'enfant vueille sortir. Car alors les humeurs, qui se sont amassez à l'entour, tumbent deuant le tēps & ainsi l'humidité se perd, laquelle deuoit ayder, à faire sortir & couler l'enfant.

XIII. L'enfantement est empesché, par grādes froidures, & par trop, grands chaleurs, c'est à sçauoir quand la femme grosse, est reserrée par les gelées, & grādes secheresses de l'air, & l'orifice des vaisseaux est comprimé, &

13. Par grandes froidures & grandes chaleurs

estroïssi, ce qui aduient le plus souuent, quand le vent d'Aquilon soufflé. Et aussi quand la femme grosse est tormentée, de trop grand chaleur. Car icelle debilité affoiblit l'enfant, & la mere aussi, & les lasse si bien, que l'enfant ne se peut mouuoir, ny la femme s'efforcer.

14. *vian des qui desechēt & reserrent.* XIII. Cecy rend aussi l'enfante-mēt difficile, si la femme grosse, à accoustumé de manger viâdes qui desechēt & reserrent, cōme sont les Neffles, les Chasteignes, les Cormes, l'Acacia, le Millet, le Ris, & le vin noir, lequel estreint.

15. *L'vsa ge des baings froids.* XV. Si la femme grosse, le cinqiesme moys apres qu'elle à conceu, vse de baings froids, ou de ceulx, dans lesquels y ayt meslé de l'Alun, ou de fer, ou de sel, ou

dedans lesquels y ayt chose cuit- *Les me-*
 te, ou pilée qui astreigne, ou re- *dicamēs*
 serre: cōme est le Glād, l'escorsse *astrein-*
 de Chesne, les escalles de Gland, *gens,*
 les noix de Galle, l'escorse de
 Grenades, la Serpétine, la Quin-
 tefucille, la Tórméntille, les Rō-
 ses, les Nefles, les Poires sauua-
 ges, des pommes de Mars, des
 pierres brulées, & autres cho-
 ses semblables.

XV I. Si la femme grosse à esté 16. Tri-
 souuent triste, ou malade, si elle *steffe ou*
 à enduré faim, & soif, & que par *maladie,*
 trop veiller, elle soit desechée. *fai, soif,*

XV II. Si la femme estāt preste *et veilles*
 d'accoucher, ayt vsé d'odeurs ve- 17. *odeur*
 hementes. Car cela attire la ma- *vehemē-*
 trice, & d'autant plus qu'elle est *tes.*
 attirée, l'enfantement en est d'au-
 tant plus empesché.

XV III. Si la femme grosse à 18. Den-

leurs au quelque douleur, qui ne descende
dessus de pas iusques au bas de la matrice,
la ma- mais demeure sur le nombril, ou
trice. par le derriere, sur le dos.

19. Par le XIX. Si les enfâts qu'elle a euz
travail au parauant, sont sortis a grand
des pre- peine: Car les derniers ne sorti-
miers en ront point plus aysement, veu
fants. que par coustume les douleurs,
 ne diminuent point.

les signes Au contraire les signes pour co-
pour co- gnoistre, que la femme ne sera
gnoistre pas longuement en travail d'en-
que la fē fant, n'y en dangier de sa person-
me ne se- ne, ce sont les choses contraires
ra pas lō à celles, qu'auons dit cy dessus:
guement comme quand la femme grosse,
en tra- à eu ses premiers enfans ayse-
uail d'en ment, & sans grād travail, & que
fant. quand le temps d'enfanter ap-
 proche, elle ne sent pas beau-
 coup de mal: ou que si elle est

tormentée, de grâdes douleurs, celles ne demeurent point aux parties superieures: mais descendent iusques aux genitoires.

Dauantage encore que la femme grosse enfante, avec grand trauail, & difficulté: toutesfois *les signes* les signes pour cognoistre, qu'il *pour co-* n'y aura aucun dâgier, sont ceulx *gnoistre* icy: Vne inquietude, & agitation *qu'il n'y* de l'efant, en la matrice, & quâd *aura po-* les douleurs de la femme tom-*int de dâ* bent tousiours en bas par le de-*gier pour* uant: Dauâtage quand icelle fem *la fême.* me grosse, est forte & robuste, & ne respire point à peine, ains ay-*sémét* peut s'efforcer. Mais toutesfois & quantes, qu'il sort du *les signes* corps de la femme grosse, des *de mort* sueurs froides, & que le pouls luy *pour la* bat plus viste que de coustume, *femme* & qu'en enfantant elle s'esua-*grosse.*

nouit , ce sont signes de mort
subites.

*Que c'est qu'il fault faire aux fem-
mes prestes à accoucher, & com-
ment il fault subuenir à celles, qui
enfantent à peine. Chap. vi.*



Eulx d'ocques qui
voudront subue-
nir , aux enfante-
ments difficiles, &
qui se font à pei-

ne, desquelz nous auons parlé il
fauldra qu'ilz obseruent , ce qui

Double s'ensuit. Premièrement, que la
diaite à femme grosse, vse de double di-
la femme aite, ou raison de viure : l'une le
grosse. moys deuant qu'accoucher, l'au-
L'une le tre durant le temps de l'enfante-
moys de- ment, en ceste sorte. Au cōmen-
nant qac- cement, qu'elle euite tant qu'el-
coucher. le pourra , tout ce qui peult nui-
re, & empescher l'enfantement.

Et ce qu'elle ne pourra du tout
fuyr, & euter, comme les vices,
qui viennent de nature, ou de
quelque autre accident, alors il y
fauldra appliquer quelques re-
medes, à celle fin de les rendre
(tant qu'il se pourra faire) plus
doux, & moins empeschans.
Mais sil survient quelque dan-
gier, par la matrice, ou par les ge-
nitaires, ou par quelque exulce-
ration, & autres telz vices, par
lesquelz la bouche de la matri-
ce, soit reserrée, & ainsi la sortie
de l'enfant, fut empeschée: Il faul-
dra user de remedes, deuant que
le temps d'enfanter soit venu, &
avoir quelques Chyrurgiës, pour
guarir tels vlceres à la femme
grosse. Aussi pareillement, si elle
auoit quelque mal en la vescie,
comme pierres, & grauelle, vlce-

Que cest res, Strangurie (qui est ne pou-
 q̄ *Stran-* uoir pisser, que goutte à goutte)
gurie. ou si elle estoit tormentée, de

Que cest Marisques (qui sont froncles, ou
 que *Ma-* petites tumeurs, comme nous a-
risques. uions dit) ou d'inflations, ou A-
 postumes, il fauldra mettre pei-
 ne, de la guarir y appliquant des
 medecines, deuant que son ter-
 me soit prochain.

Le ven- Pareillemēt si la femme gros-
tre con- se, auoit le ventre si constipé
stipé. qu'aylément elle ne peust aller à
 la selle, & que dedans son corps
 y eut de la matiere aduste, & se-
 che, elle doibt menger l'espace
 d'un moys, deuant qu'acoucher,
 choses qui adoulcissent, & ramol-
 lissent: comme des pommes, a-
 uec du sucre, mangées au matin
 à ieun, & puis qu'elle boiue un
 verre de vin pur, ou meslé avec

du iust de pommes doulces, ou
 bien menger au matin, & au soir,
 des figues. Dauantage, elle doibt
 aussi s'abstenir, des choses qui a-
 streignent, & dessechent comme
 le Rosti, le Ris, les œufs durs, le
 Millet, & aultres choses sembla-
 bles. Que si la necessité requiert
 dauantage, elle peult vser d'un
 clystere, moyennant qu'il soit
 doulx, & bening, & que la deco- *Clystere*
 ction d'iceluy, soit d'un bouillō *propre à*
 de poulet, ou d'autre chair boull *la femme*
 lie. Elle peult vser aussi, de quel- *grosse.*
 que medecine doulce, laquelle
 ramollisse le ventre. Pareillemēt *Medeci :*
 il luy est licite d'vser, de supposi- *ne doul-*
 toires faits de fauon, ou de lard, *ce.*
 ou de iaulne d'œufs. *Supposi :*
 Que si la femme grosse se trou- *toires.*
 ue foible, & debile, alors que
 son terme approche, elle doibt

estre renforcée, par le boire & *Electuai* manger, & par electuaires pre-
tes. cieux. Et des ce téps la, luy fault

preparer, tout ce qui ayde, & cō-
vient à l'enfantement, comme les

Medica- médicaments qui relachent, ou
ments la adouclissent, ou ramollissent, à

xatifs. celle fin que les parties genitales
soient plus amples, & spacieuses,
& qu'icelles donnent aysée issue,
à l'enfant, & cela se doit faire

Les ma- principalement, aux ieunes fem-
trices sōt mes. Car celles qui sont aagées,

dures & ont leurs genitoires, & matrices,
seches pl^{re} dures & plus seches, & pour

aux fem ce doibuent vsfer de medicamēts
mes aa- chaulds, & humides, pour les ré-

gées. dre plus molles, & coulantes, soit
qu'on les prene par la bouche,

Fomenta ou qu'on les applique par en bas,
tions ou dedans les parties genitales, ou

unguēts. par dehors, par fomentations, ou

vnguens: cōme seroit vn bouil-
 lon gras, de chair bouillie, ou
 d'un poallet gras, ou d'un cha-
 pon. Mais aux genitoires, on
 doit appliquer, de la gresse de *Gresses.*
 poule, de canart, & d'oye, de la
 viscosité des graines de coings,
 de la semēce de lin, de Guymau-
 ue, de Senegré. Toute huylle aus-
 si mollifie. Et fault que la femme
 grosse vse, pour son boyre, d'un
 vin, qui soit bien cuit, y meslant *Vin bien*
 de l'eau. Il fault aussi, qu'elle ayt *cuit.*
 esgard à son viure, à celle fin, que
 elle mange principalement des
 viandes, qui humectent, & nō de
 celles qui engraisent: & qu'elle *viandes*
 cuite tout ce qui desechē, qui *humides*
 adstreint & reserre, mesmement *Et qui*
 le mois deuant qu'enfanter. *engres-*
 Et quād le terme approche, c'est *sent.*
 à sçauoir, quand il ne reste plus

*Ablutiō
d'eau
chaude.
Bains.*

que dix, ou douze iours, & que la femme grosse cōmence à sentir quelques douleurs, elle doit tous les iours se laver, d'eau chaude, & faire cela souuent, affin de ne languir pas beaucoup. Et fault qu'elle se baigne dedās l'eau, vn peu plus hault que le nombril, & fault faire bouillir en icelle eau, choses qui adoulcissent, & ramollissent, comme font les Malues, les Guymauues, la Camomille, la Mercuriale, le Capilli Veneris, la semence de Lin, la semēce de Fenigrec, & autres choses semblables. Que si elle ne peult endurer d'estre baignée dedās l'eau chaude, à cause de quelque foiblesse de corps, il sera bon de prendre vne espōge, ou quelque linge trempé, dedans icelle eau & luy en laver les pieds, & les parties

parties genitales, & la bouche
de la matrice, & les reins. Et du- s'abste-
rant ce temps la, il ne fauldra pas *nir d'e-*
aller aux estuues, à cause que cela *stunes.*
debiliteroit fort la femme grosse.

Au reste apres qu'elle sera la-
uée en ceste sorte, il fauldra vser
des gresses, dont nous auons par- *Gresses,*
lécy dessus, ou de quelque mou- *ou mouel*
elle, & luy en frotter & oindre le *les.*
dos, les flancs, le nombril, les co-
stes, & tout l'alentour des par-
ties genitales. Dauantage il ne *Couler*
sera pas mauuais, de couler des *des gres-*
dictes gresses, dedans les geni- *ses dedans*
toires de la femme grosse, & pour les geni-
ce faire, il la fauldra coucher sur *taires.*
le dos, en telle sorte, que la moy-
tié de son corps soit vn peu plus
hault que le reste, à fin que les
gresses, qu'on coulera, avec vne
esponge, ou de la laine, ou avec

vne bource à clystere, demeurét plus aisement au dedans. Et faudra faire cecy principalement, si la matrice est aride & seche, ou que la femme grosse ayt le corps maigre, & deffaict.

Perfums. Il sera bõ, & profitable aussi, de parfumer les genitoires de musc d'ambre, de noix muscate, lesquelles choses estant mises sur les charbons, rendent vne odeur agreable, & suauue, dont les orifices, & bouches des vaisseaux

La facul estouppez sont ouuerts: car de
te du per leur force ilz extenuent, & sub-
fun. tiliét la crassitude des humeurs, & par incision ilz desbouchent les obstructions, & attirent hors

Viandes le fruit. Il fault aussi sur toutes choses (comme nous auons forcißet. dit cy dessus) que la femme grosse, ayt esgard à son viure, & qu'el

le vse de viandes qui r'enforcissent, & tousiours peu, & qu'elles soient bonnes.

Quant au vin, il fault qu'il soit *Bon vin* bon & sauoureux : mais elle en *Usan* doit vser bien sagement: *Dauã-reux.*

Il fault qu'elle prene *Exercice* exercice mediocre, soit en beson- *medio-*gnant, en se mouuant, en allant, *cre.*

en demeurant de bout, & fault qu'elle face cela vn peu plus longuement qu'elle n'auoit accoustu-

mé. Car ces choses auancent l'enfantement, & aydent à le mettre

hors. Voilà la diaite qu'il fault *La secõ-*observer aux femmes grosses, *de diaite* vn moys, ou vn peu plus longue- *se doit*ment deuant leur terme. *faire lors.*

L'autre est quand leur terme est *que le* prochain, lors que la femme *temps de* grosse commence a sentir des *lenfante* douleurs, & que les humeurs *ment est*

qui iusques en ce téps la s'estoiét
gardées dedans les vaisseaux,
commencent à fluer, & cou-
ler par les genitoires, ce qui se
faict pour deux raisons. La pre-
miere est, à celle fin qu'on prepa-
re les choses, qui rendent aysée,
la sortie de l'enfant. La seconde
est, affin qu'on secoure aux dou-
leurs, & trauaulx qui aduiennent
à la femme grosse. Et pour ce
faire, il luy conuient vn peu de-
uant qu'enfanter, enuiron vne
heure, demeurer en vn lieu, &
puis apres elle se doit agiter, en
Agitatio mōtant, & descendant quelques
et mou- degrez, ou eschelles, & en criant
uement, à haulte voix. Dauantage il luy
conuient aussi retenir son halai-
Retenir ne, quelque espace de temps,
l'halaine pour-autant que par ce moyen
ses intestins se reserrent, & com-


priment. Il est bon aussi, de prendre la medecine que nous escri-
rons cy apres, car icelle poulse
dehors l'enfant, & luy ayde à
sortir.

Au reste, quand la femme gros-
se sent des-ia la matrice s'ouvrir,
& dissouldre, & les humeurs
couler en plus grande abundan-
ce: lors elle doibt incontinent *Comme*
se seoir, en telle sorte, qu'elle ne *la femme*
soit, n'y debout n'y aussi du *se doibt*
tout couchée, pour laquelle cho-*se* pour
se, en plusieurs regions com-*acou-*
me en la France, & en la hault-*cher.*
te Allemaigne, les sages femmes
ont des sieges propres, lesquelz
ne sont guieres hault de terre, &
sont creux en telle maniere, que
facilement on tire l'enfant à tra-
uers d'iceulx, & aussi la femme
grosse, est appuyée sur le dos à

DIVERS TRAV. ET

son ayle. Les sieges sont quasi-
mét ainsi faits cōme vous voyez

Les sic- cy dessoubs, par ceste figure.
ges pro- Et par ainsi quand l'enfantemét
prespour approche, ce siege doibt estre
accon- rempli par le derriere, de quel-
cher. ques robes, & oreillez, le quelz



l'obstettrice (y ayant faict asseoir la femme preste à enfâter) pourra maintenant tourner d'un costé, maintenant de l'autre. Et cõment fault que la sage femme, soit as-il fault sise deuant la femme grosse, & que la sage qu'elle considere diligemment, se fẽme combien, & comment se remue se prepa l'enfant, & puis il fault qu'a-re pour uec ses mains, elle gouuerne, & recevoir conduise, comme il appartient-l'enfant. dra les membres, & la matrice de la femme grosse, ayant toutesfois premierement les mains *Les mains* gressées, de beurre fraits : ou *gressées*, d'huile d'Amãdes doulces, meslée avec de l'huile de lis blanc.

L'obstettrice doit aussi admonester, & resiouir la femme, qui est en trauail d'enfant, & non seulement la reconforter, par le boire, & manger : mais aussi la con-

Il fault *resjouir* *la fem-* *me qui* *est en tra-* *uail par* *parolles* *doulces.* *Les fem-* *mes sont* *ayses de* *entendre* *qu'elles* *ont vn* *enfant* *masle.* *Retenir* *son halai-* *ne.* *La fem-* *me trop* *grosse*

soler, de parolles doulces, & a-
 myables, en luy donnant bonne
 esperance, en luy promettant,
 que son enfant viendra à bon
 port, & que c'est vn enfant mas-
 le. Car les femmes sont commu-
 nément ioyeuses, d'entendre ce-
 la. La sage femme aussi, luy doit
 dire, qu'elle retienne son halai-
 ne, tant qu'elle pourra: & qu'elle
 comprime en frottant doulce-
 ment, avec ses mains, ceste par-
 tie de la matrice, qui est produi-
 te, iusques au dessus du nombril,
 car cela poulse en bas l'enfant.
 Mais si la femme grosse estoit
 trop grasse, & charnue, il vault
 miculx qu'elle soit couchée, que
 non pas assise: en telle maniere,
 que de son front, elle touche la
 terre, ayant les pieds escartez.
 Car par ce moyen, la matrice en

est plus pressée, & ouuerte. Et doit estre puis il fault oindre le dedans, de couchée ses parties genitales, d'huyle de *Unõ as-* lis blanc: & si la necessite, le re-*sise* pour quiert, il ne fault pas que la sage en-*fater*. femme, craigne d'y toucher avec Oindre ses mains, & d'ouurir, & dilater les par- le col de la matrice, de la femme *ties geni-* grosse: car cela ayde beaucoup *tales*. à l'auencement.

Au reste la sage femme doit se La fem- donner garde, de contraindre, & *me grosse* faire efforcer la femme grosse, ne doit devant qu'il soit temps & qu'on pas s'ef- voye l'enfant. Car autrement, c'est *forcer de-* peine perdue pour celle qui s'ef- *uāt qu'il* force. Et si avec cela, la femme *soit tẽps*. grosse est tant lassée, que quand il fault puis apres trauailler, & s'efforcer, lors elle n'en peut plus. Dauantage quand la femme sera en travail, & qu'on commencera

Quand à voir ceste mēbrane (qu'on nō-
l'arriere me l'arriere fais) de laquelle est
faisappa enuironné l'enfant , il fault sça-
roist l'en uoir que l'enfantement appro-
fantemēt che. Parquoy si ceste membrane
appro- ne se rompt d'elle mesme, il fault
che. dra que la sage femme la rompe

doulcement avec ses vngles , ou
il fault si ainsi elle ne le peult faire ayle-
rompre ment, elle prendra des ciseaux,
l'arriere ou quelque petit couteau, & ain-
fais si de si la coupera doulcement, se gar-
elle mes- dant bien de blesser l'enfant. Ce
me elle qu'ayant faict les caux, & autres
ne serōpt humeurs (desquelles auons patlé

Il ne cy dessus) couleront , & inconti-
fault pas nent l'enfantement s'ensuiura.
couperla Mais si d'aduenture il aduenoit
secōdme que la sage femme eut coupé ce-
deuant ste membrane, deuant qu'il en
qu'il soit fut temps , & que toute la fluxiō
temps. d'humeurs fut escoulée: en telle

sorte que les genitoires de la femme grosse fussent des-ia secz, & Couler que l'enfant ne se fut pas enco-dedans res du tout tourné pour sortir, & les geni-qu'à cause de ce, la sortie de l'en-toires des fant semblat aucunement estre gresses retardée, alors il sera necessaire & huy-de verser dedans les genitoires les. de la femme, de l'huyle de lis blanc, ou de la gresse fondue estant vn peu tiede: à fin de rēdre la sortie douce, & coulante.

Toutesfois il sera bon, en ceste affaire, d'vser principalement, d'vn blanc d'œuf, ensemble avec le iaulne, & le couler dedans les genitoires, & fauldra mettre peine, de donner à la femme grosse quelque chose qui la face esternuer. Que si l'enfant estoit Esternue trop gros, ou que sa teste fut ad-mens. herente au col de la matrice, y

DIVERS TRA. ET

mettant doulcemēt la main grē-
Pour di- sée d'huyle, & de gresse, comme
later le dessus, la sage femme dilatera, &
col de la relaschera, iceluy col de la matrice
matrice. ce. Semblablement si la femme
 estoit grosse de deux gemeaux,



Il faudra vſer d'huyle, comme nous auons dit cy deſſus.

Voila d'ôcques tout ce qui peut appartenir pour l'enfancement naturel, lequel ſort la teſte la premiere, & puis les autres mēbres par ordre, comme nous auons traicté cy deſſus, au cha. quatriefme, & comme il appert encores de rechef, par la figure cy deſſus. Mais quand l'enfant ſort contre nature, comme il ſe faiēt, ſi les pieds ſortent les premiers, les mains eſtandues, cōme on peut voir icy deſſoubz.

Il faudra neceſſairement que la *Commēt* ſage femme mette tout ſoing, & il fault diligence, à regir & gouuerner *proceder* ſi bien l'enfant, qu'en lay graiſ- *aux en-* fant, & adoulciſſāt (ſi elle peut) *fante* les bras, & les mains, elles puiſ- *mēs non* ſent ſortir doucement, avec les *naturels*



Pour fai pieds. Cōbien que, il seroit beau-
 re sortir coup meilleur, s'il le pouvoit fai-
 cest en fāt re, que la sage femme reuirast le
 sans au- pieds de l'enfant par derriere, &
 cun dan- que sa teste fut baissée en bas
 gier.

Car alors l'enfant sortiroit naturellement, & sans aucun d'agier. Davantage quand l'enfant se mōstre, en telle sorte, que les pieds sont les premiers, & les mains ne sont pas comme dessus, ainsi appuyées, sur les muscles des cuisses, mais du tout esleuées en hault, comme vous voyez en ceste figure.

Alors il conuiendra que la sage *les pieds* femme mette peine de prendre *premiers* les mains de l'enfant (si elle peult) & les & les remettre en leur lieu. Et *mains es* principalement de retourner en *leuées*. telle maniere l'enfant, qu'il sorte *Le plus* naturellement, comme nous a- *dange* - uons dit. Que si cela ne se peult *reux en* - faire, il le faudra recepuoir par *fantemēt* les pieds, les mains estant bien à *Lier les* point remises aux costez. Pareil- *pieds de* - lement, si cela ne se peult faire: *l'enfant*.



alors il faudra lier les pieds de
 l'enfant, qui se presentēt les pre-
 miers de quelque linge dessié, &
 ainsi peu à peu, & le plus douce-
 ment qu'il se pourra faire, la sage
 femme doit amener & tirer
 l'enfant

l'enfant dehors. Et cestuy cy est
le plus dangereux enfantement *L'enfant*
de tous. Il se faict aussi quelque- *tombant*
fois, que l'enfant tombant sur les *sur vn*
pieds, monstre tant seulement *vn pied.*



pied au dehors, retenans l'autre, au dedans: comme il appert, par la figure cy dessus.

Commēt il fault faire pour tirer cest enfant. Et quand cela aduiēt, il fault que la femme grosse, se couche sur son dos, en telle sorte que son ventre, & ses pieds soient esleuez, la teste pendante en bas. Et ayant faiēt cela, il fault que la sage femme repoulse doucement au dedans, avec la main, le pied qui est auacé, & fault aussi qu'el-
se tourner d'un costé & d'autre. le admoneste la femme grosse, de se tourner quelque fois d'un costé, & quelque fois de l'autre, iusques à ce que l'enfant soit naturellement tourné, monstrant la teste au col de la matrice. Et alors il le fauldra recepuoir, & ap-
 prester les choses qui sont ydoi-
 nes à le faire sortir. Que s'il ad-
 uient que l'enfant ne se tourne

point en bonne maniere dedans la matrice, encores que la mere *Commēt* se remue, il fault alors que l'ob- *il fault* stetriceramene le pied qui de- *recevoir* meuroit au dedans, & l'assemble *l'enfant* avec l'autre, & qu'elle reçoive *par les* ainsi l'enfant par les pieds, en ob *pieds.* servant toutesfois que les mains qui sont estādues sur les muscles des cuisses ne s'espandent.

De rechef si l'enfant tomboit *L'enfant* sur les costez, il fault que la sage *tōbe sur* femme le redroisse & ramene *les costez* en sa place, & l'ayant droicte- ment tourné, le face sortir.



Ou fil aduiét que l'enfant vueil-
 le sortir, ayant les pieds diuifez,
 & feparez, comme vous voyez
 icy.



Il faudra de rechef mettre pei- L'enfant
ne que les pieds soient rassëblez qui ha
& cōioincts, & que l'enfant soit les pieds
ainsi tiré, ayant tousiours esgard separez
que les mains sortët droictemët, & d'ini-
comme nous auons dit. sex.



L'enfant Que si d'auéture, l'enfant se mō
 ayāt les stre, ayant les deux genoulx, ou
 genoulx l'vn seulement, au col de la ma-
 au col de trice, la sage femme le doibt re-
 la matri- poulser au dedans, iusques à ce
 ce. qu'il tombe sur les pieds, & le ti-
 rer, ainsi comme dessus.




Davantage si l'enfant ne mōstre l'enfant
seulement, qu'une main il ne le qui ne
fauldra pas pourtant tirer par monstre

qu'une main. icelle, mais la sage femme doit repouls-
er l'enfant au dedans par les espaules, iusques à ce qu'icelle main soit remise au costé, & puis le recepuoir par la teste.

Commēt Que si en ceste façon, la main e-
il fault stant retournée au dedans ne se
recevoir peult remettre au costé, comme
cest en- elle doibt estre, il faudra faire,
fant. comme dessus, c'est à sçauoir de
coucher la femme, en telle ma-
niere, que son ventre soit plus
hault, que le reste du corps, ius-
ques à ce que son enfant sorte, &
alors estant leuée elle enfantera.

Si l'enfant tombe sur les deux
mains, cōme vous voyez par ce-



ste figure, il faut que la sage fem L'enfant
 me le repousse par les espaules, qui tom-
 iusques à ce que les mains soient be sur
 remises au dedans , & qu'elles les deux
 soient estandues aux costez , & mains.
 ainsi le face sortir.



L'enfant Mais si l'enfant est viré sur le cul, qui est vi qu'en ceste sorte, il se montre, ré sur le la sage femme doit mettre la cul. main au dedans, & sur leuer l'enfant, iusques à ce, qu'il tõe sur les pieds, & puis le recevoir ainsi.

Combien qu'il seroit beaucoup il seroit meilleur, si elle le pouuoit tourner sur la teste, & non pas sur les pieds : afin de le faire sortir naturellement.

*meilleur
virer l'enfant sur la teste.*

Davantage, si l'enfant se monstroient ayant le col courbé, comme vous voyez icy, il faudra nécessairement le repousser, par les espaulles, & doucement luy remettre la teste en sa place : mais il faudroit faire autrement, s'il tomboit sur la poitrine, ou qu'il voulut sortir, ayant la face tournée, comme vous voyez en la figure cy dessous.

L'enfant qui semōstre ayāt le col courbé.





Que si l'enfant vouloit sortir, L'enfant
 ayans les pieds, & les mains en-qui veut
 semble, comme on peut voir sortir les
 par ceste figure, il fault que la sa-pieds &
 ge femme, luy repoulse les pieds, les maïs
 en hault, & le prenant par la te-ensemble
 st, le face ainsi sortir.



Au contraire s'il tomboit sur la poictrine, ses pieds, & ses mains estans retenues, & estandues au dedans de la matrice, comme on voit icy dessoubz, la sage femme y doibt doucement mettre ses

doigts, par le costé de la femme,
 qui est en trauail, & ainsi retour-
 ner l'enfant. Que si elle y peult
 mettre toute la main, alors il
 fauldra regir, & conduire l'en- *L'enfant*
 fant, en telle maniere, que la par- *qui tom-*
 tie, qui sera plus pres, & plus y- *be sur la*
 doine à sortir, soit tirée dehors: *poitrine*
 combien qu'il seroit beaucoup
 plus seur, si l'efant pouuoit estre
 tourné sur la teste.

Or maintenant s'il aduient, que
 l'efant ne soit pas seul: mais qu'il
 y ayt deux bessons, & qu'ils mō-
 strent leur teste ensemble, il fault
 que la sage femme les tire, l'vn
 apres l'autre, en telle sorte tou-
 refois, qu'elle ne lasche point de *Deux*
 ses mains, le dernier, & ce pen- *bessons*
 dant, qu'elle conduise, comme il *mōstrant*
 appartient le premier. *leur teste*
ensemble





Deux ge meaulx Mais au contraire, s'ils veulent sortir ensemble par les pieds, par *mōstrans* reillement il les faudra receuoir leurs pi- l'un apres l'autre, en telle façon *eds en-* que nous auons enseigné cy des- *semble.* sus, traictans des enfentemens simples.

Deux ge Que s'ils veulent sortir en diuer- *meaulx,* se maniere, c'est à sçauoir que *l'un mon* l'un monstre la teste, & l'autre *strant la* les pieds: il faudra que la sage *teste &* femme face sortir premieremēt *l'autre* celui qui est le premier au bord *les pieds* & le plus aisé à sortir, & puis elle tirera dehors le second: en telle sorte toutefois, que l'un & l'autre, ne se blaissent point en sortant, iacoit que si celui qui sort le dernier, & qui est sur les pieds pouuoit estre de rechef retourné afin qu'il vint la teste la premiere, cela seroit bien plus seur, &



plus conuenable.

Adoucir Et pour ce faire, il conuient, que
les par- la sage femme gresse & adou-
ties geni- cisse les parties genitales, de la
tales de femme, d'huile tiede, ou de quel-
choservis que autre chose visqueuse, com-
queuse. me de semence de Fenigrec, ou
 de la semence de lin, ou de Ma-
 ue, à celle fin que lenfant sorte
 plus aysément, & que la mere
 puisse enfanter avec moindre

Quãd il douleur & travail. Et si d'aduen-
suruient ture il suruenoit quelque chose,
des vlce- comme apostumes, ou vlceres,
res au- qui comprimassent les genitoi-
tour des res, ou les lieux circonuoisins, &
genitoi- qu'on ne les peult guarir, pour le
res, com- temps de l'enfantement, qui se-
ment il y roit prochain, on doibt gresser
faulx pro lesdites parties genitales, ou les
ceder. lieux circonuoisins, d'huiles, de
 gresses, & d'autres vnguens, qui

adoucissent, & font couler. Il fault aussi frotter, & adoucir les vices, ou vlceres, autant que l'occasion le permettra, ce qu'auons demonstté cy dessus. Et la femme qui est en trauail, doit aussi incliner sa face en terre comme *Au ch. 1.* celle qui est grasse, & charnue, *6.* dont nous auons patlé cy dessus.

Les remedes qui aydent à l'enfantement & le rendent plus aisé. Ch. vii.



LES choses qui ay- *Les cho-*
dent à l'enfantement, *scs qui re-*
& le rendent plus *dent l'en-*
aisé, sont celles icy. *fantement*
Au commencement aysé

il est necessaire que la femme grosse soit assise dedã; vn siege, ou qu'elle soit couchée sur le dos, comme nous auons enseigné cy dessus, & ainsi cōme cha- *Au cha.* cune à acoustumé de faire. En a- *6.*

pres durant l'hyuer, il fauldra es-
 chauffer la chambre, ou la fem-
Commēt me grosse sera. Mais dutāt l'Esté
on peult il la faudra refroidir, en arrosant
en esté re souuent la place, & y espendant
froidir des Roses, Violes, & autres tel-
les cham les fleurs, qui rafraichissent, de
bres peur que la femme grosse, tant
 pour la chaleur que pour le tra-
 uail vienne à defaillir. Dauanta-
 ge il fauldra, la faire esternuer,
Ester- en luy donnant à sentir de l'elle-
nuer. bore, ou du Poiure reduit en pou-
Coucher dre. Et la faudra coucher à terre,
ou seoir. ou dessus vn siege: comme il à
Presser esté dit. On luy doibt aussi pres-
lescostex ser les costez, & les frotter ten-
 dant en bas. Et quand à la sage
Frotter femme, il fault qu'elle mette tou-
les geni- te diligence, sans perdre aucune
toires. minute de téps, à froter & oin-
 dre les genitoires, & la matrice

de la femme grosse, d'huile & d'autre gresse: en ceste sorte.

Prenez de la gresse de Canart, ou *Recepte*
de l'huile de Lis blanc, & deux
grains de Safran, avec vn grain
de Musc, & le tout ensemble bié
meslé, gressez-en les parties ge-
nitales de la femme grosse.

Que si cela n'y sert de rien, il *perfums*
fauldra vser de perfums, en telle
sorte. Prenez de la Myrrhe, du
Galbanum, du Castoreum, & le
tout broyé, & meslé avec du fiel
de bœuf, faictez en de petites pi-
les, & en mettez à chacune foys *vne drac*
le poids d'une drachme, sur les *me à cha*
charbõs, & de la fumée & odeur *cune fois*.
qui en sort parfumez en les par-
ties honteuses de la femme. *Autre*

Ou autrement en ceste sorte: Pre- *maniere*
nez du souffre citrin, de la Myr- *de faire*
rhe, de la Garâce, du Galbanum, *perfums*

& de l'oppoponax autant d'un que d'autre, & le tout meslé ensemble, & en ayant fait des pilules, parfumez en les genitoires.

De fiente Le parfum fait de fiente de Pigeon, ou d'Espreuier, y adiousté de l'oppoponax, sert aussi grandement à cela.

La forme des pestes saires. Il est bon aussi, & utile de mettre dedans les parties genitales de la femme grosse, de la laine trempée en du Iust de Rue, ou bien mettre dedans icelle laine, de l'Aristologie ronde, ou de la racine qu'on nomme Bothor Marté, ou de la semence de Staphisagria. Car vne chascune d'icelles pouldres envelopées en de la laine, & mises dedans les genitoires, aydent à l'enfantement.

Pour attirer l'en- Autrement: Prenez de l'Ellebore & de l'oppoponax, le tout ensem-

ble, meflé en de la laine : mettez *fant* *vif*
icelle laine dedans les genitoi- *ou mort.*
res. Car cela attirera l'enfant vif,
ou mort.

Aufi l'escorffe, ou le bois de la
Caffe pilé, & meflé dedans du
bouillon de pois, ou de chiches,
ou (par faulte de cela) beu en du
vin, ay le à l'enfantement.

Pareillement l'Aza puante, de la *Brenna*-
grosfent & poids d'un chiche, *ge.*
pilé enfemble, avec vne drach-
me de Castoreum, & meflé de-
dans du bouillon de chiches, ou
du vin avec de l'eau, & beu, auã-
ce l'enfantement.

La canelle aufsi prinfe dedas vn *Brenna* -
bouillon de chiches, ou beuë a- *ge.*
uec du vin, faiët le semblable.

Autrement: Prenez du fyrop Ro-
fat, avec de l'eau, dedans laquel'e *Mandu-*
ayt bouilly de la femence de *Fe-cation.*

nigrec, des Chiches, du Capilli
veneris, le tout premierement
pilé, & puis meslé avec vn peu
d'huile de Lis orangé, dōnez ce-
la à menger à la femme. Car par
ce moyen, son enfantement sera
auancé. Semblablement l'Aza
puante, & l'escorse de Casse,
beuës dedans du vin, ayde à l'en-
fantement.

La Guymauue aussi cuitte en de
l'eau, & beuë, aide grandement

Ablutiō. à la femme grosse. Il ne sera pas
mauuais aussi, de lauer les fēmes
grosses de ceste eau, en laquelle

Pilules, ayent bouilli des Guymauues.

qui ay- Pareillement les pilules, qui s'en
dēt à l'en suiuent, rendent l'enfantement
fantemēt aisé. Prenez de la Canelle, & du
Saiuier, d'vn chacū deux drach-
mes, de l'escorsse de Casse vne
drachme & demye, de la Myrrhe,

del'Aristologie ronde, du costus amer, d'un chacun vne drachme, du Storax liquide demye drachme, de l'oppium douze grains, & le tout reduit en pilules, donnez en à boire à la femme grosse le poids de deux drachmes, dedans deux onces de vin vieil.

Semblablement le Saffran, & le Mandu-
Siler montain (si on en donne à *cation.*
méger) met dehors le fruiet, mes-
me à tous animaux. Toutefois
il ne fault pas donner à la femme *vne drac*
plus hault d'une drachme de Saf- *me de saf*
fran, car si on luy en donnoit d'a- *fran seu-*
uantage, cela luy apporteroit dō- *lement à*
mage. *chacune*

Autrement : Prenez du Sauinier *fois.*
cinq drachmes, de la Rue vne *Aultre*
drachme & demye, de la graine *maniere*
de Geneure deux drachmes, de *de pilu-*
l'Aza puante, de la Garance, d'un *les.*

chacū deux drachmes, & de tout
cecy faiçtes en des pilules, les-
quelles dōnées aux femmes gros-
ses, avec de l'eau, en laquelle ayt
bouilly du Sauinier, & du Pou-
liot, ou avec du bouillon de chi-
ches, & du iust de Rue, ayderont
à l'enfantement.

Autres pilules. Autrement, Prenez du Sauinier
deux drachmes, de l'Aza puante,
de la Gōme armoniac, de la Ga-
rance, d'un chacun demye drach-
me, & en faiçtes des pilules & en
donnez à boire à la femme gros-

Autres pilules se deux drachmes en du vin.
Autrement, Prenez de l'Aristo-
qui poult logie longue, du Poyure, & de la
sentele Myrrhe, autant d'un que d'autre
sans hors le tout estant meslé avec du vin,
de la ma & reduit en forme de pilule, dō-
trice vifs nez envne vnce à la femme gros-
ou morte se, à boire en de l'eau dedans la-

quelle ayent bouilly des Lupins. Ces pilules icy, ont tant d'efficace qu'elles adoucissent l'enfante-mét, & le rendent aysé, & poussent hors de la matrice les enfans vifs ou mors.

Autrement, Prenez du Bdellium blanc, de la Myrthe, & du Savi-^{Autres}
nier autant d'un que d'autre, &^{pilules.}
le tout meslé avec de l'elcorse de casse & du miel, & reduict en forme de pilules, de la grosseur d'un pois chiche, dōnez en cinq par chacune fois à la femme grosse. Elles ont semblable efficace que les autres. Mais celles qui s'ensuiuent ont telle vertu & puissance, qu'elles surmontent toutes les autres.

Prenez de la Myrthe, du Casto-^{Pilules}
reum, du Storax, d'un chascū vne tres excel
drachme, le tout meslé avec du lētes, par

dessus miel, faiçtes en des pilules, & si
tous les vous en donnez deux drachmes,
autres. dedans vn verre de vin, à la fem-
 me grosse, cela operera si bien
 que rien plus.

Empla- S'ensuit vn emplastre pour pro-
stre pro- mouuoir l'enfantement: Prenez
pre pour de la Coloquinte, & la faiçtes
ayder à bouillir en de l'eau, & puis mes-
l'enfan- lez avec icelle eau, de la Myrrhe,
cement. du suc de Rue, & de la farine d'or-
 ge, autant qu'il suffira, & le tout
 reduit en forme d'Emplastre, ap-
 pliquez le sur toute ceste partie
Que c'est d'Epigastre, qui est depuis le nom-
que epi- bril iusques au Penil, & seruira
gastre. grandement.

Or combien qu'il reste encores
 plusieurs choses qui aydent aus-
 si, & auancent l'enfantement, tou-
 tesfois les ayant obmises, pour la
 briefueté, nous auons tant seule-

ment escrit icy celles qui sem-
bloient auoir plus grande effica-
ce, & estre les plus approuuées.

*Comment il faut tirer l'arriere fais
des accouchées, si d'elle mesme.*

elle ne tombe. Cha. VIII.

Pour-



L aduiēt quelque-
fois que la Secon-
dine, ou l'arriere
fays (laquelle sort
le plus souuēt en-
semble avec l'enfant) demeure
au dedans, l'enfant estāt dehors,
ce qui aduiēt de plusieurs cho-
ses. Car ou la mere est tant affli-
gée des douleurs & trauaulx, &
tant lassée qu'elle ne peult plus
s'efforcer, & ainsi la Secondine
demeure.

*quoy cest
que la se-
condine
demeure
quelque
fois au le-
dans l'en-
fant estāt
hors.*

*1. Quand
la mere
est affli-
gée.*

Ou bien (comme il aduiēt sou-
uent) elle est pliée, & adherente
en quelque endroit. Ou elle est

*2. Quand
la secōdi-
ne est ad-
herente.*

3. Quand destituée d'humeurs, c'est à sçavoir
 les eaux voir quand les eaux coulent va-
 sont es- peu plustost qu'elles ne debuioi-
 coulées ent : & par ainsi le chemin, ou la
 4. Quand sortie n'est plus coulante ny aisée.
 les vais. Ou pource que les vesseaulx, e-
 saux cestans laissez de trop grands, &
 sont reti- longs traualx, ce sont retirez.
 rez. Ou estans enflez de douleur, ont
 5. Ou bouché le passage. Parquoy quand
 quand ilz la Secundine demeure, pour quel
 sont en- que cause que ce soit, il fault que
 flex. la sage femme mette peine en
 Les lan- toute maniere à la faire sortir.
 gers qui Car si cela ne se faiët, la femme
 aduient qui est accouchée, tombera bien
 à la fem tost en quelque griefue maladie,
 me quand & principalement aura vne sus-
 la secon- focation de matrice, comme el-
 dine de les appellent. Et pourtant il faut
 meure au dra y auoir esgard, pource que
 dedans. quand la Secundine demeure au
 dedans

dedans, foudain, & facilement elle se pourrit, dont s'ensuiuent de mauuaises vapeurs & dangereuses, lesquelles montent au cœur, au cerueau, & au diaphragme, par lesquelles puis après la femme accouchée deuient Asthmatique (c'est à dire qu'elle ne cesse de respirer, comme font ceulx qui ont bien fort couru, ou comme faiët vn cheual poulfif) & demeure souuent esuanouyé ou espasimée, sans aucun mouuement des arteres, quelquefois aussi elle est du tout suffoquée, & meurt. Et pourtât, de peur de tomber en tel dangier, il faudra se donner garde, & mettre tout soing, & diligence qu'icelle membrane, ou arriere fays, ne soit laissée au dedans, par negligence ou autrement. Si doncques elle est

La Seconde se pourrit.

Que cest que asthmatique.

Quād la demeuree, pour la foiblesse &
secōdine langueur de la femme, qui est en
demeure trauail, on la doibt reconforter,
pour la & renforcer, par le boire, & man
foiblesse ger, & par autres choses propres
et lan- à cela, cōme d'vn bouillon faict
gueur. de iaulnes d'œufs, ou de vinvieil,
 ou de quelque bōne chair grasse,
 cōme d'oiseaux de montaignes
 ou de poulles, chapōs, perdrix, be
 casses, lapins, touttres, & autres.

Quād la Mais si la secondine est demeu-
secōdine rée, pour la matrice, qui est reser
demeure rée, ou pource qu'elle est enflée
pour la de douleur, comme nous auons
matrice dit, alors il fauldra vser, pour la
resertée faire sortir, de remedes qui adou
ou enflée cissent, & font couler, & de ceux
 qui font ouurir, & relascher la
 matrice, comme sont les huy-
 les, & gresses, & singulierement
 l'huyle de Lis blanc, l'huyle de

Mariolaine , l'huyle de Narcisse, & l'huyle de Lis orengé. Davantage la graine de Geneure, & aussi le Galbanum broyé, & beu avec du vin tiede . Et l'aaronne prins en mesme sorte, & le Pauot cuict avec du vin, & beu. Outre plus les choses qui molissent, & adoulcissent y seruent grandement comme la gresse de poule, la gresse de Canard, la gresse d'Oye, l'huyle de Lis coulée dedans les parties genitales, & icelles frotées dedans, & dehors. Il sera bon aussi de les parfumer de Malue, de Guymaue, & de Brâque vrsine. Et les laver d'eau chaulde, en laquelle y ayt du son de fromment : ou mettre des sachets remplis de son, sur les genitoires de la femme, & ainsi les entretenir.

Choses qui molissent & adoulcissent.

Parfums.

Ablatiōs

sachets,

Quãd la Dauantage si la secondine estoit
secondine pliée, & adherente à la matrice,
est adhe en telle sorte qu'aysément icelle
rate à la ne peult estre séparée, il fera bon
matrice. d'vser de parfums, c'est à sçauoir
 de souffre, de fueilles de Liaire,
 & de cresson, ou de cresson, & de
Odeurs figuier. Et aussi de toutes choses
suaues odoriferantes: comme est l'Am-
aux ge- bre gris, le Musc, le Thymiana,
nitoires. la noix muscate, la confection
 Nere. Lesquelles choses, estans
 mises sur les charbons, la femme
 qui à enfanté, s'en doibt perfu-
Odeurs mer les genitoires, en telle ma-
puantes niere, qu'il n'en entre point de
aux nari dās ses narines. Car on ne doibt
nes. presenter aux narines tout ce
 qui sent mal & put: comme est
 l'Aza puante, le castoreum, les
 cheueux d'un homme bruslez,
 les plumes de perdrix, ou de be-

casſe, ou de Pañ. Il ſera bon auſſi *Perſuns* en ceſte affaire, de parfumer les *de corne* genitoires de la femme, de cor- *d'Asne.* ne d'Asne, laquelle cõbien qu'elle ſente mal, elle a toutesfois vne telle proprieté, & vertu que non ſeulement elle attire la ſecondine: mais auſſi les enfans morts.

Dauantage il faudra que la fem- *Retenir* me qui enfante retiẽne tãt qu'elle ſon *ha-* le pourra ſon halayne, & qu'elle *laine.* prenne de l'Elebore, ou du Poy- ure reduit en pouldre, & en mette en ſon nez, pour ſe faire eſter- *clorre les* nuer, elle doit auſſi eſtouter, & *narines* clorre ſes narines, & ſa bouche. *Et labou* Pareillement l'vnguent nommẽ *che.*

Baſilicon (duquel eſcrit Meſue *L'unguẽt* en ſa diſtinction vnziẽſme) mis *Baſilicon* dedans la matrice, mollifie & *mollifie.* pouſſe dehors la ſecondine. Et *L'huyle* auſſi toſt qu'elle ſera miſe hors, *roſat.*

il faudra couler de l'huyle rosat
La post en la matrice . Aussi la pouldre
dre de de Guymauue, beuë avec de l'eau
Guymau Rose met dehors & faiët sortir
ne. aysément la secondine.

Que si quelque partie d'icelle
 apparoist au bord de la matri-
 ce, la sage femme la doibt dou-
 cement tirer, & se donner gar-
Commēt de de la rompre . Et si d'aduen-
la sagefēture elle à peur, de la rompre,
me doibt elle doibt lier au bout du pied
proceder de la femme qui à enfanté, icel-
quand la le partie qui apparoist, & non
secōdine pas pourtant trop roide, de
apparoist peur qu'elle se rompe, n'y aussi
quelque trop lasche, de peur qu'elle re-
pen. coule de rechef. Et ce pendant
 comme nous auôs dit cy dessus,
 il faudra prouoquer l'esternue-
 ment à la femme qui à enfanté.
 Et si alors mesmes la Secondine

ne veult point sortir, & que la chose semble estre vn peu trop longue, il faudra comme nous auons dit, que la sage femme se donne garde de la rompre, en la tirant trop fort, ny aussi de la laisser retirer au dedans : mais l'ayāt attachée au pied de la femme ou à quelque autre chose, il faut *Esbräler* qu'elle la tire doulcemēt en l'es- *la Secon-* branlant de ça & de la, iusques à *dine dun* ce qu'elle commence à se disioin- *costé &* dre de la matrice. Et quand elle *d'autre.* commence vne fois à se disioindre, la sage femme la doibt tousiours esbranler doulcement d'vn costé & d'autre, iusques à tant qu'elle soit du tout séparée de la matrice, se donnant bien garde, d'vser de trop grande violence, de peur de gaster & esmouuoir quelques vaisseaulx en tirāt l'ar-

riere fays. Et ce pendât que cela se faiçt, s'il suruient à la femme grosse de si grandes douleurs qu'elle en esuanouisse, il luy faudra donner choses qui soulagent

*Medica- les douleurs de teste, & qui luy
mêts qui reconfortent le cœur, come sont
soulagēt les Electuaires Diamoschi, Diā-
la dou- bar. Et les confectiōns Diagem-
leur de mæ, Diamargaritō, & autres sem-
teste, & blables. Il luy fault aussi donner
reconfor des medicaments qui aident &
tent le renforcissent son estomach : cō-
cœur. me le Diagalanga, & le Diacina-
Medica- momum, & plusieurs autres qui
mêts qui se font chez les Apothiquaires,
renforcis propres à c'est vsage, lesquels il
sent l'esto faut boire avec du vin.
mach.*

Perfum. Aussi pour faire sortir la Secon-
dine : Prenez de la Rue, du mar-
rubin, de l'Auronne, de l'Armoi-
se autant d'un que d'autre, & au-

tant d'huile de Lis, qu'il est ne-
 cessaire, pour bien tremper ces
 herbes, & mettez le tout ensem-
 ble dedans vn bocal de verre, &
 le bouchez bien, en telle façon
 toutesfois qu'on y puisse puis a-
 pres mettre vne fluste. Et l'ayant
 mis sur le feu faictes bouillir ce-
 la, & apres qu'il aura bien bouil-
 ly, ostez le bocal de dessus le feu,
 & le mettez à terre, au lieu ou se-
 ra la femme qui a enfanté, y lais-
 sant vn peu de charbōs dessous.
 Puis mettez vne des extremittez
 de la fluste (que vous ferez faire
 expres) dedans le pertuis du bo-
 cal, & l'autre dedans les parties
 genitales de la femme, & l'enue-
 lopez si bien de linges, & habil- *l'espace*
 lemens tout à l'entour, qu'il ne *d'vne*
 puisse sortir aucune vapeur. Et *heure ou*
 fault qu'ainsi l'espace d'vne heu- *deux.*

re ou de deux, la femme qui à enfanté entretienne & adoulcisse sa matrice, de ce perfum, iusques à ce que la Secondine sorte d'elle mesme. Et si les perfums n'y profitent en rien, il faudra appliquer entre le nombril & les genitoires de la femme, qui est en ce traual, vn tel emplastre qui pourroit mesme tirer les enfants morts, duquel nous parlerons cy apres. Que si pour tout cela, l'arriere fays ne veult point sortir, il ne faudra point passer outre, n'y vser d'autres remedes.

*Empla-
stre pour
tirer les
enfants
morts.*

*Voyez
au chap.
xiiij.*

*Ne pas-
ser outre*

*La Secõ-
dine tom-
bera d'elle
le mesme*

Car quand la Secondine tient si fort, & est si adherente à la matrice qu'elle ne peult estre poussée dehors par les dessusdicts remedes, elle doibt estre laissée iusques à tant qu'elle tombe d'elle mesme. Car vn peu de temps a-

pres elle se pourrira, & se dissoudra en humeur, & en maniere de saumure, ou de lie demeslée, & coulera dehors:iaçoit que ce pendant l'odeur, & vapeur de ceste L'odeur humeur fluente, ne laisse pas de puante, de tourmenter grandement la fem la secon- me, qui est en tel trauail, & luy dinc pour cause des douleurs de teste, & de rie, tour- cœur, & des foibleesses d'esto- mente la mach: comme aussi nous auons femme. traicté cy dessus.

*Diuerses maladies qui aduiennent
aux femmes autour de leurs
enfantemens, ou aussi apres
iceulx: comment, & par
quels remedes icelles
maladies doibuent
estre guaries.
Chap. IX.*

*Fieures
Enflures.
Inflāma-
tions.*



*Trēchées
Commo-
tion de la
matrice.*

L fault maintenant
sçauoir que souuēt
il suruiet aux fem-
mes, apres leurs en-
fantemens, ou fieb-
ures, ou enflures, ou inflamma-
tions de tout le corps, ou des
trēchées de ventre, ou commo-
tions de la matrice. Et les causes
de tout cecy, viēnent le plus sou-
uent d'imperfecte purgation de
leurs menstrues apres l'enfante-
ment, ou par foiblesse de la fem-
me, qui a enfanté, laquelle pro-
uiet de trop grande fluxion, en-
uiron le mesme temps: ou de
blaisures, & escorcheures de la
matrice, ou des parties, qui sont
à l'étour d'icelle: aucune fois au-
si pour quelques douleurs du
gros intestin.

Parquoy toute fois & quantes,

qu'il aduient que les menstrues *Quand*
 apres l'enfantement ne sont pas *les men-*
 du tout coulées, il faudra appli-*strues ne*
 quer, à la femme qui a enfanté, *sont pas*
 choses qui prouoquét ses fleurs, *du tout*
 soit que cela se face par medica-*coulées*
 ments, ou par laueur des pieds, *apres l'en-*
 ou par perfūs, ou par odeurs, ou *fantemēt*
 par emplastres, ou par vnguents *Medica-*
 ou par imposition d'herbes cui-*ments.*
 ctes & pilées, & autres choses *Ablution*
 semblables & conuenantes à la *des pieds*
 complexion des personnes : les-*perfuns.*
 quelles sont si notoires que les *Odeurs.*
 femmes quelque peu exetcées *Emplast.*
 en cela les congnoissent toutes. *Vnguens*
 Et faudra ainsi mettre peine que *Imposi-*
 elle soient entierement purgées. *tiō d'her*
 Dauátage tout ce qui prouoque *es.*
 l'vrine y est cōuenable aússi bien *Les cho-*
 que les choses qui ouurét les vei-*ses qui*
 nes, & qui font aysément sortir *prouo-*

quét l'v- le sang, & qui contraignent les
rine. humeurs, & leur matiere de de-
 scendre par en bas: comme l'Ar-
 moyse, le cabaret, le Sauinier, le
 Pouliot, le Persil, le Cerfueil, l'A-
 nis, le Fenoil, le Geneure, la Rue,
 la semence de Laurier, le chama-
 dreos, la Valeriane la Canelle, le
 Spica nardi, & autres semblables.
 Car ainsi que toutes ces choses
 prouoquent l'vrine, ainsi font el-
 les les fleurs des femmes, iacoit
 qu'il n'en faille pas pour tant vsier
 sans le conseil de quelque sage
Cõseil de & docte Medecin, de peur que
Medecin d'aduenture voulant subuenir &
 guârir vn endroit; on enflamme
 & blesse le corps par vn autre
 costé.

Ester. Pareillement si la femme ester-
 nuer son nue souuent, & quelle serre &
 hent cõ- comprime ses narines, & la bou-

che en esternuant, & qu'elle re- *primer*
tienne son halayne cela luy pro- *les nari-*
uoquera ses fleurs. *nes & la*

Il sera bon aussi & proffitable de *bouche.*

luy appliquer des ventoses & la *& rete-*
scarifier entre les cuisses aupres *sur l'alai*

des genitoires, & avec les yeulx *ne cela*

de quelques poissons salez, ou a- *puoque*

vec de la corne de cheual luy *les fleurs*

perfumer les parties genitales. *aux fem*

Que si cela ny sert de rien, il la *mes.*

fauldra seigner, moyennant que *Ventoses*

ses forces le puissent porter, & *avec sca*

luy fauldra inciser la vene de des *rificatiõ.*

soubz le talon, laquelle vulgai- *La sei-*

rement est nommée Saphena. *gnée.*

Car cela principalemēt luy pro- *La vene*

uoquera ses fleurs. *saphene.*

Il fauldra faire le semblable, si a- *Dõt pro-*

pres l'enfalement la femme cõ *ceder les*

menge à avoir la fiebure. Car la *fiebures*

fiebure aduiēt coustumieremēt *aux fem.*

de meſme cauſe , c'eſt à ſçauoir
que les mēſtrues ne ſont pas da
tout purgées , leſquelles coule
ront quand ladite vene ſera inci

*Boire de
l'eau.*

ſée. Et la femme ayant la fiebute
doibt vſer pour ſon boire d'eau
meſlée avec de l'orge roſti, &
broyé, ou dedans laquelle ayt
bouilly de l'orge & des chiches,
ou de l'eau avec laquelle ayent
bouilly des Tamarins : Ou elle

*Boire du
maigre.*

doibt vſer pour ſon boire du mai
gre (autrement dit du laiēt chair)
Et doibt manger des potages
faicts de poulailles. Et auſſi des

Orenges

orenges douces : car cela prouo
que les menſtrues , & appaiſſent
les chaleurs immoderées, raffrai
chiſſent & adoulciſſent les cho
ſes endurecies & eſtouppees.

*Quand le
corps de*

Mais ſi le corps de la femme, a
pres auoir enfanté, ſ'enfle, il luy
fauldra

fauldra donner de l'eau dedans *femme*
laquelle y ayt des chiches & du *s'enfle.*
Cominbroyez. Ou du vin vieil
avec lequel y ayt de l'Electuaire
qu'on nomme Diamarte, ou de
celuy qu'ils appellent AlcaKégi,
desquelz escrit Auicenne en son
cinqüiesme liure.

La gomme aussi nommée Sera- *Gommes*
pinum, & l'origan, & le Mastich
sert grandement à cela. Pareille- *Clysteres*
ment les clysteres composez de
medicaments qui repriment les
ventositez & inflatiōs, sont pro-
fitables en ceste affaire: Et les pes- *Pessaires*
saires, composez d'Aristologie
ronde de Squinante & de Sto-
rax liquide. Or Pessaire nom- *Que c'est*
mé des Grecs *πέσος*, des Latins *que Pes-*
Pessos, & barbarement *Pessariū*, *saire.*
selō Paul Aginete, & *Ætius*, c'est *πέσος*.
de la laine titée & reduite en for *Pessus.*

me du petit doigt, ainsi rōde, dedans laquelle on retient les medecaments, pour appliquer dedans les genitoires de la femme.

Quād il suruient il suruient à la femme des *tren- des tren* chées de ventre, & des douleurs *chees de* à la matrice, & aux genitoires, il *ventre.* fault guārit cela par parfums, &

vapeurs des choses qui appaisent & adoucissent les douleurs, cōme de Maulue, la Guynmaue, le Fenigrec, le Comin, la Camomille, la Melisse, le Marrubin noir, la

Quand Cicuc. Il sera bon aussi de gres- *les cha-* ser lesdictes parties d'huyle Se- *leurs s'a* samim, ou d'huyle d'Amarides *moindris* douces. Et si les chaleurs s'amoin- *sent vn* drissent vn peu, la femme peult *peu.* vser de Theriaque avec du vin,

dedās lequel ayt bouilly de l'Armoysse, & de la Toubonne.

Aussi contre les douleurs des genitoires : prenez du Pouliot, de l'Herbe aux puces, & six fueilles de Laurier, & le tout estât cuit, mettez le deffoubs le genitoire de la femme, à celle fin que de la vapeur qui en sortira, elle soit parfumée. Autrement.

Prenez de la Rue, de l'Armoyse rouge, de l'Aurône, & le tout estant pilé, & meslé avec de l'huile de Pouliot, mettez-le dedans vn pot, & le faictes chauffer, & puis cela estât osté du pot, & envelopé ensemble dedans vn linge, mettez-le tout sur les genitoires de la femme.

Autrement, prenez de la Camomille, & du Lin d'vn chacun quatre manipules, & estant pilé, & lié ensemble en vn petit sachet, le faictes cuyre le tout avec du vin.

blanc, & l'appliquez sur les genitoires de la femme.

Du musc Sēblablemēt, prenez du musc, le
en breu- poix de deux grains, & le dōnez
uage. à boire dedās du vin à la femme.

Autrement, prenez des oignons blancs, & les mettez soubz la cendre chaulde, & quand ils seront rostiz, pilez les avec du beurre fraits, & non salé, & reduisez

Emplast. le tout en forme d'emplastre &
mis sur le le mettez sur le ventre de la fem
ventre. me. Dauantage parfumez ses ge-

nitoires, d'Encens blanc, & de
Quād la Storax. Que si la femme sent de
femme grandes douleurs apres son en-
sent des fantement, à l'entour du dos &
douleurs des reins. Prenez de la Camomil
à l'etour le, du Marrubin noir, d'un chacū
dudos & deulx manipules, de l'Absinçe,
des reins. & de l'Auronne, d'un chacun un
manipule, de l'armoyse trois ma-

nipules, de la Canelle, & de la noix muscate pilée ensemble demye once, & le tout estât mis en vn pot sur le feu, faictes le bouillir par trois ou quatre foys.

Et apres auoir trempé vne espōge dedans icelle eau chaulde, appliquez la sur le dos, & le faictes ainsi par plusieurs foys. Ou si elle ne veult endurer cela, il faudra mettre toutes les chose dessusdictes dedans vn petit sac, & puis *sachet*. l'appliquer comme dessus.

Et si cela ne luy profite guieres: *Gresse* prenez de l'huile de Nard, & de *pour frot* l'huile de Lis blanc, vne vnce & *ter le dos* demye d'vn chacun, & de la noix de la *fem* muscate broyée vne drachme, & *me.* le tout meslé ensemble, gressez en le dos de la femme.

Autremēt: Prenez de l'huile d'A- *vnguent.* net, de l'huile camomille, d'vn

chacun vne vnce, de l'huile de
Lis blanc deux vnces, de la cire
deux drachmes, & le tout fondu
sur le feu, faiçtes en vn vnguent,
& d'iceluy gressez en le dos de
la femme.

Mais si les fleurs, ou menstres
fluent en si grande abondance a-
pres l'enfantement, qu'il en ad-

*Les cau-
ses de la
grande a-
bondance
des fleurs
aux fem-
mes après
l'enfante-
ment.*

uint des traualx, & langueurs
intolerables, il fauldra sur toutes
choses considerer, qu'elle est la
cause de ce dangier. Car icelle
cogneue, il sera plus ayzé d'y met-
tre remede. Or il y à plusieurs, &
di. erses causes de ce mal, & prin-
cipalement celles qui l'ensuiuent
par ordre.

*1. sang su-
perflu.*

I. Vn sang superflu, & abundant
de tout le corps.

*2. mager
du fiel.*

II. Pour auoir mengé du fiel, &
du sang de quelque beste, dont

le sang se blanchit, & de la par-
tient, & s'estend iusques aux ve-
nes, qui descendent, & conuient
à la matrice.

III. Si le sang est trop clair, & pe- 3. Sang
trop clair
netre plustost iusques en bas.

III. Si les venes sont amples, & 4. Venes
amples.
larges, & pource cōtiennent plus
de sang.

V. Si le corps est si solide, & es- 5. Le
corps es-
pais.
pays, que les pores estant estou-
pez, ny les sueurs, ny les vapeurs,
& fumées, ne peuvent penetrer,
ou sortir dehors, dont s'engen-
drent dedans le corps de mauuai-
ses humeurs, & fluxions, lesquel-
les augmentent les menstres de
la femme, & coulent ensemble
avec icelles.

VI. Si la matrice est foible, & im- 6. La ma-
trice foi-
ble.
becile, & les venes si debiles, &
si larges, qu'elles ne peuvent cō-

tenir le sang.

7. Les be VII. Si les venes, qu'ils nōment *morrhoi*. Hemorrhoides s'ouurent en la *ouuertes* matrice, & fluent en abondāce.

8. La ma VIII. Si la matrice est vitiée, ou *trice vi* exulcerée.

tiée. IX. S'il aduient que la femme tū-

9. La fem be par terre, ou quelle soit bat-
me tōbāt tue, & qu'a cause de ce, quel-
par terre ques vaisseaulx, ou les parties ge-
nitaies sont offēsées & blessées.

10. La X. Si la matrice en enfantant, est
matrice accompagnée d'un difficile, &
accompa long travail.

gnée de Puis donc qu'il est ainsi que par
travaux plusieurs & diuerses causes les
Et fault menstrues sont grandement, &
q̃ les fem oultre mesure esmeuës : il ne
mes de fault pas en cest endroiēt que les
clarēt au femmes soient crantiues, ny hō-
Medecin teuses, de declarer au Medecin
leur tra- leur travail & douleur: lequel par
nail.

son ſçauoir & iugemēt, cognoiſtra facilement la cauſe, dont le mal procede, & y mettra ſi bon remede (ainſi qu'il doiſt) que le tout ſera guari.

Et combien qu'il y ayt pluſieurs, *Medica-*
 & diuers Medicaments (leſquelz *mēts qui*
 nous nommons) qui peuuent ar- *arrestent*
 reſter les menſtrues: comme Ele- *les men-*
 ctuaires, Confections, Trochiſ- *ſtrues.*
 ques, Breuuages, Pouldres, Cly-
 ſteres, Odeurs, Suffimēts, Bains,
 Emplaſtres, Vnguents: entre leſ-
 quelz les femmes meſmes, vn
 peu vſitées en cecy, en cognoiſ-
 ſent beaucoup. Toutesſois en la *En la fa-*
 faueur des fēmes honeſtes, nous *ueur des*
 auons bien voulu mettre icy par *femmes*
 eſcript principalement les re- *honestes*
 medes grandement vtils & ne-
 ceſſaires pour ceſte affaire.
 Au commencement donc con-

tre les fleurs, ou menstrees, qui
fluent sans mesure, il sera proffi-
Lier & table de lier, & estraindre bien
estraindre fort les bras de la femme (& nō
les bras p's les piēds ny les cuisses, cōme
de la fem quelques vns veulent) puis ap-
me. pliquer vne ventose ample, ou
ventose quelque pot de verre, sous les
āple sans mammelles, sans toutesfois inci-
scarifier ser la peau, & mettre vn linge
trempé en du vinaigre, entre le
nombril & les genitoires; & de-
Choses dās iceux genitoires, mettre des
qui re- choses qui retiēent le sang qui
tiennēt le coule, comme est Balauftia, ou
sang. l'escorſſe de Grenade, la terre si-
gillée, le Boliarmenti, le sang de
dragon, la pierre Hematite, les
Roses purpurées, l'encens blanc,
& la noix de Galle. Toutes les-
quelles choses ensēble (au moins
celles qu'on pourra auoir) autāt

d'un que d'autre pulverisées, & meslées avec du vin noir, & espais, & reduites en forme d'Em- *Empla-*
 plastre, il faudra mettre dedans *stre pour*
 un petit sachet, court, & estroit, *appliqr*
 de la grosseur du pouce, & de la *au dedās*
 longueur d'un doigt, puis l'ap- *des geni-*
 pliquer au dedans des parties ge- *roires.*
 niales. Pareillement il faudra
 faire un autre Emplastre, pour *Empla-*
 appliquer par le dehors du corps *stre pour*
 en ceste maniere. Prenez de la *appliqr*
 pierre Hematite, du Boliarmeni, *par le de*
 d'un chascun une demie once, *bors.*
 du sang de Dragon, du suc, qu'ils
 nomment Licium, d'un chascun
 deux drachmes, de l'escorse de
 Gland & des noix de Cypres, de
 l'escorse de Grenade, d'un chas-
 cū une drachme, & de la Limail-
 le de fer une drachme & demie,
 de la Terebenthine, de la Colo-

phone , autant d'un que d'autre ,
& autāt qu'il en fauldra pour fai-
re l'emplastre , & le tout ensem-
ble bien pilé , & puluerisé , & en
ayāt faiēt l'emplastre , appliquez
le sur la matrice de la femme.

vnguent Semblablemēt vous ferez à cest
vsage, vn vnguēt tel que s'ensuit.
Prenez de l'huyle de Meurte , &
de l'huyle Rosat d'un chascū de-
mi liure , des raclures d'yuoirre,
des raclures de corne de Che-
ure , du coral rouge , de la terre
sigillée , de l'encens blanc , d'un
chascun vne vnce, de la cire blā-
che trois vnces , & le tout meslé
ensemble faiētes en vn vnguent
& d'iceluy en gressez la matrice,
& les genitoires de la femme.
Pour faire vn baing , duquella
femme se doibt lauer, cōtre icel-
le mesme douleur : Prenez de

l'Absinthe, du Plantin grãd & petit, des extremittez de vigne, des rameaux fraits de mourier sauua-
 ge, des prunes vertes, & nō meures, & des prunelles vertes, des poires sauua-
 ges, des nefles, d'un chacū deux manipules, des fueil-
 les de roses rouges trois manipu-
 les, de l'escorse de chesne quatre
 manipules, du Solatrum, du char-
 don, d'un chacun deux manipu-
 les, des fueilles, & racines de
 Quintefueilles, des racines de
 Tormentille, & de couleurée, vn
 manipulé d'un chacun. Dauanta-
 ge, de l'escale de Gland vne plai-
 ne escuelle, de la noix de Galle,
 du Gland pelé & escorsé, de la
 Bourse à pasteur d'un chacū deux
 manipules: & le tout reduit en
 pouldre, & ce qui ne peult estre
 puluerisé, estant decoppé: faictes

*Baing
 pour ar-
 rester les
 mēstrues*

bouillir le tout avec de l'eau de pluye, ou de l'eau en laquelle vous ayez estaint dix ou douze pierres ardentes, & en icelle eau (ou le tout à bouilli) estant tiède, il faut que la femme se baigne, l'eau montant iusques au nôbril.

si la fem Et quand elle est sortie du baing
me à soif si elle a soif il luy faudra donner
elle doit de l'Electuaire, nommé Athana-
yser d'e- sia, ou de celuy nommé Miceta
lectuai- deux drachmes, avec de l'eau de
res Plantain, ou avec du vin rouge.

Electuai Les electuaires aussi qui s'ensui-
res prof- uent, sont grandement profita-
fitables bles à cela mesme. Prenez du
pour ar- vieil sucre rosat deux vnces,
resterles du Coral rouge, de l'yuoire brus-
mēstrues lé, du Boliarmeni d'un chacun
 deux drachmes, de la pierre He-
 matite trois drachmes, & le tout
 bien pilé & meslé avec du Suc-

cre rosat : prenez en au soir , & au matin. deux drachmes , avec de l'eau de Plâtain, ou de la Bourse à pasteur.

Autrement : Prenez de l'Hematite , & la broyez, estant broyée, mettez y de l'eau de Plantain: en telle sorte toutefois , qu'elle ayt toujours la couleur d'Hematite rouge, & en donnez au patient, tant au soir qu'au matin deux ou trois cuillerées à chacune fois.

Davantage il ya chez les Apoti-*Trochis-*quaires, des Trochisques, conue *qs pour* nables à ceste affaire: comme les *arrester* Trochisque, nommez Karabe, *les men-*les Trochisques de Boliarmeni, *strues.* desquels en fault prendre le poix d'une drach. ou plus, les broyât, & meslant avec cinq cuillerées d'eau de plantain. Que si quelqu'un requeroit quelque autre

chose, outre ce, qu'il s'en enquire
re aux medecins: nous auons tou
tesfois icy mis ce qui estoit le
plus necessaire.

*Commēt il fault
guarir les Apo-
stumes qui vien-
nent aux
genitoi-
res.* Or si apres l'enfantement il sur-
vient à la femme des vlceres, ou
apostumes es genitoires, ou es
lieux circonuoisins, alors il fault
dra nettoier, & guarir les vlce-
res, & appaiser les douleurs, avec
du suc de Morelle; du suc de Plâ-
tain, & avec de l'huile Rosat, en
telle maniere que le tout, estant
bien meslé ensemble, soit coulé
dedans l'ulcere, ou soit mis avec
de la laine.

Autrement prenez le blanc d'un
œuf, du lait de femme, & du
iust de Pourpier, & le tout estant
meslé ensemble, coulez le sur la
partie ulcerée.

Autrement faictes vn baing de
eau

eau, en laquelle ayent bouilli des Baing
 escorsses de Grenades, des fueil- pour net
 les de Roses rouges, des escalles toyer les
 de Gland, de l'escorsses de Chef- Apostu-
 ne, de la Tormétille, de la Colu- mes qui
 brine, & des fueilles de l'herbe sont aux
 nommée Quintefueille, avec sa genitoi-
 racine, & que la femme y entre res.
 iusques au nombril. Et quand les
 vlceres seront nettoyez & gua- vnguens
 riz, il les faudra oingdre de l'vn- pour ra-
 guent nommé Blanc Rhasis, ou fraichir
 du dessicatif rouge, lesquels se & desse-
 fôt chez les Apotiquaires à c'est cher les
 vlsage, ou d'autres qui seront ra- vlceres.
 fraichissans & salubres.

Et en mesme maniere qu'o gua-
 rit les lieux vlceres, semblable- Les ru-
 ment aussi il faudra faire aux ru- ptures se
 ptures qui peuuent suruenir aux guarissêt
 genitoires, ou es lieux circon- cōme les
 voisins. vlceres.

Commēt Oultre ce il aduiēt quelques fois
il fault que la femme apres auoir enfan-
guarir et té, ha le boyeau auallé: & pour-
remettre tant quand cela suruient, il fault
le boyau dra que la sage femme repousse
auallé. tout bellement le boyeau, avec
 ses mains l'auées de vin blanc:&
Pour des ainsi le remette en son lieu. Et si
enfler le elle ne le peult aysément faire
boyeau pour le boyeau qui se seroit en-
auallé. flé, elle doit tremper de la laine
 dedans du beurre fondu avec du
 vin, & d'icelle enueloper l'int-
 estin eminent, & ainsi l'entretenir
 iusques à ce que l'éflure soit pas-
 sée, & alors il fault qu'elle le re-
 mette en sa place. Cecy ce peut
Emplast. bien faire aussi avec de la laine
pour rete trempée en du laiēt tiede.
nir le Et apres que l'intestin sera remis
boyau a- en sa place, il fault y appliquer
uallé. par dehors, de la cire fondue, a-

uec du mastich, & de l'encens blanc, & mettre par dessus vn lin ge, de peur que la cire vint à cou ler. Et fauldra faire cela toutes- fois, & quantes, que la femme, qui ha enfanté va à la selle, ius- ques à tant que l'intestin soit du tout ferme, sans plus bouger.

Que si vous ne voulez point vser *Huyles* de cire, vous pourrez prendre de *pour re-* la laine trempée en de l'huile de *tenir le* Mastich, ou de Spica nardi, & *boyau* l'appliquer chaudement com- *auallé.* me dessus.

Pour le guarir autrement, en ce- ste sorte. Lauez l'intestin d'eau, en laquelle ayt bouilly des medi- *Medica-* caments, qui dessechent, & reti- *mets qui* rent: comme est la noix de Gal- *dessechēt* le, la noix de Cypres, l'escorffe *& reti-* de Grenade, le Mastich, l'encēs, *rent.* le sang de Dragon, & estant ain-

si lauë esandez dessus iceluy de
Pouldre la pouldre de corne de Cerf
pour re- brulée, & puis le remettez en
tenir le en son lieu, comme dessus.

boyau Dauantage sil aduient, apres l'en
auallé. fantement, que quelques vais-
 seaux de la femme se rompent,
 il les faudra premierement lauer
 d'eau, dedás laquelle ayt bouilly,
 ce qui s'ensuit, en ceste maniere.

Baing p- Prenez de la noix de Cypres, du
pre pour Spica nardi, de l'escorsse de Gre-
les fem- nade, des escalles de Gland, d'un
mes qui chacun vne vnce, des Neffles, &
ont quel- des Cormes non meures, des Põ
qs vais- mes, des Prunes, & des Pranelles
seaux rõ immeures, d'un chacun vne poi-
pus aps gnée, & puluerisez tout ce qui se
leur en- pourra reduire en pouldre, & le
fantemẽr reste soit couppé bien menu, &
 faiçtes bouillir le tout (au moins
 ce que vous en pourrez auoir)

avecq' de l'eau de pluye, ou de l'eau en laquelle on y ayt estaint du cuyure, ou de l'acier ardent, & d'icelle eau faictes en vn baing, dedans lequel fault que la femme entre iusques au nombril. Et si elle ne veult point se baigner. Prenez vne espōge, ou de la laine (si elle l'ayme mieux) & la trēpez en ladicte eau, & ainsi frottez en la matrice, & cela estant faict, il la fault essuyer avec vn linge blanc, & de la pouldre qui s'ensuit subtilement broyée, & criblée par vn tamis, conspergez en la matrice.

Et pour cōposer icelle pouldre: *La cōpo-*
prenez de l'encens, de la noix de *suion de*
Galle, de l'escorſſe de Grenade, *la poul-*
de la noix de Cypres, de l'Alun, *dre pro-*
du Boliarmeni, du Mastich, autāt *pre pour*
d'un que d'autre, & pilez le tout *mettre*

sur les vais. ensemble, & mettez de ceste pou-
seaux rō dre (comme nous auons dit) de-
par dans la matrice, & accoustrez
 doucement les vaisseaux rom-
 puz, & estans remis, mettez y au
 deuant des linges chaulds.

Cōmēt il faut des- enfler la matrice. Que si la matrice estoit si enflée,
 & si endurcie qu'aysemēt, à cau-
 se de ce on ne la peust remettre,
 il faudra restraindre ceste enflu-
 re, avec du vin chauld, dedans le-
 quel y ayt du beurre fondu, &
 ayāt ainsi osté l'enflure, il la faul-
 dra remettre. Et puis il conuien-
vētouses dra appliquer aux parties pro-
 chaines des genitoires, comme
 es cuisses, des ventouses, la fem-
 me demeurāt couchée sur le dos
Pouldre de corne de Cerf bruslée. ayant la moytié du corps vn peu
 plus hault q̄ la teste, & alors espā-
 dre de la pouldre dessusdictē,
 sur les parties blaisées, & les lie-

iufq's à tāt qu'elles foiēt fermes,
& qu'elles ne ſ'eſmouuent plus.

En outre ſ'il aduient apres l'en- *Cōmēt il*
fantement que le nombril de la *faulxgua*
femme ſoit deſnoué, & ſ'ouure, *rir le nō-*
il faudra prendre quelque filet, *bril de la*
& l'enueloper de quelque linge *femme*
delié, & eſtant greſſé de l'vnguēt *qui eſt*
qui ſ'enſuyt, il le faudra mettre *deſnoué.*
dedans le nombril ouuert.

L'vnguent ſera tel : Prenez de vnguent
l'encens blanc, reduict en poul- *pour ſer-*
dre, & le meſlez avec vn blanc *mer le*
d'œuf, afin qu'il ſoit coulant, cō *nōbril.*
me eſt le miel liquide. Et de ceſt
vnguent, il en fault greſſer, &
oindre le dedans, & le dehors du
nombril, & ayant trempé, com-
mevne petite tante dedās iceluy,
vous la mettrez dedans l'ouuer-
ture du nombril, & ainſi le lie-
rez par dehors.

Finablement il aduient quelques fois, que pour le trauail d'enfant, *La cause* ter les genitoires, & le gros boy-
pour- eau par vne rupture, se viennent
quoy les à conioindre, & se faiēt vne mes-
genitoi- me playe à tous les deux, & par
res & le icelle playe la matrice coule : ce
gros boy- qui aduient principalement tou-
eau de la tesfois & quantes que les parties
fēme q̃l- genitales de la femme, par ou
ques fois doibt sortir l'enfant, sont si ten-
par vne dres & si estroictes, que l'enfant,
rupture pour sa grandeur s'auançant &
se viennēt voulant sortir, en rompāt le che-
à conioin- min, il se faiēt luy mesme ouuer-
dre. ture. Parquoy quand ce mal ad-
cōmēt il uient, au commencement il faul-
faul p̃ā- dra lauer, entretenir, & remettre
ser la ma en sa place la matrice, comme
trice & nous auons dit par cy deuant.
le gros Et puis il conuiendra panser la
boyseau playe, & rupture, en cousant la

peau d'un costé & d'autre, avec *qui estrõ*
 de la foye, par certaines espaces: *pu ensem*
 comme les Chyrurgiens ont ac- *ble.*
 coustumé de coudre les playes.
 Et cecy est la principale maniere
 de guarir. *Que* si elle n'est aysée,
 on pourra bié aussi sans rié coul-
 dre, en ceste façõ, guarir la playe.
 Prenez deux petits linges, des- *Commēt*
 quels la longueur soit esgalle à *on peult*
 celle de la playe, & la largeur soit *guarir*
 de deux doigts, & les oignez de *playes*
 quelque emplastre qui tiennes *sans rien*
 fort : puis les appliquez sur la *coudre.*
 playe, d'un costé & d'autre : en
 telle sorte que la fendasse de la
 playe seulemēt soit eminente, &
 apparaisse au milieu, autāt qu'est
 large vn tuieau de paille, ou en-
 viron: Et quand les linges seront
 bien adherants à la peau, cousez
 les ensemble, sans toucher n'y

blaisser la chair, ou la peau: comme les chirurgiens ont quelques fois accoustumé de faire. Et quand cela sera cousu, coulez y de la poix fondue, & alors les deux bords de la playe se ioin-
dront l'un à l'autre.

*Pouldre
propre
pour gua-
rir playes*

Autrement, Prenez de ia Consy-
re seche, & aride, du Comin, &
de la Canelle, le tout reduict en
pouldre, & meslé ensemble, espá-
dez en sur la playe de la femme,
& elle guarira.

*Des femmes grosses qui abuortent,
& les causes de leurs ab-
uortemens. Chap X.*

*Quec'est
que ab-
uortement*



'Abuortement se
faict, quád l'enfant
n'estât du tout for-
mé, vient deuant le
terme: ce qui se
faict en plusieurs sortes: C'est à

sçauoir quand le fruiët, deuant qu'auoir receu vie (qui se nōme alors des Grecs *χῆμα*, c'est à dire conception) se disperse en la matrice & tombe: Ou bien ayāt receu vie, ne se mouuant point, pourtant que les femmes appellent mauuais germe, c'est deuant le cinquiesme moys (& s'appelle à l'heure Embrio seu Fœtus) souuētesfois aussi, apres le cinquiesme moys, il se perd: sçauoir est quand le fruiët mourant, aucunesfois viuant contre nature, & le cours commun, sort dehors deuant le terme ordonné.

De laquelle chose, y à plusieurs & diuerses causes.

Les causes de la mortemēt

Premierement la bouche, ou ori fice de la matrice (qu'on appelle) de la matrice trop ample & spacieuse qu'elle ne se ample.

peult bié fermer: & ainsi le fruit se perd. Ou quand il y a de mau-
humeurs uaises humeurs lubriques qui le
lubriqs. font couler. Ou quãd icelle ma-
La matri trice est au dedans si malade, &
ce mala. si plaine d'humeurs qu'elle ne
 peult retenir la seméce generati-
 ue cõceue, n'y le fruit ia formé.
Apostu. Dautrepart les maladies, comme
vlceres et apostumes, vlceres, & aultres,
autres. qui rendent la matrice foible, &
 debile, font abuorter.

Quãdles Pareillement il se faiët quelque-
cotiledõs fois, quẽ les Cotyledons se rom-
se rōpēt. pent, que les Grecz nomment
κοιλοληδόνες, les Latins Acetabu-
 la (qui sont petits bouts & bou-
Quec'est ches de venes, & arteres: ainsi
que cory que petites tumeurs au dedãs de
ledons. la matrice, auxquelles est lyé le
 fruit de la femme, & par lesquel-
 les est porté le nourrissement à

l'enfant) estans plaines de pituité
 serōpent, dont sensuit, que l'en-
 fant, n'ayant aucun nourrissemēt
 viēt à mourir : Car ainsi le recite
 Hippocrates. Les femmes estans *Apho. 45*
 de moyenne corpulence, c'est *du 5. liu.*
 ne trop maigres, n'y aussi trop
 grasses, lesquelles abuortent le
 deux, & troisiēme moys, sans
 cause manifeste, & apparante:
 c'est que les Cotyledōs de la ma-
 trice, sont pleins de Pituité, & hu-
 meur lente, & froide: parquoy
 nepeuvent retenir la pesanteur
 du fruiēt: d'autāt que ceste pitui-
 té les à renduz mous, & foibles,
 & ainsi se rompent, & le fruiēt
 tombe. Auicenne aussi dit, que
 le plus souuēt, les femmes gros-
 ses abuortent enuiron le second,
 & troisiēme moys: quand les
 Cotyledons se laschent, & rom-

Quādles pēt, pour les mauuaisés humeurs,
lieux pro & inflations.

chais de Outre ce les abuorremés se font
la matri- quelquefois, quand les lieux pro
ce sont chains de la matrice sont infe-

malades stez, & corrópuz de diuerſes ma
Que c'est ladies: comme quand l'intestin

que ficus droiēt est tormenté de quelque
ou Mari- vlcere, ou de Ficus, ou Marisca,

sca. que les Latins appellent (qui sont
 tubercules, ou petites tumeurs
 rondes, dures, & rouges, qui ne

Hemor- sont sans douleur) ou de Hemor-
rhoides. rhoïdes (qui est flux de sang, par
 les vènes du ſiege, ainſi nómez.)

Ou quand la veſcie trauaille de
 la grauelle, de tumeurs, & enflu-

strangu- res, d'ulceres, ou de *σῖπαγγυρία*,
ria que que les Grecs appellent (qui est

c'est. vn mal, quand on a touſiours en-
 uie de piſſer, & ſi ne peut on piſ-
 ſer, que goutte à goutte) car par

les longs, & continuels trauaulx
& douleurs, qui aduienēt au fon-
dement, & à la vefcie, se faiēt de
grands mouuemēs, & efforts ten-
dans en bas, dont les Cortyledōs
se rompent.

Labuortement se faiēt aussi d'un
mal que les Grecs nomment
τενεσμός. Les Latins Tinctinus *τενε-*
(qui est vne grande passion du *σμός*
droict intestin, quand il prend *Γιασιν*
de grandes esprainctes d'aller à *que c'est.*
la selle, & on ne peult rien faire,
sinon quelques ventositez, & vn
peu d'humeur bilieux seulemēt)
Hippocrates aussi le recite, quād *Aphorif.*
il dit. Si à la femme grosse sur- *27. du 7.*
uiēt ceste douleur nommée Ti- *liure.*
nelmus, cela faiēt abuorter. Car
aussi à la verité, toute vehemen-
te motiō & douleur à la femme
grosse la faiēt abuorter.

8. *Toux* La toux forte & vehemēte fait
vehemē. aussi abuorter.

9. *Fēmes* Et les femmes fort maigres, * &
fort mai- oultre nature grosses d'enfant,
gres. abuortent deuant qu'elles soient
παρά grosses de deux' mois : comme
φύσις id mēme Hippocrates l'escriit : &
est ὑπερ la raison est donnée par Auicen-
βελόν. ne, disant que la nourriture qui
105. doibt estre baillée au fruiēt, va
Aphorif. tout à la femme pour l'engrais-
44. du 5. ser & refaire : & ainsi l'enfant se
liure. perd, & sort de la matrice de-
uant le temps.

10. *quād* Les femmes grosses abuortent
il tombe aussi, quand il leur tumbegrade
grande quātité de sang, ou si leurs men-
quātité strues (fleurs, ou males sepmai-
de sang. nes, comme elles les nomment)
aphr. 60 fluent par trop, cōme escriit Hip-
du 5. liu. pocrates. Si les menstrues fluent
à la femme grosse, beaucoup &
souuent,

souuent, il est impossible que le fruit soit sain : car son propre nourrissement luy est ainsi osté. Ce qui se doibt entendre, si la femme est de petite complexiõ, & maigre. Ou si trois moys apres *Le 1. &* la cõception les menstrues fluët. *2. moys* Car leurs fleurs peuuent cheoir *apres la* sans danger, le premier & secõd cõception moys, pource que le fruit est pe *les fleurs* tit, & n'ha besoing de grand *peuvent* nourrissement. *cheoir à*

Pareillement les femmes grosses *la femme* abuortent, si on leur tire du sang *sans dan* de la vene : comme recite Hip- *gier.*

pocrates, & principalement si le *u. Quand* fruit est grãd. Car il ha besoing *on les sat* de nourrissemēt plus fort, lequel *gne.*

on luy oste par la saignée. Tou- *aphor. 31* tesfois les femmes grosses qui *du 5. liu.* sont fort plaines de sang & qui en ont plus qu'il n'en fault pour

elles, n'y pour leur fruit: sans dā
 ger peuuet estre saignées, quand
Le temps elles seront grosses du quatries-
moyē de me moy, iusques au septiesme
la grosse exclusivement, qui est le temps
 moyē de la grosse, que le fruit
 est fermement lyé en la matrice.
 Ce que pourtant ne fault faire, si
humeurs la matiere & humeurs qu'on
turgētes. veult purger ne sont Turgentes:
 c'est à dire fluxiles & mobiles,
 subtiles, sereuses, bilieuses, &
 vaporeuses.

12. *quād* Les femmes grosses abuortent
elles pre aussi, quand elles prennent mede-
nent me cines fortes (qui laschent le ven-
decines tre) deuant le quatriesme moy, *fortes.*
 ou apres le septiesme. Et si d'ad-
 uenture elles ont grand besoing
 d'estre purgées (ce qu'il ne fault
 faire, comme nous auōs dit, sans
 cause manifeste & euidente) el-

les pourront aysément prendre Enquel
 medecine, entre le quatriesme & tēps les
 septiesme mois: moyēnāt qu'el- femmes
 le soit doulce & benigne: com- peuuent
 me recite Hippocrates. prendre

Si aussi la femme grosse, a grand medecin.
 flux de ventre (ou flux de sang) Aph. I.
 il y a grād danger d'abuorter: cō- du 4. li.
 me est dit, par Hippocrates: ce Eau 29
 qui se doibt entendre, si la fem- du 5.
 me grosse est maigre & seche, & 13. Quād
 si le flux de vêtre dure long tēps. elle a flux
 Car alors le sang se perd, & la de vêtre.
 femme languist, dont par faulte Aph. 34.
 de nourriture, le fruiēt s'estaint. du 5. liu.
 Aucunefois aussi abuortent, cel- 14. Quād
 les qui vomissent souuēt, ou ayāt elles vo-
 grande enuie de vomir, s'effor- missent
 cent. Car Auicenne dit, que le souuent.
 corps se consume, & amaigrist
 par trop grand travail de vomir,
 & aussi par ceste vehemente agi-

15. *Lõgue* tation & effort , les cotyledõs se
faim. rompent.

16. *Mala* Pour endurer longue *faim*, l'ab-
die ague. uortement se faiët.

Aph. 30. Item par maladie *ague*. Car ainsi
du 5. liu. le dit Hippocrates. Il est mortel
 qu'une femme grosse soit esprin
 se de quelque maladie *ague* : cõ-

Peste. me de Peste , Apostumes en la
Apople- Poiëttrine, d'Apoplexie (qui est v-
xie que ne priuation des sentimens, &
c'est. mouuemens par tout le corps)

Epilepsie d'Epilepsie (quãd on perd le sen-
dit mal timent & l'esprit) autrement dit
de S. Ieã. mal caduc, ou mal de saint Iean,
 & autres.

17. *De* Aduient aussi abuortement aux
trop grã- femmes grosses, de grande gour-
de gour- mandise . Car icelle suffoque le
mandise. fruiët dedans la matrice , & le
 nourrissement se corrompt. Et
 ainsi que le trop boyre , & man-

ger ne peult estre digeré: pareillement il corrompt le sang, qui doit nourrir le fruit.

Item toutesfois, & quantes, que 18. *Quād*
l'enfant est imbecille, & maladif, *l'enfant*
soit que cela procede du dehors, *est mala*
ou du dedans, la matrice est con- *dif.*
traincte, le mettre hors.

Item si les secondines (ou l'arrie- 19 *Quād*
re fais, que les sages femmes ap- *les secōdi*
pellent) qui enuelopent le fruit, *nes se rō-*
se viennent à rompre, deuant le *pēt de uāt*
temps, & ne peuuent, à cause *le tēps.*
qu'elles sont foibles, & debiles
le retenir. Ou quād les humeurs,
& eaux viennent à cheoir (qui est
flux de la matrice, par lequel
tout leur corps vniuersellement
est purgé) qui rendent les secon-
dines fluides, & coulātes, & ainsi
sont causes de l'abuortement.

Les femmes grosses abuortent

20. *quãd* aussi d'endurer trop grãde froi-
elles en- dure , comme aduient à celles
durent qui demeurent es regions pro-
tropgrãd chaines de Septentrion , dont
froid on leurs enfans meurent : ou d'en-
tropgrãd durer trop grande chaleur, com-
chauld. me celles qui sont pres du midy:

dont aduient qu'elles sont suffo-
 quées, & leur fruiçt aussi pareil-
 lement. Et pour ceste cause il cõ-
 uient aux femmes grosses, s'abste-

La gran- nir d'entrer aux estuues, car cela
de cha- leur nuist en trois sortes & ma-
leur nuit nieres. La premiere est, que leur
aux fem halaine, ou respiration (qui doit
mes gros rafraichir le coeur) est enflambée
ses en par la chaleur des estuues. La se-
trois sor- cõde est que l'humidité des estu-
ies. ues mollifient, & laschèt les Co-
 tyledons, & faiçt chemin fluxile
 & coulant, par lequel le fruiçt
 tombe. La troisieme est que la

chaleur exterieure, qu'on endure aux estuues, engendre chaleur au dedans, & l'augmente, dont s'ensuyt que le fruiçt ne pouuant endurer ceste grande chaleur du dedans, veult sortir pour soy rafraichir. Les femmes grosses doi- *Les fem-*
 uent donques euites les estuues: *mes gros-*
 sinõ qu'elles fussent prestes d'ac- *ses doiuent*
 coucher: car alors elles y doibuēt *euites les*
 entrer, affin d'enfanter plus ay- *estuues,*
 sement: comme nous auons dit *sinõ q'lles*
 par cy deuant, en escriuant la ma- *fussent*
 niere, par laquelle cela se pour- *prestes*
 ra faire sans danger. *d'accou-*

Les femmes grosses abuortent *cher.*
 aussi, quand l'air n'est pas tempe- *21. quād*
 ré, c'est à dire quād les temps & l'air n'est
 saisons de l'année se muent & pas tem-
 changent. Car cōme Hippocra- *peré.*
 testefmoigne. Si l'hyuet est Au- *Apho. 12*
 stral, & fort pluuieux, & le Prin- *du 3. lin.*

temps sec, & Boreal: les femmes pres d'enfanter en iceluy Printemps, à tout propos abuortent, Et celles qui enfanteront, feront leurs enfans imbecilles, foibles, & maladifs: tellement que, ou ils mourront incontinent, ou demeureront foibles & en l'agueur de maladie. Car telz hyuers rendent les corps des femmes grosses (comme nous auons dit des estuues) scauoir est humides & lasches. Dont puis apres le froid, retournant au Printemps, qui facilement penetre le corps de l'enfant, qui est encores mol & tendre, dont est estaincte la chaleur naturelle du petit enfât qui vient encores de naistre, si ceste chaleur naturelle est imbecille, & foible: ou biẽ que la mere ayt le corps menu, maigre, & rare,

que facilement le froid du vent Boreal peult penetrer . Et ainsi l'enfant, s'il ne meurt incontinēt ne faiēt que languir.

L'abuortement aduiēt aussi, aux 22. De femmes grosses , de trop grande *trop grā-* agitation, ou mouuemēt, soit en *de agita-* travaillant trop, ou sautant trop *tion, ou* fort: ou autres telles causes, com- *mouue-* me de cheoir , d'estre battues, *ment.* poussées, ou iettées par terre: ou de courroux , ou de crainte & peur: ou d'ennuy & fascherie, ou quand il leur vient vne grande ioye soubdaine, & sans y penser.

Voila dōcques toutes les causes *L'abuor-* qui font abuorter les femmes *temēt est* grosses, & leur apportent beau- *plus dif-* coup plus de douleur, à mettre *ficile à* hors leur fruiēt mort, que non *mettre* d'enfanter, selō le cours naturel. *hors quē* Car aussi à la verité, tout ce qui *le fruiēt* naturel.

DIVERS TRAV. ET
aduient contre nature à l'hôme
luy est plus grief & fascheux que
ce qui vient naturellement.

*Les signes qui coustumierement
precedent tous abuorte-
mens. Chap. XI.*

*Les sig-
nes pour
cognoi-
stre l'ab-*



*Es signes, & cognois-
sances, qui ont accou-
stumé venir deuât l'ab-
uortement, & pour en
uortement pouuoir certainemēt iuger, sont
icy demonstrez par ordre.*

*I. Quand Premièrement quand les mam-
les mām- melles de la femme grosse (qui
melles s'au parauant estoient saines, &
maigris- plaines) petit à petit viennent à
sent. s'amaigrir. Car ainsi le dit Hippo-
crates. Si à la femme grosse les
aph. 37. mammelles soudain deuiēent
du. 5. lū. menues & maigres, c'est signe
d'abuorter.*

Secondement si la femme gros-

se porte deux enfans à la fois, & 2. Quand
 que l'une de ses mammelles vie- l'une des
 ne à s'amaigrir (les deux au par- mämcl -
 avant saines) c'est mauuais signe les s'a-
 pour l'enfant qui est du costé de maigrit.
 la mamelle flaiſtrie : cōme dit Aph. 38.
 Hippocrates. La femme grosse du 5. liu.
 de deux beſſons qui ha l'une des
 mammelles menues , platte , &
 maigre , abuortera de l'un des
 deux enfans : c'est à ſçauoir, ſi la
 mamelle dextre eſt applatye,
 ce ſera du maſle : ſi c'eſt la gau-
 che, de la femelle. Car le plus ſou-
 uent quād les deux beſſons ſont
 de diuers genres, le maſle eſt au
 costé dextre , & la femelle au
 costé gauche.

Item c'eſt mauuais ſigne , quand 3. Quand
 la femme grosse ſent de grandes la femme
 douleurs en la matrice, & ha la fa grosse sēt
 ce rouge, & les membres luy cō- de gran-

des dou- mencent à trembler : cōme ayāt
leurs en fiebure, & grād mal de teste. Da-
la matri uantage quād elle sent douleur,
ce. au dedans des yeulx pres du cer-
 ueau, le reste du corps estant las-
 sé & lāguissant, Car ce sont tous
 signes de dangier : principale-
 ment, si sentant ces douleurs, en
 mesme instant, les menstrues, ou
 fleurs (comme elles appellent)
 viennent à fluer.

4. *Quād* Item toutesfois & quantes, que
le corps le corps de la femme grosse viēt
de la fem à enfler, avec quelque durezza, &
me grosse que les ventositez, courant de ça
vient a & de la, vont d'un costé en l'au-
enfler. tre, le ventre toutesfois n'en estāt
 point plus pesant. Et encores
 qu'elle vsant de viandes, propres
 pour appaiser les inflations, ven-
 tositez, & trenchées, icelles ne
 laissent à la tourmenter, & per-

seuerer : cest mauuais signe , qui doibt aduenir principalemēt enuiron le troisieme & quatrieme mois apres la conception.

Les remedes par lesquels les femmes grosses, se donneront garde d'abuorter. Chap. XII.



Pres auoir exposé les causes, & signes des dāgiers, qui peuuent aduenir aux femmes grosses : il reste maintenāt à traicter des remedes propres pour iceulx preuenir : Et principalement fault les aduertir de fuir & euitier toutes les causes qu'auons cy dessus mises par ordre , lesquelles font abuorter.

Et premieremēt si ellesont crainte que l'orifice, ou bouche de leur matrice soit trop ample, &

Medica spacieuse, il fault vser de mede-
*ments a-*cines, & nutriments qui adstre-
stringēs. gner, & reserrent.

Item d'estuues, de parfums, d'un-
 guens, d'emplastres, d'odeurs, &
 autres: dont auons amplement

* *Au 9.* parlé cy dessus* enseignant les re-
chapitre medes pour restraindre, & appai-
 ser les méstrues des femmes, qui
 fluent sans mesure.

Dautre part, si elles ont peur que
 l'orifice de leur matrice soit trop
 humide & coulante, ou que les
 Cotyledons par trop grande hu-
 midité, & humeurs visqueuses,

Medeci- ou par inflations & ventositez
nes desi- soient bouchees: & ainsi se rum-
catines. pēt, il faudra euitier ce peril par
 medecines qui nettoiyēt, purgēt,
 desechent & appaisent les véto-
 sitez: Combien qu'il ne faille pas
 en c'est endroit, tāt se fier es me.

dicaments, que premieremēt on n'ayt eu le cōseil de quelque sçauant Medecin: pour autāt qu'il y a plusieurs humeurs & diuerses fluxions, lesquelles ne se guerissent pas toutes par vn mesme moyen. *Le cōseil du Medecin.*

Et si le danger vient du vice de la matricē, ou des lieux prochains d'icelle, ou de quelque maladie: cōme vlcères, tumeurs, vices du fondement, Strangurie (qui est comme auons dit cy dessus, vn mal, quand on ha souuent enuie d'vriner, & si ne peult on pisser que goutte à goutte) & autres: il conuiendra prendre l'opinion du Medecin, lequel ordonnera, comment vne chascune d'icelles maladies sera guarie aysément & sans aucun danger. *Que cest que Strangurie.* *L'opiniō du Medecin.*

Dauantage si la femme grosse,

Maladie tūbe en quelque maladie ague, il
ague. la faudra guarir par medecines
 propres pour telles maladies.

Si c'est pour auoir enduré trop
 longue faim, le boire & manger
 mediocre l'appaisera : & non la
 gormandise, qui est de manger

Gorman c'est de Gormandise, que la fem-
dise. me abuerte (ce qui se faiēt au-
 iourd'huy le plus souuēt par tout
 & sans aucune honte) il cōuien-

Abstinen dra pour quelque temps faire ab-
ce. stinence, & faudra aussi (s'il ce

Moyenne peult faire) vser de moyēne pur-
purgatiō gatiō pour descharger le corps.

Tirer vn Que si la femme grosse est par
peu de trop sanguine, il ne sera mauvais
sang. luy tirer du sang : mais bien peu,
 tellement que ce sang seul qui a-
 bōde, lequel pourroit suffoquer
 l'enfant en la matrice, soit tiré
 dehors

dehors : comme en auons parlé cy dessus.

En oultre si la femme grosse, ha craincte & peur d'une longue toux, forte & vehemente, ou de grand vomissement, d'un flux de vêtre, ou de Tinesmus (qui sont espraintes d'aller à la selle cōme auons dit) ou d'un flux de sang, soit qu'il vienne par les narines, ou par quelque autre partie du corps: ie suis de c'est aduis, qu'on préne conseil des Medecins: Car toutes ces maladies icy ont besoing d'estre guaries par grande commodité & moderation.

Que c'est que Tinesmus.

Conseil des Medecins.

Finablement, si à cause de la foiblesse & rupture de la Secōdine, le dangier est eminent, & que le fruct ne puisse pour ceste cause, plus lōguement estre retenu en la matrice: il n'y a aucune mede-

cine plus commode, sinon que la femme grosse diligemment se ne se mou donne garde de mouuoir, & se uoir au-remuer d'un lieu, de peur de s'of- cunemēt. fenser dauantage, soit en saultāt, en courant, ou estant debout, ou en cheminant, ou sous leuāt & portant choses pesantes. En somme qu'elle aye soing, & diligence d'euter, & fuir toutes les choses, qui peuuent causer quelque dangier.

Les signes par lesquels on congnoistra les enfans estre mors dedans la matrice. Chap. XIII.

Les si- gnes.



Present il conuient traicter des signes, pour cōgnoistre si les enfans sōt mors en la matrice de la

mere.

1. Les m^ā Premierement si les mammelles

de la femme grosse, viennent su- *me les*
bitement à flaiſtrir, & ſ'amoin- *flaiſtries*
drir, de laquelle choſe auons par-
lé par cy deuant.

Secondement ſi l'enfant, qui au 2. L'en-
parauant auoit commencé, & a- *fant ne ſe*
couſtamé ſe mouuoir, ne ſe re- *meuant*
mue plus dedans la matrice. *plus.*

Tiercement ſi la mere ſe tournât 3 *Sentir*
d'un coſté, ſus l'autre; ſent ſon ſon enfât
enfant-tumber, comme vne pier *tomber.*
re, ou quelque choſe peſante,
ſans mouuement.

Quatrieſimemét ſi la matrice, & 4. La ma-
le nombril de la femme groſſe, *trice &*
qui auparauant eſtoit moyenne- *le nōbril*
ment chaud, vient à ſe refroidir. *froids.*

V. Si apres quelque maladie a- *ſ. Quand*
güe, ſortent de la matrice quel- *il ſort des*
ques humeurs puantes. *humeurs*

VI. Si les yeux de la femme groſ- *puantes.*
ſe, ſemblent eſtre enſoncez de- *6. Les*

yeux en- dans la teste, & que le blanc de
föcex en l'œil, se cōuertisse en couleur de
 la teste fer, & que ses yeux, son nez, &
 ses leures soient froides, plum-

7. Dou- bées, & comme à demy mortes.
leurs au VII. Si la femme grosse, sent ve-
dessoux hement douleur, au dessous
du nöbr. du nombril, & à l'entour des ge-
et au- nitoires, & que la couleur de son
 tour des visage, se change en autre cou-
 genitoir. leur pire, que celle qu'elle auoit
 8. Enuie acoustumé d'auoir.

de man- VIII. Si la femme grosse, a enuie
ger cho- de boire, ou manger choses in-
ses iacon acoustumées, & repugnantes à
stumées. nature.

9. tormēt IX. Si la femme grosse, est tour-
en sögeät mentée en songeant.

10. stran X. Si elle est tourmētée, de Stran-
gurie et gurie (qui est de pisser goutte à
Tinesm⁹. goutte.) Et de Tinesmus (qui
 sont espraintes d'aller à la selle,

(sans pouuoir rien faire.)

XI. Si l'halaine de la femme grof 11. L'ha-
se, cémence à rendre vne odeur *laine pu-*
puante: car cela luy aduient le *ante.*
plus souuent deux, ou trois iours
apres que son fruiet est mort.

XII. Si en mettant la main mouil 12. L'en-
lée d'eau chaulde, sus la matrice, *fât ne se*
l'enfant ne se remue point. *mouuât*

De tous ces signes icy, d'autant *point.*
plus qu'il en suruiendra ensem-
ble, d'autant on sera plus certain
que l'enfant est mort dedans la
matrice: Et pourtant il fauldra
donner ordre, qu'incontinent il *Mettre*
soit poussé dehors, sans toutefois *l'enfant*
mettre en dâger de mort la me- *hors sans*
re, s'il est possible. Car aucune- *aucũdan*
fois il se peult faire ainsi, la mere *ger pour*
demeurant en vie: aucunefois *la mere*
non. Or voicy les signes, par les-
quels sera facile à congnoistre, la

Les si- mere estre en grand danger.
guespour Si en enfantant, & mettant hors
congnoi- son fruiet mort, elle s'esuanouit.
stre que Si languissant & perdant la me-
la mere moire, elle ne peult mouuoir ses
est en membres.

grand Si à haulte voix l'appellant, elle
dangier ne respond point, ou bien peu &
 bas, comme perdant la parole.

Espamoi Si de rechef elle rumbe en espa-
son. moison. Si elle reiette la vian-

Vomisse- de qu'elle auoit prinse.
ment. Si le pouls des arteres luy bat
 lentement.

Lesquels signes, s'ils apparoiſſēt
 à vne femme qui est en travail
Recōmā d'enfant, c'est chose certaine
der l'a- qu'elle ne viura point, apres sa
me entre deliurance: Et pourtant il fauldra
les maïs recommander son ame, entre les
de Dieu. mains du Seigneur Dieu tout
 puissant.

Mais de celles fauldra auoir bon espoir, ausquelles ces signes n'apparoistront point, esperant qu'apres estre deliurées, elles seront saines & pleines de vie: Et pourtant il cōuiendra (comme auons desia dit) avec toute diligence mettre hors l'enfant aussi tost qu'il sera mort.

Les remedes pour tirer hors de la matrice, les enfans morts.

Chapitre. XIII.

EN deux sortes & manieres, no⁹ pou- Deux
uôs pousser & met manieres
tre hors de la ma- pour ti-
trice les enfans rer l'en-
morts: Ou par medecines expul- fāt mort
sues, ou par instrumēts propres hors de
à ce faire. la ma-

Premierement sans instrumēts, trice,
par perfums, en ceste sorte.

Fiente d'asne. Prenez de la corne, ou de la fiente d'Asne, & la faizât brusler parfumez en les genitoires de la femme.

Pilules pour per-fumer les genitoires de la femme. Autrement: Prenez la despouille d'un serpēt, de la Myrrhe, du Castoreum, du Souldphre, du Galbanum, de L'opponax, de la Gaurance, de la fiente de Pigeon, ou d'Esperuier, & le tout broyé, & meslé avec du fiel de bœuf, faiz en de petites piles de la grosseur d'une noyille, & l'une apres l'autre, mises sur les charbons, vous ferez entrer la fumée d'icelles dedans les genitoires de la femme, par une fluste.

Autres pilules. Autrement: Prenez du Thymiam, de L'opponax, du Galbanum, du souldphre vis, autāt d'un que d'autre, & le tout meslé ensemble avec du fiel de bœuf, &

reduit en forme de pilules, parfumez en les genitoires, comme dessus.

Autrement: Prenez de l'Aza puë *Brunage* te, le poix d'une demie drachme, *pour ti-* de la Rue trois drachmes, de la *rer les en* Myrrhe deux drachmes, & broy- *fants* ez tout ensemble, iusques à ce *mortz* que le tout deuiene en pouldre, Et en donnez à boire à chascune fois à la femme grosse, vne drachme avec du vin blanc, ou de l'eau en laquelle aura bouilly du Sauihier.

Autrement: Prenez de l'eau, de- *Autre* dans laquelle ayt bouilly des fi- *brunage* gues, du Senegré, de L'origanũ, & la donnez à boire à la femme: Car elle faiët couler le fruiët. Vsez aussi de tout ce qu'auons mis cy dessus, pour ayder à l'enfantement. Autrement: ..

Vn Pessaire Prenez de la gomme Armoniac,
faire de L'oppoponax, de l'Ellebore
pour ap- noir, de l'herbe aux poux, de l'A-
pliquer ristologie longue, & de la Colo-
dedasles quinte sans graines : Pilez tout
genitoi- ensēble, & avec du fiel de bœuf,
res de la & du suc de Rue fresche, meslé
femme. ensemble, faiçtes en vn Pessaire
 de laine, le quel oingt, & hume-
 cté desdictes choses, vous l'appli-
 querez dedans les genitoires de
 la femme.

Autre Autrement : Prenez vn Pessaire
pessaire. faiçt de laine, de la longueur &
 grosseur du petit doigt (comme
 nous auons dit cy dessus) & le
 trépez en du suc de Rue fresche,
 avec de la pouldre de Scammo-
 née, puis le mettez dedans les ge-
 nitoires de la femme.

Autre Autrement : Prenez de l'Aristo-
pessaire. logie ronde, du Sauinier, & du

cresson Alnoys, autant d'un que d'autre: Pilez le tout ensemble, & le meslez avec du fiel de bœuf & y ayant trempé les Pessaires, mettez les dedans les parties genitales de la femme, cōme dessus.

Pareillement si la femme grosse Le lait
boit du lait d'une autre fem- de la fē-
me, cela fait esmouuoir le fruit me.
mort.

Aussi prenez du suc de dictam, *Brenage.*
ou de la pouldre de sa racine, le
poix de deux drachmes, & les dō-
nez à boire à la femme grosse a-
vec du vin, ou (si elle a trop gran-
de chaleur) avec de l'eau tiede, &
l'enfant mort sortira dehors, sans
danger de la femme grosse.

Item de la Myrthe quatre drach- *Pilules*
mes, de la Cannelle, du Galbanū, pour per-
& du Castoreum, d'un chacun *fumer les*
deux drach. de l'opponax v- *genitoi-*

res de la ne drachme, le tout meslé avec
femme. du fiel de bœuf, faiçtes en de pe-
 tites piles, chacune pesante vne
 drachme, & les ayās mises sur les
 charbons, que les genitoires de
 la femme soiēt parfumez de cest
 odeur. Car par icelle vapeur les
 enfans morts, les inflammatiōs,
 & le sang suffoqué estant en la
 matrice, sont mis dehors.

Baing Item, prenez de la mente Aqua-
pour ti- tique, de l'Auronne, de l'Ar-
rer les en moyse, vn manipule d'vn chacū,
fants du Triolet blanc vne demye vn-
morts. ce, de la Garance, deux vnces &
 demye, de la Camomille, du Mar
 rubin noir, du Senegré, d'vn cha-
 cun deux vnces, faiçtes bouillir
Gresses le tout en eau de pluye, & en icel
pour fior le eau faiçtes lauer, ou baigner la
ter la te- femme. Et puis prenez de la gres-
se. se de poulle, & de la gresse de ca-

nart, de chacune quatre drachmes, & en icelles meslez, de l'huile d'Anet deux vnces. Et ainsi que la femme sortira du baing, il luy faudra oindre la teste desdictes gressés. Puis luy donner à boire *Breuage.* avec du vin blanc vne drachme, & demye, de noyaux de daëtes, reduits en pouldre, avec vn scrupule de Saffran.

Item, prenez de l'oppoponax, & *Pessaire* en faictes vn pessaire de la mesu- *pour ti-* re d'un doigt, & l'appliquez de- *rer hors* dās les genitoires de la femme, *le fruit* car cela met hors le fruit mort. *mort.*

Item prenez du Galbanum vne *Breuage.* drachme, ou vn peu moins, & du lait de cheure, vne vnce & demye, ou deux vnces, dedans lequel metterez le Galbanū, reduit en pouldre, & puis le dōnez à boire à la femme grosse.

Empla- Item, prenez du Galbanum mes-
stre. lé avec du iust d'Armoyse, & y
 adioustant vn peu de cire, faictes
 en vn emplastre, lequel estant
 mis sur vn linge en double, de la
 longueur du nôbril, iusques aux
 genitoires; & assez large: à celle
 fin qu'il puisse estre estendu d'vn
 costé & d'autre, vous l'applique-
 rez ainsi, à la femme grosse.

Breuage. Item, prenez de la Theriaque,
 qu'ils nomment Diatesaron, &
 en faictes boyre à la femme gros-
 se, car elle pousse hors le fruit
 mort.

Mais si toutes ces medecines, ne
Autre luy profitent point, & que l'en-
maniere fant mort ne vueille sortir alors,
pourtirer fauldra vser de remedes plus ri-
l'enfant goureux, à sçauoir d'instrumens
hors de & ferremens, comme Tenailles,
la matri- Ciseaulx, & autres engins inuen-

tez à cest vsage , comme nous *ce avec*
dirons cy apres. Au commence- *instru-*
ment donc il faudra coucher la *mens.*
femme grosse sur son dos, en tel- *Commēt*
le sorte, que la teste soit plus bas- *il fault*
se , que le reste du corps , puis il *preparer*
fauldra auoir quelques vns pour *la fēme.*
la tenir ferme, ou la lier, & atta-
cher, à celle fin qu'en tirant le
fruiēt mort, elle ne puisse se mou-
voir. En apres le Chirurgien, ou *Chyrur-*
la sage femme (lequel on vou- *gien.*
dra) oindra sa main gauche, d'hui-
le de Lis (ou d'autres) pour estre
plus douce, & coulante, & estan-
dāt ses doigts, la main estroĩsie,
la mettra dedans les genitoĩres
de la femme, à celle fin que con-
gnoissant au toucher, en quelle
sorte, & maniere gist le fruiēt
mort, plus commodement, on le
puisse tirer hors, avec les ferre-

Si l'enfant mens. S'il est donc ainsi, que l'enfant
à la teste fant ayt la teste la premiere, il
la pre- faudra mettre l'instrument de-
miere. dans l'vng des yeux, ou au palais,
 ou au dessous du menton, de-
 dans le col, ou aux espaules, ou
 en quelque autre partie du corps
 selon qu'il semblera le plus ay-
 sé, & ainsi petit à petit le fau-
s'il a les dra tirer. Et s'il a les pieds les pre-
pieds les miers, il faudra prendre avec les
premiers ferremens, les os qui sont au des-
 sus des genitoires, comme sont
 les costes, les os de la Poitrine,
 ou de l'espine du doz. Mais tout
 aussi tost, que le ferrement sera
 mis, il ne faudra pas tirer, ains
 conuiendra y en appliquer vn au-
 tre à l'opposite, & puis les tirer
 tous deux ensemble, afin que
 l'enfant esgalement soit tiré, au-
 tant d'un costé que d'autre. Il le
 faudra

faudra aussi tirer peu à peu, & *Tirer peu*
 non tout à la fois, ny de droit fil: *tit à pe-*
 mais en telle maniere, qu'en ti- *tit.*
 rant, on l'esbranle deçà, & delà.
 Pareillemēt aussi il y faudra met-
 tre le plus long doigt, oint com-
 me dessus, afin que si le fruiēt
 tient en quelque endroit, on le
 puisse separer, & faire sortir plus
 aysément. Et si le fruiēt sort ainsi
 facilement: il faudra tousiours
 mettre les ferremens plus hault,
 iusques à tant qu'il soit mis du
 tout dehors. Au cōtraire, s'il ad- *si le fru-*
 uient que le fruiēt monstre tant *iet mon-*
 seulemēt vne main, & qu'on ne *stre vne*
 la puisse facilement remettre au *main seu*
 dedans, pour la bouche de la ma *lement.*
 trice, qui seroit trop estroicte: il
 la faudra lier; avec quelque lin-
 ge, de peur qu'elle ne s'escole
 au dedans, & puis la tirer, ius-

couper ques à ce qu'on apperçoive le
bras & bras entier, en apres il le faudra
pieds. couper.

Ainsi en faudra-il faire, si les deux
 mains, les deux pieds, ou l'un
 seulement, se separent du reste
 du corps, & que facilement ne
 puissent estre remis en leur pla-
 ce. Et ainsi qu'on peult aysemēt
 couper, & separer les bras d'a-
 vec les espaules: pareillemēt au-
 si faudra faire de pieds d'avec les
 cuisses. Pour laquelle chose les

Chyrur. Chirurgiens auront leurs instru-
gier. mens, propres pour couper ay-
 sēmēt, & avec toute diligence
 tels membres, & les separer d'a-
 vec le corps. Et apres qu'ils aurōt
 esté ainsi ostez, on doibt vn peu

Mouuoir mouuoir, & virer le reste du
le reste corps, iusques à ce qu'on voye
du corps qu'il soit apte, & ayse à mettre

hors, & à la parfin soit ietté par la mere. Que si la teste de l'enfant estoit si grosse, par inflation, ou tumeur, ou par quelque fluxion d'humeurs qu'elle ne peult pénétrer le lieu estroict de la fémé, alors il fault que la nourrice, ou le Chyrurgien prene vne lancette ou quelque cousteau pointu, & d'iceluy entame la teste de l'enfant, à fin que les humeurs & ventositez coulantes, icelle teste deviēne plus menue & estroicte. *Quād la teste est trop pleinee d'humeurs il la fault entamer*

Que si la teste n'est pas aīsi grosse par cas fortuit: ains de nature, & qu'elle ne puisse passer: il la fault rompre en quelque maniere que ce soit, & la mettre en petites pieces, brisant le taist, avec de petites Tenailles, desquelles les Chyrurgiens ont accoustumé d'arracher les dents. *si la teste est trop grosse de nature il la fault rompre*

Quād la De rechef si apres auoir osté la poietri-
 teste, la poietrine dōnoit empes-
ne empes chemēt, & qu'elle ne peut sortir,
che il la pour le destroit de la bouche de
faultrō- la matrice, il cōuiēdra aussi rom-
pre. pre & casser la poietrine, & la re-
 duire en petis lopins, à fin qu'el-
 le sorte plus aysement.

Pareillement si le reste du corps
 estoit enflé, il le fauldra couper,
 comme cy dessus nous auōs dit
 de la teste, à fin que les humeurs
si la ma- decoulent, & ainsi soit plus ayse
trice est à mettre dehors.

seche & Oultre plus si d'aduēture, ou par
reserrée quelque maladie, il se faict que
il la faut la bouche de la matrice; à cause
guarir de de quelque Apostūme, ou vt-
uant que ceres, soit moins ouuverte, &
mettre moins coulante ains seche & re-
hors le serrée, il ne fault pas penser met-
fruct. tre hors le fruct mort, ne s'y ef-

forcer: que premiereinēt la bouche de la matrice ne soit guarie, & soit rendue douce & coulante, soit par huiles & diuerses gresles, ou par baings & estuues, ou par parfums & suffumigations: à fin de faire l'ouuerture plus aysée, comme nous auons ample-
 *an cha.
 ment déclaré cy dessus. * 6.

Dauantage si l'enfant mort tombe sur les costez, alors s'il est possible, il le faudra retourner, & si l'enfant tombe sur les costez adapter en telle sorte qu'il soit aysé de le mettre hors, & faudra oindre la matrice, & l'entretenir de parfums & odeurs, iusques à ce qu'elle s'eslargisse, & face ouuerture. Que si l'enfant ne peult estre retourné en ceste maniere, & que les parfums & vnguens n'y seruent en rien, il le faudra casser & rompre, comme

si les mē dessus. Au reste si apres auoir strues flu ainsi tiré hors l'enfant, les ment ap̃s q̃ strues dē la femme viennent à l'enfant fluēt abundamment, il fauldra versera mis ser de telz remedes qu'auons cy hors, illa dessus escrit * enseignant la fauldra niere de retenir telle abundance guair. de sang.

* au cha- Mais si la femme en s'efforçant, pitre 9 & estāt en trauail d'enfant, pour cōmēt il diuerses causes vient à mourir, fauldra Ce qui se peut aysément cognoir proceder stre, par les signes que monstrēt si la fem- ceulx qui meurent) & que l'en- me en se fant demeurant en la matrice, efforceāt monstre quelque espoir de vie. viēt à de Premièrement il fault obseruer ceder, l'ē qu'en ouurant, & fermant la bou- fant mon che de la mere mourante, & le strāt ql̃q̃ conduict d'embas, des genitoi- espoir de res & de la matrice, l'enfant puis- vie. se reprendre son esprit vital, &

son halayne : ce que les femmes assez expertes ſçauēt bien faire. Puis eſtant eſtandue , il luy fault *Incifer le* couper , & ouurir droictemēt, *coſté gau* avec vn raſouer, le coſté gauche *che.* (car le coſté droict eſt plus em- *Enquel* peſchant : à cauſe du foye qui à la ſon ſiege) & avec la main tirer *lieu le* par la l'enfant. Et ceux qui naiſ- *foye à ſo* ſent , tirez en telle façon , ſont *ſiege.* nommez Cæſares , comme auſſi *Dōt ſont* fut celuy à Romme, duquel pré- *dictz les* mier la famille des Cæſars, retint *Cæſares.* le nom . Et ſont ainſi appellez, pour autant qu'ils naiſſent, Cæſa *Cæſa ma* matre , qui eſt à dire, leur mere *tre.* eſtant taillée, & inciſée.

*Des enfans nouvellement nez,
comment il les fault entretenir,
garder, & nourrir.*

Chapitre xv.

M iij



*Cōmēt il
faut cou*

per le nō la lōgueur de trois doigts, & puis
bril aux ainsi le lier, comme l'escriit Aui-
petits en cenne. Et sur le bout de la partie,
fants.

*Digres-
sion.*

Pour- que le couper. Dauantage il ya
quoy la quelques vns, qui disent qu'ainsi
lāgue est longue sera langue, aux enfans
courte masles, ou ainsi courte, q̄ le bout
ou lōgue du nombril qui leur sera laissé.

R apres que l'efant
est né, il luy fault
incontinent coup-
per le nombril, luy
en laissant enuiron

qui à esté incisée, il y faut mettre
de la pouldre de Boliarmeni, du
sang de Dragon, de Sarcocola,
de Myrrhe, de Comin, autāt d'un
que d'autre, le tout pilé ensem-
ble. Et apres le lier, de laine tré-
pée en huyle d'oliue, à fin qu'elle
ne tombe. Cōbien qu'il y en a qui
aymēt mieux lier le nōbril, deuāt

que le couper. Dauantage il ya
quelques vns, qui disent qu'ainsi
longue sera langue, aux enfans
masles, ou ainsi courte, q̄ le bout
du nombril qui leur sera laissé.

Avicenne aussi prend quelques
 presages du nombril, car aussi tost
 (dit il) que la femme aura enfan-
 té, on doibt regarder le nombril
 de l'enfant, que s'il n'a en la par-
 tie du nombril, près de son corps
 quelques rides, ou nœuds: cela si- *Que si-*
 gnifie, que la femme, sera puis *gnifient*
 apres sterile. Au contraire si l'en- *les rides*
 fant, à des rides, & nœuds, cela *ou nœuds*
 denote à la mere, qu'elle aura au- *qui sont*
 tant d'enfans, cōme il a de nœuds *au nom-*
 & rides. Les autres adioustent, *bril de*
 que si les rides sont près à près, *l'enfant.*
 cela signifie que la mere doibt *Les Ri-*
 avoir enfans, près à près. Et s'ils *des qui*
 sont loing à loing, qu'elle conce- *sont pres*
 vra, & enfantera de loig, à loing. *à pres ou*
 loing à *loing à*
 Dauantage si les nœuds, & rides *loing.*
 sont roux, cela signifie que la *Les Ri-*
 mere aura des enfans masles, & *des ou*
 fils sont blancs, elle aura des fil- *nœuds*

roux ou les. Mais pour le present c'est af-
blancs. sez parlé du nombril.

Au reste (affin que nous retout-
nions, ou nous sommes demeu-
rez) apres que le nombril à esté
Oindre couppe, & lié, il ne fera point
tout le mauvais, d'oindre tout le corps
corps de de l'enfant, d'huyle de noix : car
l'enfant cela r'enforcit la peau, & la mu-
d'huyle nit cõtre les accidens de dehors,
de noix. qui luy pourroient nuyre, & of-
fenser, à cause de sa tendreté: cõ-
me sont les fumées, le froid, &
autres choses qui ont accoustu-
mé, offenser l'enfant, inconti-
nant qu'il est né.

Nettoyer Apres qu'il sera oingt, il le faul-
doulce- dra lauer d'eau tiede, & luy ou-
ment les urir, & nettoyer doucement ses
narines narines, avec le doigt, ayant pre-
de l'en- mieremét les ongles biẽ rõgnez.
fant. Il sera bon aussi, de luy mettre

vn peu d'huyle, sur les yeulx . Et ne sera mauuais que la mere , ou la nourrice frotte doucement, le trou du cul de l'enfant , afin de plustost esmouuoir son vêtre. Mais principalemēt l'ēfant doit estre gardé de trop grande chaleur, ou froideur.

Or apres que le bout du nombril, qu'on a laissé sera cheut, ce qui se faict coustumierement, apres le troisieme, ou quatrieme iour, il faudra espandre, sur le demeurant, de la cendre de Moules, qu'on trouue tout par tout aux riuieres, & maresques, ou de la cēdre faicte de corne de Veau, ou aussi de la cendre de plomb, bien broyée & meslée avec du vin.

Dauantage quand on enuelope l'enfant, & qu'on le met dedans

Mettre de l'huyle sur les yeulx.

Frotter le trou du cul.

Sur tout il fault garder l'enfant de trop grande chaleur, ou froideur.

En quel tēps c'est que le bout du nōbril de

l'enfant tombe.

le berceau , il fault estre son-

Manier gneux , de manier ses membres
douce- doucement, & en l'emmaillotât
mēt les mettre chacū membre en sa pla-
membres ce , & droictement , non confu-
de l'estat. sement, ny de trauers. Et ne fault
Remuer pas seulement faire cela vne fois
l'enfant le iour , mais plusieurs fois : car
plusieurs tout ainsi qu'aux arbrisseaux, il se
foys le faiēt, qu'estans entretenuz droits
iour, ou courbez, ils gardent en croif-

sant vne mesme forme. Aussi pa-
 reillement il aduient aux enfans,

Mettre que s'ils sont bien, & droictemēt
ses mem- lyez dedans leurs bandelettes, &
bres droi langeots : ilz croissent, ayants les
element. membres & le corps droict. Au

contraire, s'ils sont emmaillotez

Essuyer de trauers , & courbez, en croif-
les yeux sant, ils sont tousiours tels. Il faut
du petit aussi en après , essuyer les yeux
enfant. du petit enfant, avec vn linge biē

delié, ou du taffetas, & faut estā-
dre les bras, chacun de son costé,
iusques en bas, affin qu'il s'accou-
stume, à coucher droict.

Outre-ce il conuient aussi aucu- *il fault*
nefois oindre, & adoucir la ve- *oindre la*
scie de l'enfant, affin qu'il puisse *vescie de*
plus aysément. Et quand on le *l'enfant.*
met coucher, il luy fault mettre
vne calotte en la teste: ou quel-
que autre chose. Et quand il est *il luy*
dedās son berceau, il le fault met *fault vne*
tre en tel endroit, que le froid, *calotte en*
ny le chaud, ne le puisse molester *sa teste.*
La teste aussi doit estre vn peu
plus haulte que le reste du corps, *La teste*
& faudra mettre sur luy quelque *vn peu*
linge, ou aultre chose pour luy *haulte.*
donner vmbre. Il faudra aussi
qu'il soit mis en telle sorte, que
de iour les rayons du Soleil, ou
de nuit les rayons de la Lune, ne

luy donnent dedans la veuë. En
 general il fault mettre peine,
 que tous les membres du petit
 enfant soient bien, & droictement
 arrangez, & que son col ne soit
 point ployé, ny son dos trop esle-
 ué, ny le reste du corps courbé,
 il fault ou mis de trauers. Dauantage il
 l'auera l'enfant le fault lauer tous les iours,
 deux ou trois fois, tousiours a-
 les iours pres qu'il aura dormy: en Hyuer
 deux ou d'eau chaule, & en Esté d'eau tie-
 trois fois. de. Et ne le fault tenir longue-
 ment en l'eau: ains l'oster quand
 il commencera à auoir chaud, &
 il ne faut que son corps deuiendra rouge.
 pas qu'il Et fault se donner garde qu'en
 entre de le laurant, il n'entre de l'eau dedas
 l'eau de- ses oreilles, car cela ne sert à rien
 dans les & si est dommageable à l'ouye.
 oreilles Finablement quand on le tire du
 de l'esfar, baing, il le fault essuyer de linges

deliez & moyennement chaulds,
 & doibt la mere, ou la nourrice,
 ou quicóque tire l'ésant dubaing
 pour l'enueloper premierement
 le choucher sur le ventre dedans
 son giron, & luy oingdre dou-*vne gout*
 cement le dos, & puis apres l'en-*te d'eau*
 ueloper de bandelettes, comme coulée
 dessus. Estát enuelopé, il luy fault *dans les*
 couler vne goutte d'eau dedans *narines*
 les narines : car cela profite á la *proffite á*
 veuë. Et puis le remettre en sa *la veuë.*
 place.

*Quel laiët, & quelle nourrice
 on doibt donner à l'enfant.*

Chapitre XVI.



V reste quant à ce
 qui appartiët pour
 la nourriture de l'é
 fant, il luy est plus
 profitable d'estre
 nourry du laiët de la mere que

Le laiēt d'autre . Car le laiēt de la mere
 de la me est plus conuenable , & propre à
 re est pl⁹ la nature de l'enfāt. D'autre part
 conuenā il luy apporte plus de nourritu-
 ble à la re, pource que l'enfant, tant qu'il
 nature à esté dedans la matrice, à esté ac-
 de l'en- coustumé à ce mesme laiēt, & en
 fant q^{au} à este nourri : dont s'ensuit qu'il
 tre laiēt. le desire mieulx , comme le co-
 gnoissant, & y estāt desia accou-
 stumé : Et aussi le laiēt de la me-
 il suffit re luy est plus sain : mais il suffit
 de dōner de donner la tetine à l'enfant
 à re'er à deux ou trois fois le iour , cōme
 l'enfant dit Auicenne. Cōbien qu'il faille
 deux ou euter du commencement, de le
 trois fois trop souler de laiēt : ce qui se
 le iour. doibt entendre , qu'en mesme
 téps l'alaiētant trop longuemēt
 on luy face hayr, & qu'il s'ē lasse.
 Peu & Car il vault beaucoup mieulx l'a-
 souuent. laiēter peu & souuēt, que le sou-
 ler des

ler des la premiere, ou seconde fois : pour autāt que les corps de ceux qui sont ainsi soulez, s'estādent & enflent, & pissent souvent: ce qui signifie imperfaicte coction du laiēt. Lesquelles choses si elles aduenoient à l'enfant: *Estre enflé & pissé*, il faudroit luy oster pour quelque temps la nourriture, iusques *ser souuēt signi-* à ce que par faim raisonnable, il *sic imper* fut contraint de faire digestion. *faicte coction.* Semblablement si le laiēt de la mere estoit vn peu aigre, il ne faudra pas qu'elle alaiēte son enfant elle estant à ieun.

Quand Et si à cause de maladie, ou pour *c'est que* ce que son laiēt seroit corrompu & mauuais, la mere ne doit nourrir son enfant, il faudra trouuer vne nourrice, moyē- *la mere ne doit pas alai-* *eter son* nant qu'elle ayt toutes les choses *enfant à* qui s'ensuiuent. *à ieun.*

Les cho- Premièrement bonne couleur,
ses que le col gros & fort, & la poictri-
 doibuent ne large.

auoir tou Secondement qu'il n'y ayt trop
tes bōnes long tēps, ny trop peu aussi qu'il
nourri- le ha enfanté, tellement qu'il n'y
ces. ayt que deux moys passez pour
 Bōne coule plus, apres son enfantement.
leur &c. Et s'il est possible qu'elle ayt eu
 Qu'elle vn enfant masle.

ayt euvn Tiercement qu'elle soit de moy-
 masle. enne corpulence, ny trop mai-
 Moyēne gre, ny trop grasse.

corpulē- Quartement qu'elle soit bonne
 ce. & modeste, & de bonnes meurs,

Bonne & non cholere, ny trop rude, ny
modeste. poureuse & timide. Car telles af-

Les per- fections & perturbations sont
turba- pernicieuses, tellement qu'elles
tiōs cor- corrompent le laiēt, & engen-
rompent drēt à l'enfant, avecques le laiēt,
le laiēt telles meurs, tel esprit & telle fa-

çon de faire. Non sans cause aussi à esté adiousté du Poëte Virgile, voulât d'escrire vn esprit dur *Virgile.* & impitoyable.

Hircanæque admorunt vbera Tigres.

Qui est à dire, les Tigres de Hircanie l'ont alaieté. Et pourtant il se fault donner garde de prédre des nourrices sottes, & lasciues, Nō lasci-ny de ses lingieres, & cousturieres. *ues.* res qui sont tousiours assises : ny autres telles femmes.

Cinquièsmement il conuient auoir Les māmelle
vne nourrice qui ayt les māmelles
les plaines & fertiles, qui ne soiēt plaines.
ny molles ou flaiſtries, ny gresles
& petites : ny aussi trop grosses
ny trop dures, à fin de n'empes- *il faut*
cher l'abondance du laiēt. *aussi re-*

Finablement on doit auſ- *garder à*
ſiregarder le laiēt de la nour- *la con-*
rice, qu'il ne soit ny noirastre leur &

saveur ne bleuf, ne ionastre ny rouge.
du laiët. Qu'il ne soit aufsi amer, ny salé,
 ny aigre : pareillement qu'il ne
 soit trop clair, maigre & fluide,
 ny au contraire trop espais &
 gras : mais fault qu'il soit egale-
 ment blanc & doux. En somme
Pour con tel laiët sera fort bon & proffita
gnoistre ble, duquel vne goutte estant mi
vn laiët se sur l'vngle du doigt, n'y sera
bon & point fichée ou conioincte quād
proffita-
ble. vous pancherez & remuerez le
 doigt. Et aufsi quand elle ne sera
 point fluide & coulante; iceluy

Quand doigt n'estant point remué. Car
cest que le laiët qui coule soubdain est
la nour- trop clair & maigre, & celuy qui
rice ne tient fort est trop espais & gras.
doit peït Le moyen donc entre ces deux
alaitter sera le meilleur. Que si d'aduen-
son enfāt ture il aduenoit que le laiët de la
ieun. nourrice fut trop chaud & ai-

gre, elle ne doit pas, estant à ieun, dōner à teter à l'enfant que premierement elle n'ayt beu & mangé.

*Les causes de la diminution & de-
faillance du lait aux nourrices,
& les remedes propres
à icelles.*

Chapitre XVII.

L SE fait aussi Les cau-
quelquefois que le ses de la
lait de la nourri- defail-
ce se diminue & lance du
default, ce qui ad- lait aux
uict de plusieurs & diuerses cau- nourri-
ses: comme par maladies, ou par ces.
le vice des mammelles, ou par
froid, & par obstructiō d'iceluy,
ou par faulte des choses qui doib
uent engendrer le lait, ou fina-

blement par faim & soif. Et tout ainsi qu'icelles causes doibuent estre cogneues, à celle fin de s'en donner garde: aussi conuient il

Le cōseil prendre conseil des Medecins, *des Me-* & faire ce qu'ils en ordonnerôt. *decins.* Toutesfois à celle fin qu'on n'e-

stime point que nous volussions laisser d'escrire choses pour la santé, profit, & vtilité du public, nous auōs icy adiousté quelques Remedes fort salubres, pour les femmes qui sont en peine de tel *Medica-* trauail, lesquels leur pourrôt ap- *mēs pour* porter grand soulagement.

faire croi A celle fin donc que le laiēt de la *stre le* nourrice s'augmente & croisse, *lactaux* Prenez des Pastenades, ou Car- *nourri-* rottes, & faiētes māger à la nour- *ces.* rice de la semence, ou racine d'i- *Les Car-* celles. Ou bien entre les autres *rottes.* viandes, dōt elle peult vser, don-

nez luy de la semence ou racine
de Fenoil, cuiſte dedás du bouil- *Le fenoil*
lon d'orge, ou de chiches.

Item il luy eſt profitable de mǎ-
ger de la poiſtrine de mouton, *Le laiſt*
& du laiſt de brebis. *de brebis*

Il eſt bon auſſi de prendre vne
drachme de petits vers de terre *Petitx*
ſecz, & reduictz en pouldre, & vers de
icelle meſler avec de l'eau d'or- *terre.*
ge, ou de Ptiſane.

Item prenez vne vnce de beurre *Le beur-*
de vache, & icelle meſlée & fon *re fondu*
due avec du vin, donnez la à boi- *avec du*
re à la nourrice. *vin.*

Il ſera bon auſſi d'appliquer des *Des vē-*
ventoſes, au deſſoubs des mam- *touſes au*
melles, la peau toutesfois non *deſſoubs*
coppée. *des mam*

Pareillement vn emplaſtre faiſt *melles.*
d'encens, de Maſtich, & de Poix, *Empla-*
mis ſur les mǎmelles, ou au deſ. *ſtre pour*

augmen- sous (la peau premierement
ter le oincte d'huyle, de peur qu'il ne
laiet aux tiennne trop fort à icelle) est gran
nourrices dement profitable.

Il est bon aussi, & vtile de frotter
doulcement, & adoucir les mām-
elles, avec de l'eau chaulde l'a-
pres disnée, ou apres souper en
se baignant, & donner ainsi à te-
ter à l'enfant.

Liqueur Item prenez de l'huyle de Lis
propre blanc, ou de Violes, & y mettez
pour fai- du Musc, de l'Encens, & du Lau-
re croi- danum bien broyez, & pilez en-
stre le semble, puis ayant trempé de la
laiet. laine dedās ceste liqueur, mettez
la sur les māmelles, & les entre-
tenez ainsi. Ou bien (si vous vou-
lez) trempez de la laine dedans
du vin, auquel ayt bouilly de la
Mente, des Roses, des Violettes,
& du Xylo aloës.

Il sera bon aussi de menger vn potage potage, dedans lequel ayt bouil- propre ly vne poulle, & avec icelle soit pour les meslé de la Canelle, du Nacis, du *nourrices* Cardamome, & vn i'aulne d'œuf.

La nourrice doibt aussi menger du fromage fraiz, & du laiët.

Et doibt s'abstenir de trauailler, *Le fröma* & de faire besongne, qui soit de *ge fraits*. grande peine.

Les tarrtes aussi faiëtes de farine *Tartres*. de febue, de ris, & de pain dur de seigle, avec du laiët, & du sucre, & vn peu de semence de fenoil, sont grandement profitables.

Item prenez de l'Anis, du Ser-Breuna-
môtain, d'vn chacü trois drach-*ge pour*
mes, du Crystal deux drachmes, *faire croi*
le tout puluerisé, en y adioustant *stre le*
du sucre, donnez en à boire à *laiët aux*
la nourrice au matin, à midy, & *nourrices*

au soir enuiron dix fois.

Empla- Item prenez de la semence, ou
stre pour des fueilles de fenoil, & de Mar-
augmen- rube, deux manipules (ou petites
ter le poignées) de la semence d'Anis
laict aux quatre drachmes, du Saffr à broyé
nourrices vn scrupule, & du beurre fraits
 trois vnces, faictes cuire le tout
 en eau suffisante, iusques à ce
 qu'il soit reduit en forme d'em-
 plastre, & mettez iceluy empla-
 stre encore chauld, sur la poictri-
 ne de la nourrice.

Breuua- Item prenez du Comin mis en
ge pour pouldre vne vnce & demye, a-
accroi- uec six liures d'eau, du miel sans
stre le escume trois vnces. Et faictes
laict. cuire le tout en vn pot neuf, ius-
 ques à la troisieme partie, & dō-
 nez à boire à la nourrice ceste
 decoction.

Autrement prenez de la Ioutte,

ou Porrée (bien lauée) vne vnce, *Electuaire*
 du Comin vne vnce & demye, *re pour*
 du miel six vnces, & le tout broyé accroi-
 & pilé ensemble : faictes en vn stre le
 Electuaire, & que la nourrice en *laiet*.
 prene au matin, & au soir, à cha-
 cune fois vne cuillerée.

Item prenez du Crystal bien pi- *Le cry-*
 lé deux drachmes, & les diuisez *stal don-*
 en quatre parties, & vne chacune *né avec*
 d'icelles soit donnée à la nourri- *le bouil-*
 ce, par chacun iour au matin, ius- *lon de*
 ques au quatriefme iour dedans *Pois.*
 du bouillon de Chiches, ou de
 poys.

En general l'Anet, & sa semence,
 la semence d'Anis, le Marrube, Tout ce
 le Cardamome, le Frommage qui aug-
 fraits, le Potage dedans lequel y mente le
 ayt du Frommage vieux, les Chi- *laiet aux*
 ches, le Crystal broyé & auallé a- *nourrices*
 vec du miel, la laiëtue, le Fenoil,

le Vin avec lequel ayt bouilly du Rosmarin, ou du Serpoulet, rendent fertile, & augmētēt le laiēt. Il fault aussi que la nourrice soit chaste, car l'acte venerien souuēt exercé, desèche, & rend le laiēt insipide, & mal plaisant à l'enfant. Tel laiēt aussi n'est retenu, ny digeré par l'enfant, qu'à grād peine : mais le plus souuēt est reietté par vomissemens.

*L'acte vene-
neriē de-
seche, &
rend le
laiēt insi-
pide.*

*Pour-
quoycest
que l'en-
fant ne
doit poit
sucer les
mammel-
les de
sa mere
pour le
premier
iour.*


Au reste il ne sera point mauvais que l'enfant aussi tost qu'il sera né, ne succe point la mammelle de sa mere, pour le premier iour: mais de quelque autre nourrice, à cause que le laiēt de la mere, le premier iour soudain apres qu'elle a enfāté est espais & cailleboté, en forme de frōmage frais ce qui se faiēt aussi à toutes accouchées: & non sans grāde dou-

leur, laquelle est nommée des Grecs θρώμβωσις, des Latins Grū θρώμβω meſcentia lactis. Semblablemēt σις, idest ſil aduient que la nourrice, ayt Grume- vn flux de ventre, ou qu'elle ne ſcētia la- puiſſe aller à la ſelle, & à cauſe *ētis*.

de ce, qu'il luy faille prédre Me- decines pour eſmouuoir ſon vē- tre : il ſera bon de donner à alai- cter l'enfant à vne autre ce pau- dant qu'elle guarira.

*Comment on doit Bercer l'enfant,
& combien de temps on
le doit allaiter.*

Chap. XVIII.

 Vand on met cou- cher l'enfant, apres qu'il à teté, & qu'ē le berçant on luy veult prouoquer le dormir, il ne doit pas eſtre ber- cé fort, ny rudement de peur

Pour- que le laiët, qu'il à prins vn peu
quoyc'est au parauant, par ceste agitation,
qu'il ne ne soit corrópu au corps de l'en-
fant pas fant, & ne l'offence.

bercer l'ẽ Quant est de la quãtité du tẽps,
fant ru- qu'on doibt obseruer, pour alai-
dement. Æter l'enfant. Auicenne commã-
Auicẽne de qu'il soit alaiëté l'espace de
veut que deux ans entiers : mais la coustu-
l'enfant me d'auourd'huy est telle que
soit alai- l'ẽfant, ne tette point plus hault
Eté l'espa d'vn an. Et quand on le veult de-
ce de strier, ou desalaiëtter, il ne le fault
deux ans pas faire tout soubdain, mais peu
entiers. à peu : & fauldra luy faire, com-
Cõmẽt il me de petites pieces, ou lopins
fault de- de pain, & de sucre, par les-
strier les quelz l'enfant s'accoustumera à
enfants. menger, d'autres viandes. Mais
 il suffira pour le present de ce-
 cy, quant à la premiere nour-
 riture de l'enfant, combien que

Je n'ignore pas qu'il ne reste en-
 cores plusieurs choses à dire, qui
 pourroient appartenir, à la gua-
 rison de ceste aage, & comment
 illes fault traicter & entretenir,
 quand les dents leurs commen-
 cent à venir, desquelles choses
 Auicenne à amplement traicté,
 & nous pour la briefueté, les
 laisserons au lecteur be-
 neuole chercher, &
 apprendre des
 autres,

FIN DV PREMIER
 Liure.

LE S E C O N D
liure de l'enfantement de
l'homme, & de ce qui
aduient autour
d'iceluy.

*Des diuerses maladies, & accidens,
qui aduiennent aux petits enfans
nouuellement nez, & par quel
moyen il leur fault secourir.*



L reste maintenant
à traicter des me-
decines propres à
guérir les maladies
& dangers qui sur-
uiennent en plusieurs parties du
corps des petits enfans, puis que
nous auons assez amplement es-
crit de son origine. Or combien
que cest' aage soit subiecte à vne
infinité de maux, desquelz Hip-
pocra-

pocrates, Galien, Rhasis, Auicenne & autres font ample recit: nous toutesfois pour la briefueté, laissans le reste, nous feront seulement mention de la cure des maladies qui sont assez communes, & à plusieurs congrues. Celles cy doncques aduiennent principalemēt aux petits enfans, & nouuellement nez.

- 1 Vlcères & demengeaisons de genciues.
- 2 Flux de ventre.
- 3 Duretez, & adstrictions du ventre.
- 4 Conuulsions.
- 5 Toux & defluxiōs du cerueau
- 6 Difficultez de respirer.
- 7 Vlcères au dedans de la bouche.
- 8 Vlcères au dehors de la bouche.

- 9 Humiditez coulantes des oreilles.
- 10 Apostumes du cerueau.
- 11 Enflures des yeulx.
- 12 Chassies des yeulx.
- 13 Fiebres & chaleurs immoderées.
- 14 Trenchées du ventre.
- 15 Le corps enflé.
- 16 Esternuemens continuels.
- 17 Rougeolle & verolle.
- 18 Tumeurs & inflammations des aines, & des testicules.
- 19 Enflures du nombril.
- 20 Veilles, quand ilz ne peuuent dormir, ne reposer.
- 21 Hoquetz, & sanglotz.
- 22 Appetit de vomir.
- 23 Songes espouuantables.
- 24 La mere des enfans.
- 25 Enrouëures & ronflements
- 26 Le boycau auallé.

- 27 Tinesme, ou douleur du
droict intestin.
- 28 Vers de ventre.
- 29 Escotcheures.
- 30 Epilepsie ou mal de S. Iehan.
- 31 Phtisie, ou defluxion de la te-
ste aux poulmons.
- 32 Paralytie, ou resolution des
membres.
- 33 Tréblement des extremitéz.
- 34 Grauelles, & pierres en la
vescie.
- 35 Les yeulx lousches.

Desquelles maladies faict men-
tion Hippocrates en son troisié-
me liure des Aphorismes : dont
nous mettrons les remedes d'v-
ne chascune d'icelles par ordre,
commençant aux vlcères, & de-
mengeaisons des genciues.

*Des vlcères & demengeaisons
des genciues. Chap. I.*



VX petits enfans
suruiennét coustu-
mierement des vl-
ceres, & demen-
geaisons de genci-

ues, ou côme petites apostumes,

D'ou pro avec douleur, pour la solutiô de
cedēt les continuité de la genciuë, quand
vlcères le temps vient, que les déts leurs
Et demē commencent à venir, ce qui se
geaisons faiēt de l'excrement du nourris-
des gen- sement du nerf, de la tierce con-
cives. iugation, lequel est inseré à la ra-
Hippocr. cine de toutes les dents. Et quād
au 25.4. ilz deuient plus aagez, il se
phori du faiēt des inflāmatons aux amig-
3.liure. dalines, & glandules q̃ les Grecz
περί- nomment περίστυμα, ou ἀνιά-
στυμα. des: les Latins Tonsillæ qui sont
ou ἀν- des deux costez du destroiēt en-
νιάdes tre la bouche: & l'oefophagus, à
Tonsilla. la racine de la langue. Et pourtāt

pour y remedier, il fault doulce-
ment oingdre & frotter avec les
doigts, assez longuement, les vl-
ceres, & meſme les genciues, de
greſſe de poulle, de ceruelle de *Greſſes*
Lieure, d'huyle Camomille avec *propres*
du miel, ou de la Terebenthine *à guarir*
meſlée avec du miel. Finablemēt *les vlce-*
il fault bouillir de la Camomil- *res & de*
le, & de l'Anet dedans de l'eau, *mungeai*
puis verſer icelle eau moyenne- *ſons des*
ment chaulde, d'assez hault, sur *genciues*
la teſte de l'enfant.

Du flux de ventre. Chap. II.

TOutes fois & quā-
tes qu'il ſuruient à
l'enfant vn flux de
ventre, q̄ les Grecs
nōment *Διάρροια*, *Διάρ-*
les Latins Alui profluuium: Pre- *ρροια.*
nez de la ſemēce de Roſes, qu'ils *Alui pro*
appellēt Anthera, du Comin, de *fluuium.*

l'Anis, & de la semence de Persil, & le tout pilé, & reduict en

Empla- forme d'Emplastre, mettez le sur
stre pour le ventre de l'enfant. Que si le
le flux flux de ventre ne s'arreste point
de vêtre pour cela : Prenez de la presure
Bruage de cheureau, le poix d'un obole,
pour le c'est à dire autant que poise la
flux de sixiesme partie d'une drachme,
ventre. ou un peu davantage, & le donnez à boire à l'enfant, avec de l'eau froide, & pour tout ce iour la, donnez vous garde qu'il ne soit alaieté, à celle fin que le lait ne s'assemble, & congele dedans son estomach : mais ce pendant vous luy dōnerez à mager quelque iaulnes d'œufs moyenne-
Pain de mēt cuict, ou du pain de seigle,
seigle. cuict en de l'eau, ou de la bouillie faicte aussi de fleur de seigle, cuicte avec de l'eau.

Dauantage si la matiere que rend *Que c'est*
 l'enfant est iaulne, donnez à boi- *qu'il*
 re à l'enfant du syrop Rosat, ou *faulx fai*
 du syrop faict de pommes sauua *re quand*
 ges, ou de Grenades, meslé avec *la matie-*
 vn peu d'eau de mente. *re de l'en*

Voicy vn autre remede: Prenez *fant est*
 du fromment broyé, & pilé avec *iaulne.*
 de l'eau, & le coulez par vn lin- *Bruuage*
 ge: puis estant meslé avec du sy-
 rop violat le poix d'vn obole, du
 Spodiū (qui est de l'yuoire brus-
 lé) le poix d'vn scrupule, & de la
 noix de Galle vne drachme &
 demie, baillez à boire à l'enfant
 le tout meslé ensemble.

Autrement: Prenez de la semen-
 ce de Parelle, & la donnez à man-
 ger à l'enfant, avecques le iaulne
 d'vn œuf frit.

Item: Prenez de la noix de Galle, *Emplai-*
 & la puluerisez, puis la faictes *stre.*

cuire en de l'eau, & avec icelle eau y ayant mis de la farine d'orge, ou de Millet: faiâtes en vn Emplastre, & le mettez sur le ventre de l'enfant.

Pessaire Que si tout cecy n'y profite en
pour ar- rien: prenez de l'Acacia, & de
rester le la Ceruse, d'un chacû vne drach-
flux de me, de l'Opium vne obole, du
ventre. Sucre vne drachme, & le tout
 meslé ensemble, faiâtes en vn
 pessaire de la lōgueur d'un doigt
 & demy, & de la grosseur d'un
 tuyeau de plume, & le mettez

Que c'est dedans le fondement de l'enfant
qu'il faut car il arrestera le flux de ventre.

faire Outre plus si la matiere fecale de
quād la l'enfant est blanche: Prenez de
matiere la noix muscate la huiâtiesme
de l'ésât partie d'une drachme, & estant
est blan- meslée avec du suc de coings, &
che. avec vn scrupule d'Encens blâc,

donnez cela à boire à l'enfant. *Breuage.*
 Autrement, prenez vne vnce de *Empla-*
 Saffran, vn quarterõ de Myrrhe, *stre.*
 le tout meslé avec du vin blanc,
 & reduit en emplastre, mettez
 sur le ventre de l'enfant.

Autrement, prenez de la farine *Autre*
 d'orge, & la meslez en du suc de *emplast.*
 Plantain, y adioustant vn peu de
 vinaigre, & estant reduict en for
 me d'emplastre, mettez sur le
 ventre de l'enfant.

Autrement, prenez du suc de ce- *Autre.*
 ste herbe, qu'on nôme Renouée *emplast.*
 ou Corrigiole, & le blanc d'un
 œuf, avec de la poudre de Roses
 de Prouëce, de la poudre Hema-
 tite, du Mastich, de l'encens, du
 Boliarmeni, du sang de Dragon,
 & de l'escoffe de Grenade: le tout
 estant broyé & meslé ensemble,
 & reduict en emplastre, appli-

Baing. quez le sur le ventre de l'enfant. Pareillement il est bon, & profitable de lauer l'enfant, dedans de l'eau, en laquelle ayent bouilly des Roses purpurées.

Emplastr. Autrement, prenez du suc de cōsire, autrement dictē oreille d'Asne, du suc de Plantain grand & petit, & mettez avec iceux du mortier, ou du plastre prins en vn vieux four, pilé bien menu, & le tout reduit en emplastre, mettez le comme dessus.

De la dūreté, & astrictiō du ventre. Chap. III.

*Remedes pour es-
mouuoir le ventre
de l'esfat.*



QUE si le ventre de l'enfant (au contraire de ce qu'auons dit cy dessus) vient à s'endurcir & se serrer, & ne peult aller à la selle, il faudra faire vn suppositoire de miel, de la grosseur d'vn tuiēu

de bled, mis en double, & de la La cõpositi
longueur du petit doigt, il con- tion des
viendra donc premieremēt cui-supposi-
re le miel, iusques à ce qu'il se toiresfais
puisse durcir, & consolider, & le de miel.
suppositoire estant formé & tré-supposi-
pé en huyle, vous le mettrez de- toiresfais
dans le siege de l'enfant. Il s'en de racine
pourra faire aussi de racine de de choux
choux, de Ioutte, ou de la racine de ioutte
de Glayeul, ou Flambe, de mes- ou de Flā
me grosseur, & longueur, & tré-be.
pée en telle façon que dessus. Manger
Pareillement aussi il est bon de du miel.
doner à l'enfant du miel, la gros- Oindre le
seur d'un poys, & luy oindre dou corps de
cement le corps, en le frottant huyle.
de laine trempée en huyle, ou Appliq̃r
mettre sur son nombril du fiel sur le nō-
de bœuf enuelopé en de la laine. bril du
Séblablement si la nourrice ayāt fiel de
pris medecine, pour esmouuoir bœuf.

Si lanour son ventre, le iour en apres, elle
rice aſs donne à teter à son enfant, cela
auoir luy sera profitable.

prins me- Autrement : Prenez vne demie
decinedō drachme de crottes de Souris, &
ne à te- la meſlez avec de la gresse de Ro
ter à l'ē- gnons de boucq, puis en faiſtes
fant, vn ſuppositoire, de telle meſure
Supposi- que deſſus, & le mettez au fon-
toire fait dement de l'enfant.

decrottes Autrement : Prenez des fueilles
de souris de Maulues & Guymauues, d'un
et gresse chacū vn manipule, du Fenigrec,
de bouc. & de la ſemence de lin vn mani-
Emplaſt. pule d'un chacū, des Biſmaulues
pour es- deux vnces, & dix figues, le tout
mouuoir eſtant cuiſt en de l'eau iettez le
le ventre dedans vn mortier, & le pilez, &
 quand il reſemblera de forme à
 de la bouillie: adiouſtez y du beur
 re, & de la gresse de poulle, deux
 vnces, & vn ſcrupule de Safran,

& ayant fait vn Emplastre de tout cecy, & l'ayât mis sur vn linge espais, tenez le chaudement sur le ventre de l'enfant par l'espace d'un iour & d'une nuit.

Que si cela n'esmouue point le *Liqueur* ventre: prenez vne drachme de *pour ap.* Aloës, de l'Ellebore blâc & noir, *pliquer* d'un chacun quinze grains; le *sur le nô* tout puluerisé, & meslé avec *bril de* trois cuillerées de suc d'Yeble, *l'enfant.* ou du fiel de bœuf, & ayât trempé de la laine en icelle liqueur: mettez en la largeur d'une paulme de main sur le nôbril de l'enfant, & ainsi le liez.

Autrement: Prenez du suc d'Ye- *Empla-* ble, & de la fole farine (ou mari- *stre.* uolle qu'ils appellent) & en faites de la bouillie, estant cuitte: mettez la en forme d'Emplastre sur vn linge bien espais; & l'ap-

pliquez sur le nōbril de l'enfant,
& au deſſoubs: en telle ſorte que
il ne touche poit ſur l'eſtomach.

sachet, Autrement : Prenez deux mani-
pour ap- pules de Roſes rouges, & purpu-
plier rées, & les ayant miſes dedans
ſur l'eſto vn petit ſachet, large de quatre
mach de doigts, faiçtes le bouillir en de
l'enfant. l'eau (en laquelle les mareschaux
& ferruſiers eſtaingnent leur fer
chaud) y adiouſtant vn peu de
vinaigre. Puis le ſachet eſtant
eſpraint, mettez le ſur l'eſto-
mach de l'enfant.

Du beur Autrement : mettez du beurre
re miſ ſur fondu dedans vn petit creuſet,
le nōbril ou dedans vn gobelet, & le liez
& ſur ainſi ſur le nombril de l'enfant.
tout le Combien que tout le ventre e-
ventre. ſtant frotté & oingt de beurre,
proffitera auſſi grandement à ce
remede.

Des Conuulsions. Chap. IIII.



IL aduient quel-σπασ-
ques fois que l'en-μός, id
fant soit tormenté est Con-
de conuulsion, que uulsio.
les Grecs nommēt

σπασμός, & les Latins Conuul-Que cest
lio, qui est vne passion quand les que Con-
nerfs, & les muscles se retirent, uulsion.
& reserrent oultre la volonte, &
demeurent en telle disposition
& estat, qu'ils ont prins, quand
ils se mouuoient selon le vou-Galiē au
loit de la personne. Ou comme 2. liu. ch.
definit Galien: Conuulsion est 2. des
celle qui contraint les nerfs & causes
muscles de demeurer en telle des sym-
maniere qu'ils estoient, estants ptomes.
conduicts par la faculté animale Trois es-
quand ils gardoient leur naturel peces de
mouuement. D'icelle maladie il Conuul-
y à trois especes. sion.

1. Τέλα. La premiere nommée Τέλας, *ros*, id est Distentio, quand le col ne se peut Distétio. mouuoir, n'y d'un costé n'y d'autre.

2. ἐμ. La secõde est dictée ἐμπροσθόλω-
 τω προσθό *ros*. Tensio ad anteriora : quand
 λωρος, id la teste, le col, & le reste du corps
 est Tensio est serré, & retiré à la poitrine.
 ad ante- La troisieme espeece est appellée
 riora. des Grecs ὀπισθόλωρος, Tensio ad
 3. ὀπισ- posteriora: quand la teste est ser-
 θόλωρος. rée contre les espaulles. La con-
 id est 1^e uulsion donc s'engendre le plus
 sio ad po souuent aux petits enfans, de
 steriora mauuaise digestion, ou conco-
 Commēt ction : ou pour l'imbecilité de la
 c'est que faculté attractiue, & principale-
 la Cōuul ment à ceux qui sont gras, &
 sion. s'en mouuants.

engendre Pour remede à cecy, il faudra
 aux pe- oingdre l'enfant d'huyle de Lis,
 tirs en- des deux sortes. Et si le Spasme,
 fants. ou Con-

ou Conuulsion, prend l'enfant, *il fault*
 alors qu'il demene les mēbres: *oindre*
 comme quād il estant, & remue *l'enfant*
 les pieds, & les mains (comme *d'huyle*
 on à accoustumé de faire estant *de Lis.*
 oisif & pensant ailleurs) il faul-
 dra lauer l'enfant, & le baigner *Baing.*
 en de l'eau, dedans laquelle ayt
 bouilly du Bouillon blanc, ou
 l'oindre d'huyle Violat, & d'huy-
 le d'Amandes douces meslées
 ensemble. Que si l'enfant à gran-
 de chaleur, il le faudra oindre *Ointion*
 simplement d'huyle d'oliue, ou
 d'huyle violat, meslée avec vn
 peu de cire vierge, & couler aus-
 si de l'huyle violat sur la teste.

*De la Toux, & de fluxion de
 cerueau. Chap. v.*



Vcunesfois aussi sur-
 uiennēt aux enfans des
 toux vehementes qui

les tormentent: il leur descend
 aussi des fluxions & distillations
 d'humeurs de la teste dedans le
 nez, dedans la bouche, & en la
 poictrine. Et quand cecy leur sur-
 uient: il faudra les guarir par les
 remedes qui s'ensuiuent.

Infusion Premièrement iettez de l'eau
d'eau sur chaulde sur la teste de l'enfant,
la teste d'assez hault, par l'espace de de-
de l'en- mie heure, en gressant ce temps
fant. pendant sa langue de miel.

Pour pro Et puis ayant doucement mis le
uoquer doigt, ou quelque autre chose
le vomis- sur sa langue assez auant pour le
sement. faire vomir, alors l'enfant vomi-
 ra & crachera les humeurs espais-
 ses, & visqueuses qui luy cau-
 soient le mal, & ayant faict cela

Medeci- il sera guarý.

ne contre Autrement: Prenez de la gom-
la toux. me Arabe, de la gomme Adra-

ganth, de la semence de Coings, du suc de Reyglisse, & du sucre candy, & le tout broyé ensemble, donnez en tous les iours vn peu à manger à l'enfant avec du laiët fraits tiré.

Autrement: Prenez des Amâdes *Brunage* douces, & les pelez premierement, puis les broyez en vn mortier, & les faiëtes bouillir avec de l'eau, & du suc de fenoil, & donnez à l'enfant de ceste deco- *L'eau de* ction à boire soir & matin. *fenoil est*

L'eau de fenoil meslée avec du *bône con* laiët, & beuë, est aussi grande- *tre la* ment profitable. Que si la toux *toux.*

à deseché & rendu aspre le pa- *Electuai* lis, & la langue de l'enfant. *re fort*

Prenez de la semence de coings *propres* deux cuilletées moyennement *tre la* broyées, & les laissez reposer en *toux se-* de l'eau chaulde, par deux ou *che.*

trois heures, & ce pendant oster
 en l'escume, & toute l'humidité
 visqueuse, puis le reste estant es-
 praint, avec du sucre candi, &
 de l'huyle d'Amandes douces,
 vous le ferez frire dedans vne
 poile, & ainsi le reduirez en Ele-
 ctuaire: & le donnerez à manger
 à l'enfant. Et si l'enfant avec la
 toux auoit grande chaleur, mel-
 lez avec c'est Electuaire du suc
 de Grenade douce.

Cōtre la Pareillement contre la Toux, &
toux & chaleur: Prenez du Pauot blanc,
chaleur. & de la gomme Adragāth deux
 drachmes d'un chascun, de la se-
 mence de Courge quatre drach-
 mes, le tout bien pilé, & melle
 avec de l'eau, en laquelle ayent
 bouilly des raisins confits: Puis
 les donnez à manger à l'enfant.

Raisins Autrement: Prenez des raisins

confits, & en ayāt osté la semen- *confits*
 ce, faictes les bouillir en vn cho- *propres*
 tron, ou dedans vne poile de *contre la*
 fer: en telle maniere toutesfois *toux, &*
 qu'il n'y ayt rien bruslé par le feu *chaleur.*
 qui pourroit surpasser. Et les
 ayant osté hors du feu, pilez les
 bien dedans vn mortier, puis y
 meslez du sucre candi, & en dō-
 nez à mager à l'enfant au soir &
 au matin la grosseur d'une noix.

Derechef si la toux prouenoit *Quād la*
 de matiere froide:prenezvn peu *toux pro*
 de Myrrhe broyée, & meslée a- *uient de*
 vec du miel, & vn peu d'huyle *matiere*
 d'Amandes douces, & le baillez *froide.*

à l'enfant. Dauantage il fault aus-
 si que la nourrice euite toutes les *Les cho-*
 choses qui esmeuent & engen- *ses qui*
 drēt la toux: comme le vinaigre, *peuvent*
 les viandes trop salées, les noix, *engēdrer*
 & tout ce qui est aigre. Elle doit *la toux.*

aussi oindre la poictrine de l'enfant, de beurre.

Electuai Autrement contre la toux: Pre-
re liqui- nez des raisins confits, & estans
de, frits dedans vne poille broyez
 les, & puis y adioustez autant de
 sucre candi, avec vn peu d'huy-
 le violat, & en faictez vn Electu-
 aire liquide, & en donnez à l'en-
 fant la grosseur d'une noyille.

De la difficulté de respirer.

Chapitre. VI.

Νόστος L aduient aussi pareillement
Νόστος I aux enfants vn mal q̃ le Grecs
ια ὀρθό- nomment *Δύσπνοια*, ou *ὀσθό-*
πνοια *πνοια*, ou *Ἀσθμα* (qui est vne dif-
Ἀσθμα ficulté de respirer, & auoir son
 halaine, ou vne continuelle respi-
 ration sur respiration: comme
 cōmēt la quand vn cheval est poulis) ce
 difficulté qui se faict pour l'esmotion des
 de respi- humeurs aux parties interieures,

ou pour la frigidité & pituité ré-*rer sur-*
plissant, & empeschant les arte-*niēt aux*
res des poulmons. Pour subue-*enfants.*
nir à ceste passion : Prenez de la
semence de lin, & estant broyée
meslez la avec du miel, & la don-
nez à lenfant. Que si le mal aug- *Quād le*
méte, & que le Diaphragme soit *Diafrag-*
empesché, oignez luy souuent, *me ou se*
& lōguemēt les oreilles & ce qui *pu trās-*
est antour d'icelles, d'huyle, & la *uersum.*
langue aussi, affin de le prouo- *est empes-*
quer à vomir. Dauantage mettez *ché, il*
luy en la bouche de l'eau chaul-*faulcyser*
de: & luy donnez à menger en *d'unctiō.*
forme d'Electuaire, vn peu de se- *Electuai-*
mēce de Lin puluerisé & meslée *re.*
avec du miel.

Autrement, prenez de l'herbe à
cotton, ou de ces petites graines
qui se trouvent enucloppées de
dās la laine, icelles pilées & mes-

lées avec des i'aulnes d'œufs fricassez, baillez les à manger à l'enfant.

Aucune. Que si avec la difficulté de respiration il survenoit vn flux de ventre, niét avec donnez luy à manger du Syrop la diffi- myrtin cuit avec du miel, ou des culté de Dactes cuites avec du laiët, & de respirer la farine de fromment.

vn flux de ventre. Des vlcères au dedans de la bouche. Chap. VII.



Atteint aux enfants il survient des pustules, & petits vlcères par tout le dedans de la bou-

che, qui s'appellent des Grecs *Αφθαί* ce sont *pe Αφθαί*: Icelles s'engédrent pour l'acrimonie & aigreur du laiët de la nourrice: aux petits enfants viennent mesmement qui ont la bouche au dedans & la langue si tendre & si molle,

qu'encores qu'elle soit rouchée *dela bou*
bien-doucement, ellè est toutef- *che.*

fois offensée. Elles viennèt aussi *Commèt*
quād l'enfant ne digere pas bien *ces vlce-*
iceluy laiët. Et pourtant il est dā- *res s'engē*
gereux de donner aux enfans du *drèt aux*
laiët aigre & corrōpu. Car d'icel- *petits en-*
les pustulles y en à qui ne sont *fants.*

point meures, & sont noires:cō- *Les pu-*
me vne crouste de pain, & sont *stules noi-*
le plus souuent dangereuses, & *res sont*
mortelles, les Barbares nommèt *dāgereu-*
ceste douleur Alcola. *ses, &*

Les autres qui sont comme blā- *mortelles*
ches, & rouges ne sont pas si ma- *Alcola.*

lignes & se guarissent ainsi. Pre- *Commèt*
nez des Violettes pilées & les *c'est que*
mettez en la bouche de l'enfant, *les pustu-*
ou biē prenez des Violettes, des *les blan-*
Roses, & le tout pilé ensemble *ches, &*
soit mis sur les vlceres. *rouges se*

Autremēt, prènèz du suc de Lai- *Guarissèt*

étue, du suc de Morelle, & du suc de Pourpier, le tout meslé ensemble soit mis sur les pustules de l'enfant.

Commēt Que si lesdictes pustules, ou pe-
il fault tits vlceres deuenoient noires,
guarir adioustez aux choses dessusdi-
*les vlce-*ctes de la Reyglisse puluerisée.
res noi- Dauantage si elles estoient humi-
res. des: Prenez de la Myrrhe, de la

Commēt noix de Galle, & de l'escorsie
il fault d'encens, & de tout cecy, bien
guarir pilé & meslé ensemble, frottez
*les vlce-*en la langue de l'enfant.

res hu- Autrement: Prenez du suc de
mides. meures aigres, ou du suc de rai-
 fins non meurs, qu'on appelle
 Aigrest, ou Vert-ius, & d'iceluy
 frottez en les vlceres.

Il sera bon aussi les lauer, & net-
 toyer de vin: & puis esandre
 dessus icelles, de la pouldre de

noix de galle, & d'escorſſe d'encens. Que ſil vous plaist vſer de remedes plus forts : Prenez du *pouldre*. Boliarmeni, & de l'escorſſe de Grenade, d'un chacun trois drachmes, & de la noix de Galle deux drachmes, de l'Alun vne drachme le tout pilé & paſſé par vn crible, eſpâdez de ceſte pouldre ſur les puſtules.

Oultre plus ſi elles ſont rouſſes, *Commēt* & comme Rouges, & qu'elles il *faul-* rempliſſent la bouche de beau-*dra* *gua-* coup d'eaux : il conuiendra à la *rir les vl* nourrice vſer de viandes froides *ceres* & humides, & puis ayât maſché *rouſſes* des Lentilles les mettre dedans *hu-* la bouche, & ſur la lāgue de l'en-*mides.* fant. Pareillement auſſi il eſt bon d'y mettre de l'Amylum bien broyé & pilé menu, meſlé avec de l'eau Roſe.

Il sert aussi grandement d'vser du suc de Grenade, du suc de coings, ou du suc de pommes aigres, l'appliquant sur la langue de l'enfant.

Commēt De rechef si les vlceres sont cō-
il fault me iaulnes, il fault aussi mesler
guarir avec les sucz dessusdictz du suc
les vlce- de laiētue, & du suc de Pourpier.
res iaul- Finablement si elles sont blan-
nes. ches. Prenez de la Myrthe, & du
Commēt Saffran de chacun vne drachme,
il fault & du sucre blanc deux drach-
guarir mes, & le tout estant bien pul-
les vlce- uerisé appliquez en sur les pe-
res blan- tits vlceres de l'enfant.
ches.

*Des vlceres au dehors de la
 bouche. Chap. viii.*

La cause **P**OUR la durté du bout des
des vlce- mammelles de la nourrice, il
res qui se faiēt quelquesfois que les leb-
viennent ures, & la bouche de l'ēfant sont

ulcerées, & comme fendues : ce au de-
qu'il fault ainsi guarir. Prenez de hors de
la laine escardée & estant mouil- la bou-
lée, & trempée dedans du suc de che de
Plantain, ou en du beurre fraitz, l'enfant.
ou en de la gresse fresche de Remedes
poule, le tout estant chauld oi- aux vlce-
gnez en les lebures, & la bouche res qui
de l'enfant. viēnēt au

Des humiditez des oreilles. dehors

Chapitre IX. de la

Q Velquesfois aussi aux pe- bouche.
tits enfants il aduient des D'ou pro
humiditez aux oreilles, ce qui cedēt les
se faiēt coustumierement pour humidi-
la grande abundance d'humeur tex des
qui est par tout leur corps, & oreilles
principalement au cerueau. Par- qui vien
quoy il fault ainsi guarir ce nēt aux
mal. Prenez de la laine & la trē- petits en
pez en du miel melle avec du fants.
vin rouge, & de l'alū broyé avec Remede

ôte les vn peu de safran. Et d'icelle lai-
humidi- ne faictes en comme vn pessai-
tez des re, & le mettez dedans les au-
aureilles reilles de l'enfant, & quād la lai-
 ne aura attiré l'humeur, & ordu-
 re qui est aux oreilles, ostez la, &
 y en mettez d'autre toute fres-
Humidi- che. Que si l'humeur qui sort des
te putre- aureilles est putresié, & purulēt,
fiée & & rend de la sanie. Prenez du
purulen- miel cuiēt, & estant meslé avec
te. de l'eau coulez le dedans les au-
 reilles. Ou prenez de la noix de
 Galle broyée, & meslée avec du
Remede vinaigre: appliquez la cōme des-
à la dou- sus. Dauantage si la douleur des
leur des aureilles prouenoit de vents
aureilles froids il faudra cuire de l'Origā,
qui pro- ou de la Myrrhe avec de l'huyle
nient de d'oliue, & la couler tiede dedans
vents les aureilles.
froids.

*Des Apostumes du cerueau.**Chapitre. X.*

S'il suruient au petit enfant quelque Apostume prouenât de chaleur au cerueau (comme il se faiët aucunesfois) & qu'acause de ce la gorge, ou les yeulx luy fassent mal, & que la veuë de l'enfant commence à pallir ou à rougir, alors il fauldra vser de medicamēts qui rafraichissent, & humectēt le cerueau en telle sorte.

Prenez du suc d'yne Courge, du Remede
 suc de Morelle, & de pourpier, cōtre les
 & ayāt avec iceux meslé de l'huy Apostu-
 le Rosat, trépez y de la laine, puis mes du
 la mettez sur la tēste de l'enfant, cerueau
 & quand icelle laine sera seche, proue-
 Prenez en d'autre bien trempée, nants de
 & la remettez au lieu. *chaleur.*

De l'enflure des yeulx.

Chap. XI.

POur guarir l'efflure des yeulx:
 Prenez du Lycium (c'est vne
 espeece de suc) & iceluy meslé a-
cōtre les uec du laiēt de femme, mettez le
enflures sur les yeulx, & le liez de quelque
des y- linge deslié : & puis lauez les
eulx. yeulx avec de l'eau en laq̃lle ayt
 bouilly de la Camomille, & du
 Basilic. Que si pour l'enflure les
 yeulx n'en sont point plus rou-
 ges, n'y le front enflâmé: Prenez
 de la Myrrhe, de l'Aloës, du Saf-
 fran, & des fucilles de Rosier, &
 le tout meslé ensemble en du
 vin vieulx, liez le sur les yeulx a-
 uec quelque linge bien deslié, &
 mettez dedás les narcaux vn peu
 d'Ambre gris meslé avec du laiēt
 de femme.

De la chassie des yeulx. Chap. XII.

*D'ou pro-
 cede la*

COntre la chassie des yeulx,
 qui aduient le plus souuent

aux enfans de trop pleurer, il *chassie* leur fault distiller du suc de Mo-*des yeux* relle dedans les yeulx. Et si d'ad-*aux en-* uétude pour ceste mesme cause, *fants.*

les venes des yeulx debuenoient Le *suc de* rouges, galeuses, & enflées: il Morelle faudra de ce mesme suc de Mo-*est pro-* relle oingdre les yeulx. *pre cōtre*

Des Fieures, & chaleurs immo- lachassie
derées. Chap. XIII

SI à l'enfant suruiennent des Chaleurs immodérées, & contre nature, & comme vne petite fiebre diète des Grecs *ἐφ' ἡμέρα ἐφ' ἡμέ-* des Latins Diaria febris. Il faut *pa, id est* dra premierement commencer Diaria par la nourrice, & luy faire man-*febris.* ger viandes froides & humides: Premiere puis faudra donner à l'enfant du *ment il* suc de pomme de Grenade, de *fault cor* l'eau de Courge, le tout meslé a-*riger la* uer du sucre, & vn peu de Cam-*nourrice.*

il faut phre. Il sera bon aussi de faire
faire suer suer l'enfant. Autrement: Prenez
l'enfant. de la farine d'orge, & avec du suc
Emplast. d'Absince, du suc de Plantain, de
 Maulues, & de Ioubarbe, le tout
 estant ensemble mēslé faiçtes en
 vn emplastre, & l'appliquez sur
 la poictrine de l'enfant.

Onction. Autrement: oignez le front de
 l'enfant d'huyle Rosat, avec vn
 peu d'vnguēt Populeon, sembla-
 blement oignez les tēples, & les
 bras, & les mains à l'endroiçt ou
 bat le pouls de l'Artere, & les
 pieds à l'entour des talons de ce
 mesme vnguent.

Emplast. Item, Prenez de la farine d'orge,
 des Roses seches, & reduiçtes en
 pouldre, & meslez le tout avec
 de l'eau de Rose, & de l'eau d'En-
 diue, & en faiçtes vn Emplastre
 & l'appliquez sur le corps de l'en-

fant. Dauantage toutesfois & Baing.
 quantes qu'on le voudra lauer,
 qu'il soit lau   en de l'eau   edans
 laquelle ayt bouilly medicam  ts
 qui rafraichissent, comme Lai-
   ue, Pourpier, Endiue, Epatique,
 Plantain, & autres semblables.

Des Trench  es du ventre.

Chap. XIII.

τρίφοι

Sil'enfant ha des trench  es de id est Tor-
 v  tre, que les Grecs n  ment *mina* ce
τρίφοι, & les Latins Tormina, sont tren-
 qui sont douleurs des intestins ch  es de
 fort vehementes, & aspres pour ventre.
 la reuolati   de la matiere, & des O  u vi  
 ventositez (ce qui se cognoist   nent les
 l'enfant, quand il pleure fort & tr  chees.
 souu  t, & se tourne d'un cost   sur A quoy
 l'autre) il faudra entretenir son on con-
 ventre y mett  t dessus de la laine gnoist q
 tremp  e en eau chaulde, huyle & l'enfant
 vn peu de cire m     ensemble.    des tr  

Q ij

ch  es.

Du corps enflé. Chap. xv.

Contre l'enflure du corps
Contre la douleur de teste.

ET si l'enfant ha tout le corps enflé, ou seulement quelque partie d'iceluy: Prenez les cymes ou extremité de Suseau, & de Yeble: & estans cuites en du vin blanc, enueloppez en l'enfant: principalement fil n'ha point grand chaleur. Et si avec grande douleur de teste, le ventre est aussi pareillement enflé: Prenez de la Myrrhe, de l'Aloës de l'Epatique & du saffran, & le tout broyé ensemble meslez le avec du iust de febues: Et l'appliquez sur la teste de l'enfant.

De l'esternuement continuel.

Chap. xvi.

IL aduient quelquesfois aux enfants vn esternuement conti-

Apho. si nuel qui les torméte: ce qui produ 7. lin. uient (comme dit Hippocrates)

du chef, le cerueau estât eschauffé, ou quand la partie vuide du *La cause* chef, & ventricules du cerueau, pour- ou toute ceste capacité enuiron- *quoy* & nant le cerueau, est humectée. *comment* Car alors l'air retenu, & enfer- *on ester-* mé dedans, sort violentemēt de- *nue,* hors. Et en sortant il faiēt son, pource q̄ la sortie est estroicte. Tout esternuement ne se faiēt pas par le cerueau eschauffé mais seulement celuy qui prend son commencement d'esmotion du cerueau nature appetant chasser hors, & repoulsier ces esprits flatueux & venteux. Si donc l'e- *Esternue* sternuement procede d'Apostu- *ment pro* me du cerueau, il faudra appli- *cedent* quer sur la teste de l'enfant cho- *d'apostu* les qui rafraichissent, soient huy- *me du* les ou vnguens; ou suc, ou au- *cerueau.* tres semblables. Que s'il prouiēt

DIVERS TRA. ET

d'vne autre cause que d'Apostu-
me, Pilez du Baselic soit sec ou
verd, & le mettez dedans les na-
reaulx de l'enfant.

Esternue Que si ce mal commençoit à ve-
ment qui nir avec chaleur, & que les yeulx
vient a- de l'enfant semblassent estre cõ-
uec cha- me retirez au dedans: alors met-
leur. tez sur la teste des fueilles de

Pourpier, ou quelques pieces
terues de Courge avec de l'huy-
le Rosat, & de la farine d'orge, y
adioustant aussi vn iaulne d'œuf.

De la Rougeolle & verolle,

Chap. XVII.

Des fron **A** V X petits enfans suruien-
cles les nent souvent pustules & pe-
vns sont tits boutons vlcereux; comme
Rougeolle, & verolle, frõcles,
noirs, & autres qui viennent par tout
sont mor- le corps, dõt les noires sont mor-
tels. telles, & encores plus dangereu-

ses si elles sont en grãd nombre.
 Mais si elles sont blanches, elles
 sont moins à craĩdre, & l'enfant *Les au-*
 en peult aysement guarir. Autãt *tres sont*
 si elles sont rousses: Parquoy pre *blancs,*
 nez des fueilles de Roses rou- *& moins*
 ges, des fueilles de Meurte, & de *à craĩdre*
 Tamarisc, & les faićtes bouillir *Les au-*
 en de l'eau, & trempez vn linge *tres sont*
 dedans icelle eau, puis les met- *rousses.*
 tez sur les pustules de l'enfant.

Pareillement il est bon d'oindre *Onction.*
 l'enfant d'huyle Rosat, d'huyle
 de Meurte, & de Tamarisc.

Que si les pustulles deuiennent
 blanches ou rousses, laissez les
 premierement meurir, & apres
 qu'elles seront venues en matu-
 rité, alors mettez y remede.

Et quand elles suppureront, &
 rendront de la bourbe & seront
 ouuertes, il les fauldra oingdre

*Vnguent
de Ce-
ruse.*

d'vnguent de Ceruse. Il sera bon aussi de lauer ces petites vlceres d'eau myelée (dicté Hydromel) en laquelle soit meslé du verre pilé bien menu. Je n'ignore pas qu'Avicéne n'ayt escrit plusieurs remedes pour c'est vsage, lesquels si quelqu'un ha desir de sçauoir, les apprendra de luy. Car pour la briefueté de nostre liure, il nous suffira d'escire vn remede ou deux, & ce qui semble estre le plus expedient.

*Des Tumeurs, & inflammations
des aines, & des testicules.*

Chap. XVIII.

AV reste il suruient aucunes fois aux enfans, de trop pleurer, des tumeurs, & enflures à lentour des aines, & en l'intérieure partie des cuisses: aucunes fois aussi ils se rompent, & ce

mal est appellé des Grecs *βυβω-βυβω-ροχήλη*, des Latins *Ramex*, *Hernia*, *Ruptura inguinis*. Contre *id est*, *Racécy*, prenez de la seméce d'*Am-mex*, *hermi* pilée & meslée avec vn iaul-*nia*, *Ru-ne* d'œuf, & l'appliquez sur la tu-*ptura in-*ment ou rupture : & puis liez le *guinus*. tout de quelque linge deslié.

Ou si vous aymiez mieulx, Pre-*Emplast.* nez des lupins broyez avec du vin, y adioustant de la Myrrhe, & le tout estant bien cuit & re-*duit* en Emplastre, mettez le sur la partie blaisée. Autrement: *Liqueur* Prenez de l'Alun quinze drach-*propre* mes, de la noix de Galle vnze *pour ap-*drachmes faiétes bouillir le tout *pliquer* (bien puluerisé) avec du vin rou-*sur la ru-*ge, iusques à ce qu'il deuienne *pture*. espais, puis mettez ceste liqueur sur la rupture, & par dessus la li-*queur* queur faudra aussi mettre vne

esponge trempée dedás du vinaigre & de l'eau, & la renouveler souvent. Combien que vous pourriez mettre icelle decoction cuicte avec de la colle (faicte de Rognures de cuir) dessus du linge, puis l'appliquer sur la partie offensée, & la renouveler toutesfois & quantes qu'elle coulera.

De l'enflure du nombril.

Chap. XIX.

IL aduient pareillemēt aux enfants des tumeurs, & inflammations au nombril principalement vn peu apres qu'il à esté coppé. Cōtre icelle enflure: prenez du Nardus Gauloys, & y adioustant de l'huyle de Iugioline, avec de la Terebenthine faictez cuire cela aupres du feu: Puis dedans icelle decoction trempez y

*Contre
l'enflure
du nom-
bril.*

de la laine de la grosseur du petit doigt, & la mettez dedans le nombril du petit enfant. Mais si le nombril de l'enfant estoit enflé par trop pleurer, ou toussier, ou pour s'estre laissé cheoir, ou pour auoir receu quelque coup, pour y remedier Prenez des Lupins, & de la pouldre faicte de quelques linges vieulx, & nettes, bruslez le tout meslé en du vin rouge, tremperez y dedans des estoupes de chanure, & les mettez sur le nombril de l'enfant.

Des veilles. Chap. XX.

La cause

Quand les enfants ne peuvent dormir pour les vapeurs acres, & poignantes montans en hault, dont leur cerueau se deseché: ce qui leur aduient quand le laiët qu'ils ont prins se corrompt au ventricule.

pour-

quoy &

comment

les en-

fants ne

peuvent

dormir.

Cōtre les veilles. Prenez des cymes, ou des bour-
ses (qu'on appelle de Pauot) avec
sa semence, & y adioustant de
l'huyle de Laiētue, & de l'huyle
de pauot, mettez le tout sur le
front de l'enfant & sur ses tem-
ples, puis le liez de quelque ban-
Le laiēt de la nourrice corrompu. deau. Que si l'enfant ne peut
dormir pour la corruption du
laiēt de la nourrice. Prenez de
l'huyle violat avec vn peu de
vin-aigre, & le coulez dedans les
narcaux de l'enfant.

Onction. Ou autremēt, Prenez de l'huyle
Rosat, meslé avec du iust de Lai-
ētue, & en oignez la teste de l'en-
fant, & son estomach. D'autre
part mettez soing & diligence
que le laiēt de la nourrice soit
rédu meilleur. Vn autre remede.

Onction. Prenez du syrop de Pauot avec
vn peu de semēce de Pauot blāc

broyée, & la donnez à manger à l'enfant, & luy oignez le front & les temples d'huyle violat dedés laquelle y ayt vn peu de Saffran, & d'Oppium.

Du Hocquet. Chap. X X I.

Contre le Hocquet : Prenez de la noix d'Inde, & estant broyée & meslée avec du sucre, D'ou pro-
 donnez à manger à l'enfant: Mais *vient le*
 à cause que le Hocquet *provient* *hocquet.*
 de repletion, ou de trop gran- *Aphorif.*
 de evacuation (comme dit Hip- *39. du 6.*
 ocrates, c'est à dire de trop m^a- *liure.*
 ger, ou d'endurer trop grande *Empla-*
 tain & inanition d'Estomach: *stre pro-*
 Toutesfois & quantes qu'il pro- *pre cõtre*
 viendra de trop grande abundã- *le Hoc-*
 ce de viandes, ou de froideur d'e- *quet qui*
 stomach, il faudra oingdre l'e- *provient*
 stomach (ou ventricole) d'huyle de trop
 Laurin eschauffée, ou appliquer *manger.*

chauldement sur iceluy vn Emplastre faiët de seméce d'Aneth broyée, & meſlée avec du ſuc de Mente.

Remede contre le D'autre part ſi le Hocquet vient par faulte de māger, l'Eſtomach *hocquet* endurant ſaim: Prenez de l'huy- qui vient le violat, ou roſat ou auſſi du ſuc par faulte d'Endiue, ou du ſuc d'autres her- te de mā- bes qui peuuent refroidir, & d'i- ger. ceux & meſlez avec du laiët de

femme) frottez en l'eſtomach. Donnez auſſi à l'enfant à boire du laiët, & autres choſes douces & vtils: Et ne vous faſchez point ſ'il reiette en vomiffant, ce que vous luy aurez donné à manger. Car il en demeurera toujours aſſez, & autant qu'il en fault pour entretenir & humecter l'Eſtomach.

De l'appetit de vomir.

Chap. XXII.

Contre le trop grand appetit de vomir, que les Latins nomment *Nausea*, donnez à manger à l'enfant quatre cloux de c'est vn Gyrosle broyez. *Nausea, appetit*
 Autrement : Prenez du Mastich, de vo-
 del'encens blanc, & des fueilles *mir.*
 de Roses rouges, autant que voi- *Empla-*
 rez qu'il en faudra, & le tout *stre* pour
 mellé avec du suc de Mente, fai- *appaier*
 des en vn Emplastre, & le met- *P'enuie*
 tez sur l'estomach de l'enfant, & de vomir
 si l'enuie de vomir est plus forte,
 adioustez aux choses dessusdi-
 tes vn petit filet de vin-aigre,
 Autrement, Prenez de la farine *Autre*
 blanche de Seigle, & la rotissez *empla-*
 iusques à ce qu'elle deuienne *stre.*
 rousse, puis de rechef estant
 broyée meslez y du vin-aigre, &

y mettez le iaulne d'un œuf
cuiet, & dur, du Mastich, de l'en-
cens, & de la gomme Arabique,
& le tout meslé ensemble avec
du suc de Mente, faictes en un
Emplastre, & l'appliquez sur l'o-
rifice de l'estomach de l'enfant.
Et mettez au deuant de la bou-
che du pain chaud ou rosty.

Les trois causes qui prouoquent l'appetit de vomir à l'enfant. Ce mal vient le plus souuent de
trois causes. La premiere est si
l'enfant en tetant à prins plus de
laiet qu'il n'en scauroit digerer.
La seconde est si le laiет de la
nourrice est trop clair, aqueux,
humide & trop fluide ou coulât.
La troisieme est si le laiет de la
nourrice est impur & corrópu.
Et celles cy sont les choses prin-
cipales qui prouoquent le vo-
missement, s'il aduient aussi que
l'estomach soit foible & humi-
de. Par.

de. Parquoy il fault subuenir & donner remede à ces choses.

Premierement il fault que l'enfant tete moins que de coustume, & que le laiët luy soit donné par mesure.

Il fault aussi regarder ce qu'il vo- *il fault*
mit pour sçauoir s'il sent l'aigre, *conside-*
& s'il est blanc: car s'il est tel: *rer l'o-*
Prenez de l'encens blanc huit *deur,*
grains, de la Rue seche vingt *couleur*
grains, & le tout estant broyé & *de ce que*
mellé ensemble, donnez en à *vomir*
manger à l'enfant dedans du sy- *l'enfant.*
rop Rosat.

Ou bien dōnez à la nourrice du Comin, à celle fin que l'ayant masché elle le mette dedans la bouche de l'enfant.

Pareillement le syrop de Grenades, avec de la mente puluerisée, & dōné à l'enfant, profite gran-

dement. Autrement : Prenez du Xyloaloës vne drachme, du Mastich vne demie drachme, de la noix de Galle dix grains, le tout pilé & meslé avec du syrop Rosat y adioustant de la noix Muscate, donnez en à manger à l'enfant deuant que l'alaiçter.

Emplast. Dauantage mettez sur son estomach l'emplastre qui s'ensuit: Prenez du Mastich, de l'Acacia, du Xyloaloës, de la noix de Galle, de l'encens blanc, du pain rosti, autant d'un que d'autre, & le tout pilé ensemble avec des Roses rouges, & meslé dedans du syrop Rosat, appliquez le sur l'estomach de l'enfant.

Dautrepart si ce qui est vomy par l'enfant ne sentoit point l'aigre : mais quelque autre chose forte, & s'il n'estoit point de cou

leur blâche: mais plus palle, alors
 donnez à boire à l'enfant de l'ai-
 grest, ou du iust de Coings.

En apres vous luy appliquerez *Autreem*
 vn Emplastre faiçt en ceste ma- *plastre.*
 niere: Prenez de la farine d'or-
 ge, des cymes, ou extremitez
 d'un mourier sauuage, & de l'es-
 corse de pommes de Grenade,
 & tout cecy pilé ensemble &
 meslé avec de l'eau Rose, mettez
 le sur l'estomach de l'enfant.

Dauantage si l'estomach de l'en- *Commēt*
 fant estoit trop humide, & mois il faut
 digerent, frottez le par dessus *guarir*
 d'eau Rose, en laquelle y ayt du l'esto-
 Musc broyé, ou de l'eau de Meur *mach*
 te, & luy donnez à boire du iust *trop hu-*
 de Coings avec vn peu de cloux *mide, &*
 de Gyrosle, & du sucre, ou vn *moins di*
 scrupule de noix Muscate, meslé *gerent,*
 ensemble.

DIVERS TRA. ET
Des songes espouuantables.
Chap. XXIII.

*D'ou viē-
nent les
songes es-
pouuan-
tables
aux en-
fants.* **L**ES enfans sont aussi quel-
quesfois tormétez de peurs,
songes es & songes espouuâtables qui leur
suruiennēt en dormant la nuit:
dont ilz s'esueillent soubdain &
s'escrient: Ce qui se faict le plus
souuent de trop manger: & par
noires vapeurs du laiēt corrom-
pu montans au' chef. Il y fault
donc ainsi remedier.

Premierement donnez vous gar-
de de coucher l'ēfant si tost qu'il
a mangé: Secondement donnez
luy à succer vn peu de miel: à cel
le fin qu'il digere plustost ce qui
pourroit estre de plus difficile
côcoction, & qu'il aille plustost
du ventre à la selle.

*L'electu-
aire nom* Item donnez tousiours à mager
l'enfant la septiesme partie d'v-

ne drachme de l'Electuaire qu'õ me Dia-
 nôme Diamoschũ ou Diaploris. *moschũ*
 La Theriaque aussi prinse avec ou Dia-
 du laiët profite grädement, cõ- *pliris.*
 me Rhafis enseigne.

De la Mere des enfants. La The-

Chap. XXIII.

IL aduient pareillement vne
 maladie qu'on nôme vulgai-
 rement La mere des enfants: la-
 quelle ha quelque communauté
 avec le mal de S. Iehan (duquel
 nous parlerõs cy apres) & le plus *Les si-*
 souuent tormente les enfants *gues de*
 quãd ils sont alaiëttez. De laquel- *ceste ma-*
 le maladie voicy les signes, quãd *ladie quõ*
 l'enfant pleure souuent, qu'il ha *nõme la*
 peur en dormant, qu'il ne peult *mere des*
 dormir, qu'il ha des chaleurs ex- *enfants.*
 tremes, & quãd l'halaine luy put. D'ou pro
 Ce mal prouier d'imperfecte cõ- *uient la*
 coction, quand on dõne plus de *mere aux*

DIVERS TRAV. ET

laiet à l'enfant, qu'il ne sçauroit digerer. Et pourtant quand vous voudrez vsr de remede propre à cecy: Ayez premieremēt soing que le laiēt de la nourrice soit amendé, à fin qu'il soit de plus facile digestion: & donnez tous les iours à l'enfant vn demy scrupu-

Diamus-le de c'est Electuaire qu'on nomme *cum, dia me Diamuscum* ou *Diaploris*. Et *pliris*, la sur la Theriaque prinse avec du *Theriaq* laiēt, y sert grandement.

Des enroueures, on ronflemens.

Chap. xxv.

CY dessus nous auōs parlé de la difficulté de respirer, & a-
Ne pou- uons donné quelques remedes
oir auoir pour la guarir: Mais aucunesfois
l'halaine elle est si forte qu'elle torment
qu'avec l'enfant mesme en dormant, tel-
vn son & lement qu'il ne peult auoir son
rōflemēt. halaine, qu'avec vn son & rom-

flement. Et quand ce mal aduiedra, il le faudra ainsi guarir. Prenez de la semence de Lin bien broyée, & meslée avec du miel escumé, & en frottez la bouche de l'enfant. Que si la chaleur est temperée prenez du Comin pilé & meslé avec du miel escumé, & l'appliquez comme dessus.

Du Boyeau auallé. Chap. XXVI.

Contre le boyeau auallé, qui se faiet en s'efforçant pour l'imbécilité des muscles obliques, & ne se peult retirer sans l'ayde des mains, ou des médicaments. Prenez de l'escorsse de Grenade, du Meurte, des escales de Glád, des fueilles de roses rouges, de la corne de Cerf bruslée, de l'alun, de la corne de cheure, des fleurs de Grenadier, & des noix de Galle, d'un chacun vne

mesme mesure : faiçtes bouillir le tout en de l'eau, iusques à ce que l'eau ayt attiré toute la force & vertu des medicaments qui sont dedans, & lauez l'enfant en

Tinesme icelle eau tiede.

cestquāt Du *Tinesme*. Chap. XXVII.

on à en- **Q** V'elle maladie c'est que
nie d'al- *Tinesme* nous l'avons ex-
ler à la pliqué cy dessus au dixiesme cha-
selle, & pitre du premier liure, folio 72.
quon ne ligne 10. Ceste passion doncques
peultriē aduient aussi quelquesfois aux
faire. enfans, & le plus souuent d'en-
D'on p- durer froid : contre laquelle vsez
uient le de ces remedes : Prenez de la se-
Tinesme mence de Cresson Alnois, & de
aux pe- Comin autant d'un que d'autre,
tits en- & estat biē pilée & meslée avec
fans. du beurre vieulx, dōnez en à boi
Bruage re à l'enfant en de l'eau froide.
perfum. Autrement : Prenez de la Tere-

béthine, & la mettât sur les char. Autre
bons, faiâtes que la fumée d'icel-*perfum.*
le entre dedans le fondement de
l'enfant, tout la'entour estât bié
bouché, & cloz de quelques ro-
bes.

Autrement de la Colophone, &
l'ayant mise sur les charbons, fai-
âtes comme dessus.

Des vers du ventre.

Chap. xxviii.

Il y à de petits vers qui naiscēt *ἐλμιν-*
dedans le corps des enfans que *θεες*, idest
les Grecs nomment *ἐλμινθεες*. *lumbrici*
Les latins *Lumbrici*: desquels y à Trois es-
trois especes. Les vns sont rōds, *peces de*
les aultres larges, & les aultres *vers.*
courts & gresles.

La premiere espece est des rōds. *Ter-*
& sont nōmez Teretes, ils sont *tes*, ilz
longs cōme vn demy pied: quel-sont rōds
quesfois plus, & se trouuent le

2. *κέει- plus souuēt aux intestins menuz
 ριαι, ou & gresles, & entrent en l'esto-
 ταινια mach : dont ils sont souuēt reiet-
 ilx sont tez par la bouche: à d'aulcuns auf
 larges. si par les nareaulx.*

*Pline au La secōde espece est de ceux qui
 2. liure. sont larges, & sont nommez
 chap. 33 Κέει ριαι ou ταινια, ils s'entretiē-
 3. ἀσκά nent d'vne terrible lōgueur : car
 ριδες, Pline recite qu'on en à veu qui
 ilx sont estoiēt longs de trois cens pieds
 courset & plus.*

*gresles. La troisiēme espece de vers est
 D'on viē de ceux qui se nomment ἀσκά-
 nent les ριδες, & sont petits vers qui viē
 vers aux nēt & s'engēdrēt au trou du cul.
 enfans Mais le commencement & ori-
 Bruage gine de tous ces vers viēt de cru-
 cōtre les dité d'humeur crasse & pituiteu-
 vers nō se, subiecte à pourriture, comme
 mez Te- est celle des petits enfans, & au-
 retes. tres qui sont gouluz.*

Contre les vers qui se nomment Teretes lesquels sont dedans le ventre, vſez de ces remedes: Prenez de l'eau de corrigiole, & la donnez à boire à l'enfant avec du laiſt.

Ou bien ainſi: Prenez du Coral qui tire ſur le blanc, des raclures *ſuppoſi-* d'ivoire, de la corne de cerf *bru-* toires cō lée, & de l'Iris d'un chacun deux *tre les* ſcrupules, du ſuccre blanc deux *vers nō-* vnces & demie, de l'eau de Cor- *mex te-* rigiole, autant qu'il en fault pour *retes.* meſſer le tout enſemble, & en faiſtes des ſuppositoires, & en appliquez tous les iours vn à l'enfant, qui ſoit du poids de deux drachmes.

Autrement ſelon Rhaſis: Prenez *Empla-* du Comin pilé & meſlé avec du *ſtre con-* ſiel de bœuf, autant qu'il en fault *tre les* dra, & ayant faiſt de cecy vn em *vers rōds*

L'huylle plaistre, mettez le sur le nombril
d'oline de l'enfant.

prise par Item l'huylle d'oline prise par la
la bou- bouche est bonne contre toute
che, tue sorte de vers & les tue.

toute for Et contre les vers qui se nōment
te d'vers Ascarides: Prenez de la laine de-
supposti- liée, & en faictes des supposito-
toires cō- res, lesquels estans trempéz en
tre les de l'huile d'Absince, ou de Rue,
vers nō- ou de noyaulx de Paisches, ou
mez as- aussi en de l'huile d'Amandes a-
carides. maires, mettez en tous les iours
Baing cō- vn dedans le siege de l'enfant.

tre les Il est bon aussi de baigner l'en-
vers as- fant dedans de l'eau en laquelle
carides. ayēt bouilly des facilles de pais-
Vnguent cher, & d'Absince.

propre Voicy vn vnguent propre à cest
cōtre les vsage: Prenez de l'Absince, des
vers, as- lupins, d'un chacun d'eulx drach-
carides. mes, du Siler mōtain, du Comin

de la poyurette, de la Centaurée,
de la corne de cerf brulée, d'un
chacun quatre drachmes, & le
tout broyé & meslé avec de l'hui
le d'Absinçe, ou d'Amâdes amai
res, le poids de deux vnces, en y
adioutant quatre drachmes de
Cire, faiçtes en vn vnguent, &
diceluy frottez en doucement
le ventre, & le corps de l'enfant.

Autremēt: Prenez de la Poiuret- *Empla-*
te deux drachmes, de l'Absinçe, *stre con-*
du Mastich, d'un chacū vne drac- *tre les*
me, de l'Aloës, du Coral rouge *vers as-*
d'un chacun deux drachmes, du *carides.*
Coriandre prepare six drachmes,
le tout soit bien puluerisé, &
puis prenez de la farine de Sei
gle trois vnces, des lupins broyez
six drachmes, & du Saffran vne
drachme, en y adioutant du suc
de Rue deux vnces, ou au lieu

d'iceluy autant d'huile de Rue,
& du suc d'absinthe, quatre vnces
ou au lieu d'iceluy, aultant d'huile
de d'Absinthe, le tout meslé en-
semble, faictes en vn emplastre,
& en appliquez sur le nombril
de l'enfant, la largeur d'une pal-
me de main.

*Aultre
empla-
stre.*

Vn autre emplastre propre prin-
cipalement contre les plus longs
vers: Prenez du suc d'Absinthe, &
du fiel de bœuf, d'un chacun deux
vnces, de la coloquinte huit drac-
mes, le tout broyé & meslé en-
semble, en y adioutant de la fa-
rine de Froment, faictes en vn
emplastre, & le mettez sur le no-
mbil de l'enfant.

*Baing cõ-
tre les
vers.*

En ceste sorte & maniere vous
appresterez aussi vn baing pro-
pre contre les vers: Prenez de
l'Absinthe, & des noix de Galle,

autant qu'il en fault, faictes
bouillir le tout en de l'eau, & aiāt
mis l'enfant dedans icelle eau iuf
ques au nombril, lauez le chaul-
dement.

Des escorcheures.

Chap. XXIX.

*Intertri-
go c'est
eschor-
cheure.*

Contre l'escorcheure que les
Latins nomment Intertrigo La cau-
quand les membres, & la peau se des es-
de l'enfant pour l'acrimonie de corcheu-
l'vrine viennent à s'escorcher & res des
rougir: Prenez du Meurte redigé petiz en
en pouldre, & d'icelle puluerisez fans.
en la partie blaiſſée. Pouldre

Ou bien prenez du Glaycul, des de meur
Roses rouges, du Souchet, autāt te.

qu'il en fault pour le mal, & le Autre
tout à part ou ensemble reduict pouldre.
en pouldre, eſpādez d'icelle poul vnguent
dre ſur la partie offeñſée. Item cōtre les
prenez de l'huile Roſat vne vn- eschor-
cheures.

ce de l'encés blanc vne drachme
 & estant le tout meslé ensemble
 adioutez y huit grains de Cam-
 Vnguent phre broyé & liquesfié vn peu au
 blāc Rha parauant dedans de l'eau rose. Et
 sis. ayant de tout cecy faict vn vn-
 guent, oignez en les escorcheu-
 res de l'enfant. A ceste mesme
 chose l'vnguent nommé Blanc
 Rhasis, & l'vnguēt rouge, y sont
 επιλην fort propres.

ψία, est
 morbus

De l'epilepsie.

Chap. xxx.

comitia- **L**E hault mal, ou mal de saint
 lis, lu- Iehan, que nous appellōs est
 naticus, dict des Grecs επιληψία, & des
 hercule⁹ Latins Morbus comitialis, Luna-
 sacer. ticus, Herculeus, morbus Sacer:
 C'est le & à cause que ce mal aduient le
 hault plus souuent aux enfans, & mes-
 mal oule mement à ceux qui sont petits
 mal de f. (pource qu'ils ont le cerueau
 Iehan.

fort humide) il se nomme aussi *παίδι-
παδικός*, c'est à dire maladie *κός*, c'est
des petits enfants. Or ce mal maladie
icy vient en deux sortes & ma- de petiz
nieres. Car il naist ensembse a- enfans,
uec l'enfant : ou bien il luy sur- La cau-
vient apres sa naissance, & pro-se pour-
vient de Plenitude, & humeurs quoye
lentes, froides & pituiteuses dōt commē-
sont remplies abondamment les viēt l'e-
parties nerueuses. Mais le plus pilepsie.
souuent ils en guarissent par mu La gua-
tation d'aage, de temps, de lieu, rison de
& de raison & maniere de viure. l'epile-
Car ainsi le recite Hippocrates. psie.
Ceulx (dict il) qui estans en aage Hippo.
puerile sont malades d'Epilepsie Aphor.
& mal comitial (que nostre vul- 45 du 2
gaire appelle, comme nous auōs liure.
dict, Le mal de S. Iehan) en sont
deliurez & guariz principalemēt
par la mutation de l'aage puerile

Jeunesse en jeunesse (laquelle est de chau-
est de de & seiche temperature, & par
chaude tant contraire au mal comitial,
et seche qui prouient de cause & matiere
repera- froide & humide) par la mutatio
ture. des temps & saisons, & des lieux
L'epile- (comme quand ils sont menez
psie pro- en vne region chaulde & seche)
uient de de la Diaite & raison de viure, la
matiere quelle puisse faire la temperatu-
froide et re du corps plus chaude & seche
humide. En quel cas si ce mal icy ne laisse
Le mal point l'enfant masle, deuant quil
de s. leã ayt vingt & cinq ans, & la fille,
laisse le enuiron le temps que ses men-
plus sou- strues s'esmouuēt, & que n'y par
uēt l'en- là force de nature, n'y par mede-
fant ma- cines, on ne puisse, durāt ce tēps
le deuant la, chasser n'y guarir ceste mala-
la 25 an- die : Il y à grand dāger, tant pour
née, et l'enfant masle que pour la fille,
la fille que tout le temps de leur vie ils
lors que

ne demeurent Epileptiques. *ses fleurs*
 Parquoy si l'enfant ha apporté *commen-*
 ce mal avec luy, en naissant, il *cent a la*
 faudra mettre tout soing & dili- *prendre.*
 gence, qu'il soit nourri & entre-
 tenu de viandes qui soient de *Viandes*
 vertu & faculté chauldes & se- *chaudes*
 ches : desquelles il faudra aussi *& seches*
 que la nourrice vse.

Dauantage si ceste Epilepsie n'est
 venue de nature : ains de quel-
 que autre accidēt: il faudra met-
 tre peine que le laiēt de la nour-
 rice soit bon, & fort conuenable
 à nature. Et pourtant il ne sera *Purger*
 point mauuais (si necessité le re- *le cerue-*
 quiert) de purger le cerueau de la *au de la*
 nourrice par medicaments pro- *nourrice.*
 pres & conuenables à ce faire. *Euites*
 La nourrice doibt aussi euites & *toutes*
 fuir toutes viandes qui refroidis- *viandes*
 sent : elle doibt aussi se donner *froides.*

garde de bailler à l'enfant plus de laiçt, qu'il n'en pourroit aysement digerer. Dautrepart il se-
Huyles qu'il faut ra bon de couler dedans les na-
couler de reaux de l'enfant, de l'huyle de
dans les Castor, de l'huyle de Costus, de
nareaux l'huyle d'Euforbe, & fauldra mes-
de l'en- ler avec ces huyles (pour l'odeur)
fant. de la Rue, & de l'Aza puante.
La raci- Il fauldra aussi attacher au col de
ne & se- l'enfant de la semence, & des ra-
mence de cines de Pæone, prinſes & arra-
Pæone at chées au declin de la Lune.
tachée Et ſi la neceſſité requiert d'auan-
au col de tage, il fauldra luy donner à boi-
l'enfant. re de la Theriaque. Il ſera prof-
La the- fitable auſſi de donner à l'enfant
riaque. de la preſure de Lieure avec de
La preſu l'eau mielée: & le iour qu'on luy
re de lie- en aura dōné, il ne le fauldra pas
ure. alaiçter, ny luy bailler du laiçt.
 Item, pendez au col de l'enfant

du Guy de chesne qui soit cucil- *Du Guy*
ly au mois de mars la Lune estant *de ches-*
au declin. *ne pendu*

Il y à encore plusieurs autres re- *au col de*
medes qui seruent cōtre ce mal *l'enfant.*

Epileptique : mais nous auōs icy
tant seulement escrit , pour la
briefueté , ce qui sembloit estre
le plus expedient.

De la Phtisie. Chap. XXXI.

TOutesfois & quātes que l'en
fant debuient si sec & si mai-
gre , q̄ les os luy persent la peau,
comme on dit communement
(laquelle maladie est nōmée des
Grecs φθίσις , & des Latins Ta- φθίσις,
bes ou Macies, & prouient de flu *id est Ta*
xions d'humeurs acres , de la te- *bes ou*
ste aux poulmons , dont s'ensuit *macies.*
erosion des poulmons, & grande D'ou pro
longueur pour l'enfant) il fauldra *nient la*
vser d'vn lauement d'eau , en la- *Phtisie.*

Baing p laquelle on ayt mis cuire vne te-
pre à l'en ste & des pieds de mouton, iuf-
fant qui ques à tant que la chair se separe
est secey de soymesme des os. Et toutes-
maigre. fois & quantes que l'enfant sort
 de ce baing (car il le fauldra sou-
 uent lauer) premierement on le
 doibt bien essuyer, & puis apres
 l'oindre de c'est vnguent qui
 s'ensuit.

Vnguent Prenez du beurre fraits, de l'huy-
duquel le Violat, ou Rosat, d'un chascun
on doibt deux drachmes, de la gresse six
vsr à la drachmes, de la cire blanche qua-
sortie du tre drachmes, & le tout fondu
baing. ensemble, faictes en vn vnguent,
 & vsez d'iceluy, en sortant du
 baing, ainsi que nous auons dit.

Autre cō Vn autre vnguent, Prenez de la
position cire blanche, de la gresse, du suif
d'vnguet de brebis, du beurre frais, le tout
 fondu dedás vn vaisseau, mis sur

les charbõs, & reduict en forme d'vnguët : faićtes comme dessus.

De la Paralyſie Chap XXXII.

C'Est mal que les Grecs nom- *παρά-*
ment *παράλυσις*, les Latins *λυσις*,
Resolutio, selon que recite Ga- *id est re-*
lien : c'est quand l'un des costez *solutio.*
du corps à perdu tout sentiment Gal. au
& mouuement: aucunes fois auſ- *3. li. c. 10*
si quand d'un costé, le bras seule- *De pa-*
ment, ou la cuisse, ou la langue à *tientibus*
perdu ou le sentimēt, ou le mou- *locis.*
uement: ou tous les deux ense- *Que cest*
ble: & la cause de ce est réduite par *que pa-*
Galien, au liure premier des cau- *ralysie.*
ses des Symptomes, chapitre. X.
Icelle maladie donc que nous ap-
pellons Paralyſie viēt auſſi quel-
ques fois aux enfans, en telle sor-
te qu'ils ne peuuent remuer les
mains, ny les bras, & ne peuuent
se tenir sur les pieds. Parquoy si

cela aduient à l'enfant durant le temps qu'il tete encores, il fault que la nourrice vse de viandes & medicaments qui eschauffent, & *Viandes* desechent. Et doibt le plus sou-
chauldes uent viure de viandes rosties ou
Esches frites, & s'abstenir totalement de manger du laiët, & du poisson & de toute chair salée. Dauantage elle ne doibt point boire de vin, dedans lequel y ayt de l'eau: Et deuant qu'allaiëter l'enfant el le le doibt lauer, & puis apres l'ointre d'huyle de Castor, ou de Costus.

Il sera bon aussi de donner tous *Electuai* les iours à manger à l'enfant de
re duq̃l cest Electuaire qui s'ensuit.
doibt v-Prenez de la Mente sauage, de
ser l'en- la Canelle, du Comin, des fueil-
fant pa- les de Roses seches, du Mastich,
ralitique du Senegré, de la Valerienne de

l'Ammi, des cloux de Gyrofle, du Sandal, du Xyloaloës, d'un chacun vne drachme: & vne demie drachme de Musc: le tout estant ensemble bié pilé & méslé avec du miel escumé: faiçtes en vn Electuaire, & en donnez tous les iours à l'enfant Paralytique la quarte partie d'une drachme.

Que si l'enfant est Paralytique *Emplast.* de tous ses membres: Prenez vne *pour les* vnce de cire, & vne drachme *Paraly-* d'Euforbe, & le tout estât fondu *tiques.* & méslé avec de l'huyle d'olive, en forme d'Emplastre mettez le sur l'espine du doz de l'enfant.

Du tremblement des extremitex:

Chapitre XXXIII.

SI les extremitex des parties *Les ex-* du corps de l'enfant viennent *tremitex* vne fois à trembler: Il y a danger *du corps* que les membres se retirent, & que les

latins nō qu'il soit espris d'Epilepsie: Par
ment Ar quoy quand ce mal aduiēt à l'en-
tus ce sōt fant il luy fauldra ainsi remedier
les bras, Prenez de lhuyle Rosat, & de
 & les lhuyle de Nard, & iceulx estants
pieds. meslez ensemble & eschauffez,
Huyles oignez en l'espine du doz de l'en-
pour frot fant & les autres membres qui
ter l'espi- tremblent.

ne du Combien que vous les pourrez
doz de aussi frotter & oindre d'autres
l'enfant huyles qui eschauffent: comme
qui a trē est l'huyle Laurin. Que si ces mè-
blement decines ne profitent en rien, pre-
aux ex- nez le conseil de quelque Me-
tremitez decin.

De la Gravelle.

Chap xxxiiii.

D'ou pro- **D** Auantage si l'enfant est tor-
nient la mētē de la Gravelle & pier-
Gravelle res en la vescie (qui sont du vice
aux pe- & imperfection de la matrice,

ou de la mere, laquelle estât *gros tits en-*
se à vescu intemperamment) ou fants.
 qu'il ayt quelque aultre conduit
 de l'vrine empesché: ce qui se *Commēt*
 congnoistra s'il pisse goutte à *oncognoi*
 goutte, peu & souuent, & auec *stra que*
 grande difficulté & douleur, & si l'enfant
 son vrine est claire, & si son mē-à la Gra-
 bre viril (si c'est vng masse) est *uelle.*
 tousiours droict, alors il y faul-
 dra ainsi remedier.

Premierement, lauez l'enfant en *Remedes*
 de l'eau dedans laquelle ayent *pour gua*
 bouilly des Maulues & Guymau-*rir la gra*
 ues, de la semence de Lin, & de *uelle de*
 la Paritoire. Secondement don-*l'enfant.*
 nez à manger à l'enfant quelque
 chose qui prouoque l'vrine.

Finablement quand vous le met-
 trez coucher, frottez luy ses ge-
 nitaires d'huyle, & luy donnez à
 boire de l'eau de Meures vertes,

avec du laiët.

Emplast. Ou autrement : Prenez du sang pour gua d'un boucq, & de la poudre d'un rir la gra. Scorpion bruslé, & le tout meslé uelle. ensemble avec de l'huyle de scorpion, ou de l'huyle de Liz blanc, & reduiët en forme d'emplastre mettez le sur les genitoires de l'enfant.

Des yeulx louches.

Chap. xxxv.

Cōment on doibt remedier à vn enfant qui a les yeulx louches. **F**Inablement quand vous voyrez qu'un enfant sera louché, à celle fin que ceste coustume ne passe en nature. Premièrement mettez le berceau, dedans lequel l'enfant est couché, en telle sorte & maniere, que l'enfant regarde droiëtment la lumiere, & qu'il ne puisse ietter sa veüe en hault, n'y d'un costé, n'y d'autre. Que fil à ia commécé d'auoir la veüe

de trauers : mettez alors le berceau , en telle sorte que l'enfant ayt la lumiere de l'autre costé tout à l'opposite , à fin qu'il soit contrainct de detourner sa veüe (quand il vouldra voir la lumiere de ce costé qu'il auoit ia accoustumé) en l'autre costé tout diuers. Et de nuict mettez aussi la chandelle en tel lieu , que par la clarté, la veüe de l'enfant soit detournée de ce costé la, auquel il auoit accoustumé de regarder. Dauantage attachez quelque tapisserie de diuerses couleurs, ou de drap de quelque belle couleur (comme iaulne & bleuf) en ce lieu deuers lequel vous voulez qu'il retourne sa veüe: à fin qu'en regardant ces couleurs la veüe se puisse retourner. Car ce pendant qu'il s'amusera à voir

De nuit.

Vne tapisserie de diuerses couleurs en leurs res-iouyt la veüe de l'enfant.

souuent les choses qui resiouissent la veüe: peu à peu sa veüe se retirera de l'autre costé contraire à celuy qu'il auoit accoustumé Et pourtant il conuiendra tousiours faire cela, iusques à tāt que congnoissiez qu'il ayt la veüe droite. Car si vous le faictes plus

Aduer- tissement long temps & que n'y ayez aucun esgard, il y aura danger que voulant euitier qu'il ne soit louche d'vn costé, qu'il ne le soit de l'autre.


Epilogue Il suffira d'auoir traicté iusques icy de l'enfantement de l'homme, & des choses qui aduiēent autour d'iceluy. Que si les gens de sçauoir prenēt en gré, ce miē petit labeur, & qu'ils me fassent cest' honneur de le lire: Je m'asseure qu'ils ne se repentiront point de la lecture, n'y moy aussi

à iamais de ma peine, & de mon
labour. Je n'estime pas aussi qu'il
y ayt aucun tant ingrat, & inhu-
main, que si i'ay icy vsé de quel-
ques mots rudes & peu cogneuz,
voulut pourtant attribuer cela
plustost à ma negligence, qu'à
la difficulté de la matiere, & à
l'argument eslongné de l'vsage
coustumier de ceulx qui escriuēt
aujourdhuy.

FIN.

Rien deuant le temps.

Monstre qui nasquit en vne des contrées
de Vuerdemberg en Allemagne.



I N D I C E D E S
choses memorables conte-
nues en ce present liure,
mises par chapitres
& fueillet

AV PREMIER LIVRE.

DE la diuerse appellation du
fruiet de la femme. chap.
premier, fueillet 8

En quelle façon & maniere gist
dedans la matrice le fruiet de
la femme, & en combien de
peaulx il est enuironné. 2.9

En quel temps les femmes en-
fantent, & quels signes prece-
dent l'enfantement. 3.12

Quels sont les naturels enfante-
ments, & quels sont ceux qui
viennent contre nature. 4.13

De l'enfantement aysé, & de ce-
luy qui est difficile, & par quel
moyen on doibt congnoistre
icelle facilité, ou difficulté
d'enfanter. 5.15

Que c'est qu'il fault faire aux
fēmes prestes à accoucher, &
cōment il fault subuenir à cel-
les qui enfantent à peine. 6.21

Les remēdes qui aydent à l'en-
fantement, & le rendent plus
aysé. 7.43

Comment il fault tirer l'arriere
fays des accouchées, si d'elle
mesme elle ne tombe. 8.48

Diuerſes maladies qui aduien-
nent aux femmes autour de
leurs enfantemēts, ou aussi a-
pres iceux : comment, & par
q̄ls remedes icelles maladies
doibuent estre guaries. 9.54

Des femmes grosses qui abor-

rent, & les causes de leurs ab-
uortements. 10.69

Les signes qui coustumierement
precedent tous abuortemēts.

11.77

Les remedes par lesquels les fē-
mes grosses se dōneront gar-
de d'abuorter. 12.79

Les signes par lesquels on con-
gnoistra les enfāts estre morts
dedans la matrice. 13.81

Les remedes pour tirer hors de
la matrice les enfāts morts.

14.84

Des enfāts nouvellement nez:
comment il les fault entrete-
nir, & garder. 15.92

Quel laiēt, & quelle nourrice on
doibt donner à l'enfant. 16.96

Les causes de la diminution, &
defaillance du laiēt aux nour-
rices, & les Remedes propres

à icelles.	17.99
Comment on doit berce l'enfant, & combien de temps on le doit allaiter.	18.103

AV SECOND LIVRE.

Diuerſes maladies, & accidents qui aduiennent aux petits enfans, & nouuellement nez, & par quel moyen, il leur faut ſecourir.	104
Des vlceres & demengeaiſons des genſues.	1.106.
Du flux de ventre.	2.107
De la dureté & adſtriction du ventre.	3.109
Des conuulſions.	4.112.
De la toux, & de fluxion du cerueau.	5.113.
De la difficulté de reſpirer.	6.115
Des vlceres au dedans de la bou-	

che.	7.116
Des vlceres au dehors de la bouche.	8.118
Des humiditez des aureilles	9.119
Des apostumes du cerueau.	
10. 120.	
De l'enflure des yeulx.	11.120
De la chassie des yeulx.	12.120
Des fiebures & chaleurs immoderées.	13.121
Des trenchées du ventre.	14.122
Du corps enflé.	15.122
De l'esternuemēt cōtinuel.	16.122
De la rougeolle & verolle.	17.123
Des tumeurs & inflámations des aines, & des testicules.	18.124
De l'enflure du nombril.	19.125.
Des veilles.	20.126
Du hocquet.	21.127
De l'appetit de vomir.	22.128
Des songes espouuátibles.	23.130
De la mere des enfans.	24.131

Des enroueurs ou ronflements

25.131.

Du boyau auallé 26.132

Du Tinefme 27.132

Des vers du ventre 28.133

Des efcorcheures 29.136

De l'epilepfie 30.136.

De la Phtifie. 31.139

De la Paralyfie 32.140

Du tremblement des extremi-
tez. 33.141

De la Grauelle 34.141

Des yeulx louches. 35.142

FIN DE L'INDICE.

Rien deuant le temps.